

# Luka

---

## Yesuac suruc yomi Lukanéŋ Tiofiluac oma miyec.

**1** <sup>1</sup>Neŋaŋ sucninaiguc haka hélacnec hicŋi nénécmiyec imuac ac suruc imi areŋgéma owiŋ zé sasalanéŋ batucgéma aigina hénigic. <sup>2</sup>Imi mia hénihéniya igucnec kicginanéŋ hémma ackuazéc imuac héipuc ic zéma ai ic kecgic ieneŋ nénézégic séc dindiŋanec ogic. <sup>3</sup>Ni acguc haka imi moczoŋ hénihéniya igucnec dindiŋanec niŋgésima hicŋi hicŋjima éréyec séc areŋgéma oma ic kewu eŋeŋana Tiofilus guac haiwa hamac iminéŋ hia wammac zéma niŋi. <sup>4</sup>Imuac mia kiwi yomi olomma ackuazéc gézégic imi hélacnec zéma nimbésémaŋ.

<sup>5</sup>Herodenéŋ Yuda baec imuac ic kewu kerec nalé imuaru ic ménŋ kerec, qara imi Zakaraia. Inéŋ hofac ooic ménŋ qara Abiya iwac ai areŋ igucnec. Waŋu Zakaraiawac iniŋa imi Aronac sac kitic igucnec. Waŋu iwac qara imi Elisabete. <sup>6</sup>Iereŋ imi Anutuac kiwaiguc solaŋanec kecaŋoc. Kecma Miŋ Kewuac zézé seli zéma hénia ac moczoŋ kápésic qahac tohoma kecaŋoc. <sup>7</sup>Waŋu Elisabete imi héfiŋac kecaŋec imuac niŋ iereŋ qeligira qahac kecma ic embac yanda waŋoc. <sup>8</sup>Nalé sura ménŋu Zakaraianéŋ eŋeya ai ic tuŋa ionac ai nalégina ducŋiyu hofac oo ai imuac galeŋ wamma Anutuac wésiaiguc ai mema kerec. <sup>9</sup>Waŋu hofac oo ic eŋaŋ hakagina tohoma sumbic négic Zakaraiawac ai buŋa waŋu Miŋ Kewuac ama téréyaiguc emma héfac héméŋaguc héimiyec. <sup>10</sup>Héimiyu hofac oo ai imuac suraiguc ic embac moczoŋ yanda ieneŋ séŋgaŋgeŋiguc zéwelec welec ai mema naŋgic. <sup>11</sup>Waŋu Miŋ Kewuac kua meme uŋa ménŋnéŋ iwaru wininima hofac oo zaki téréya imuac héiyaiguc naŋec. <sup>12</sup>Naŋu Zakarianéŋ héŋu qeri yéwéc wammiyu bac yandi yandinéŋ sécgémiyec. <sup>13</sup>Imuhuc waŋu kua meme uŋanéŋ yomuhuc ézéyec; Zakaraia, bac yandi yandi ménda wanna, zéwelec welecga imi niŋgégéŋa waŋec. Imuac iniŋga Elisabetenéŋ héri haima merac ménŋ megémmac. Megéŋu iwac qara Yohane zéwésémaŋ. <sup>14</sup>Waŋu guaru ségiségi yanda hicŋjima. Hicŋiyu ic embac sasala ieneŋ iwac hicŋi hicŋiya niŋac ségiségi wammu. <sup>15</sup>Ségiségi wammu imi hénia yomuhuc niŋac; Inéŋ Miŋ Kewuac kiwaiguc kunéŋgina wamma kecmac. Waŋu inéŋ waiŋ zéma doku selia imuhucya

méndagucnec nemac, nér neŋgocyawac héri qeriiguc heyunec Uŋa Téréyanér ewa qeria sécgémima hemac. <sup>16</sup>Sécgémiyu Israelaec qelihéra sasala melej énécmiyu Miŋ Kewugina Anutuac muru lilingéma hamu. <sup>17</sup>Qeri uŋa zéma kuhanér Eliawac séc hemiyu, Miŋ Kewu ménda hayunec miha mema hama maŋgoc ionac qerigina melej u nambérac ionac lilingémac. Ewa seli ic melej énécmiyu ic solaŋa ionac niniŋ areŋ imuac wamma lilingému. Imuhuc wamma Miŋ Kewuac hénarorŋ sécyá zémindiŋi énécmiyu iwac mambéc kecmu. <sup>18</sup>Kua meme uŋanéŋ imuhuc ézéyu nimma Zakaraianér ac kitiwa yomuhuc melejec; Ni imi ic yanda, waŋu iniŋna acguc yawuŋa sasala yanda, imuac dimuhuc acga imi niŋasarimaŋ? <sup>19</sup>Zéyu kua meme uŋanéŋ yomuhuc ézéyec; Ni qacna Gabiriel, Anutuac kiwaiguc nananŋa imi mia. Anutunér buŋa suruc hiabia yomi gézéma zéau gémmaŋ zé méli néŋu mazua. <sup>20</sup>Ninzaŋ, acna zéwa ménda ninzéŋgézaŋ, imuac niŋ degucmuacnec gi ac zéwésémaŋac séc qahac wamma ac qahac kecnanec haka imi hiŋjamac. Naléya ducŋiyu acna imuac héla hiŋjamac.

<sup>21</sup>Waŋu Zakaraianér Anutuac ocmuŋ téréya qeriaiguc nalé ogicma keru, ic embac ieneŋ iwac mambéc kecma welicgéic. <sup>22</sup>Imuhuc waŋkecgic inér ionac muru mayec. Waŋu ac zémacac séc qahac waŋec. Waŋu ic embac ieneŋ imi inér ocmuŋ téréya qeriaiguc iwawai tanec méŋ héŋec imi niŋtecgic. Waŋu inér méranér séséc sac waŋ énécmima ara qahacnec kerec. <sup>23</sup>Waŋu welenŋ qeqeyawac ai meme sasala imi welenŋ qeyu tecgédaru amayaiguc lilingéma keŋec. <sup>24</sup>Kemma keru ai meme tosara hama keŋu iniŋa Elisabetenér hériyaguc wamma maso méra méŋ saŋgima kerec. <sup>25</sup>Kecma yomuhuc zéyec; Sura yomuac Miŋ Kewunér nuac wannémma ic embac sugginaiguc gamuna qahac wammac niŋac haka imuhuc wannéŋec.

### **Kua meme uŋanéŋ Maria hiŋjimiyec.**

<sup>26</sup>Maso 6 waŋu Anutunér kua meme uŋa Gabiriel Galilaia baec Nazarete tauniguc mélimiyec. <sup>27</sup>Mélimiyu embac seraŋa méŋ qara Maria iwac muru keŋec. Waŋu embac imi ic méŋ qara Yosefe Dawidiac hiŋjisai areŋa imuarunec iwac iniŋ buŋa qemigic kerec. <sup>28</sup>Waŋu hosucgé mima yomuhuc ézéyec; Ohec wahec! Anutuac héŋsorocya, Miŋ Kewunér giguc keczac. <sup>29</sup>Imuhuc zéyu Marianér kuneŋ yandanec niŋbipima yomuhuc niŋec; Némac niŋ imuhuc yai zézéna zézac? <sup>30</sup>Waŋu kua meme uŋanéŋ yomuhuc zéyec; Maria, Anutunér ewa hia waŋgéŋu héŋzaŋ imuac niŋ gi bacga ménda yandiyu. <sup>31</sup>Ninzaŋ, gi héri haima nanŋa mewésémaŋ. Waŋu qara imi Yesu zéwésémaŋ. <sup>32</sup>Inér Miŋ Kewu wamma keru, iwac qara imi Eŋeŋa miŋinawac Naŋa zémimu. Waŋu Miŋ Kewu Anutunér iwac sakoŋa Dawidiac tatac edamuyaguc imi iwac miyu tacmac. <sup>33</sup>Waŋu Yakopac qelihéra ionac ama séc ic kewu waŋ énécmima keru, iwac héŋgaleŋ ama

areña yanda imi nalé hémbénaña tetcgia qahac hema emma kecmac. <sup>34</sup>Imuhuc zéma zéyu, Marianéñ kua meme uña yomuhuc ézéyec; Ni ic hénia ménda nimmanec seraña kecdua, imuac niñac haka imuhucyanéñ dimuhuc hicñi némmac? <sup>35</sup>Zéyu kua meme uñanéñ ac kitiwa yomuhuc melemma ézéyec; Uña Téréyanéñ guaru mayu Eñeña miñinawac kuhanéñ hoturu gémmac. Imuac niñac merac mewésémañ imi téréya. Wañu iwac mia Anutuac Naña zémimu.<sup>a</sup> <sup>36</sup>Ninzañ, sac kiticga Elisabete héfiña zémimianéñ yawuña sasala yanda wammaguc merac ménñ héri haima keru, bec maso 6 wanzac. <sup>37</sup>Némac niñ, Anutuaru imi haka osiosiya ménñéñ ménñ ménda hezac. <sup>38</sup>Imuhuc zéyu, Marianéñ yomuhuc ézéyec; Ni Miñ Kewuac welen qeqe embac, imuac zézañ imuac séc hia hicñi némmac. Imuhuc zéyu kua meme uña iminéñ waima keñec.

### Marianéñ Elisabeteac kemma ara niñec.

<sup>39</sup>Keñu sura ménñ imuaru, Marianéñ yacma kemma Yuda baec boña ménñu Yuda tauñiguc focdac ekeñec. <sup>40</sup>Ekemma Zakaraiawac amaiguc emma Elisabete yaizéyé ac wammiyec. <sup>41</sup>Wammiyu Elisabetenéñ Mariawac yaizéyé ac niñec imuarunec, merac qeriaiguc heyec iminéñ qitic qeyec. Wañu Uña téréyanéñ Elisabeteac ewa qeriaiguc sécgé miyec. <sup>42</sup>Sécgé miyu ewaya meyu eñu kucnec qacma yomuhuc zéyec; Embac, gi embac tosara sucninaiguc guagiru mériañ yandagaguc wanzañ. Wañu héri qerigawac héla gocmia imi acguc mériañ yandayaguc wanzac. <sup>43</sup>Miñ Kewunawac neñgocyanéñ nuaru hazac. Haka yomi némac hiana niñac wamma hicñinénzac me? <sup>44</sup>Zéwa ninna, yaizéyéganéñ gezacnaiguc hiñgaru, kokocnanéñ qerinaiguc qitic qema ségiségi wanzac. <sup>45</sup>Ackuazéé ézéyec imi hélaguc wandacmacac hezac hénia imuac niñac ninzéñgéyec embac imi mériañaguc.

### Mariawac mepé qepésiac legic.

<sup>46</sup><sup>46a</sup> Wañu Marianéñ yomuhuc zéyec; <sup>48a</sup>Inéñ eñeya welen qeqe embac nidac imuhucyawac kiwa hinéñec. <sup>46b</sup>Imuac niñ qeri uñananéñ Miñ Kewu mepésizac. <sup>47</sup>Qeri uñananéñ Anutu nuac añgéhñ titi miñina iwac niñ wamma ségiségi wanzac. <sup>48</sup><sup>48b</sup> Zéwa niñgic, tetcgia qahac emma kemma ic embac hicñisaiya moczoñ yanda imi nuac niñ mériañaguc zénémmu. <sup>49</sup>Kuc miñinanéñ nuaru kiwi yanda mezac, wañu iwac qara imi Téréya! <sup>50</sup>Anutu sicgémimia ionac muru Anutuac goi héihéi yandanéñ qeli yackumu emma emma he énécmimac. <sup>51</sup>Inéñ méria suluma wawañ meme kuhaguc yanda wañanzac. Inéñ ewa niniñginaiguc séwi eñeñ niñanzu ic imuhucya héndéñ énécmianzac. <sup>52</sup>Inéñ ic kewu tatac igucnec ic kuc buñaginaguc imi memaénéc

<sup>a</sup> 1:35 Me Merac mewésémañ. Wañu iwac mia Téréya, Anutuac naña zémimu.

mianzac, qeri memaamuma kekec imi meyac énécmianzac. <sup>53</sup>Ic yaka niŋ humuanzu ionac imi iwawai hia bia tiénécmianzac, néŋ iwawaigina sasala he énécmimia imi méragina héla qahac nesi énécmiyu eŋ keŋanzu. <sup>54</sup><sup>54a</sup> Inéŋ eŋeya wésé niniŋa niŋqelima <sup>55</sup><sup>55a</sup> yanda hécnina zikiziki ac énézéyec séc <sup>54b</sup> welenŋ qeqe ichéra Israel imi méra énécmiyec. <sup>55b</sup> Waŋu Abaraham zéma iwac qelihéra ionac imi tetcgia qahac waŋ énécmianzac.

<sup>56</sup>Waŋu Maria imi Elisabeteguc keric, maso haréwéc tecgéyu, liliŋéma amayaiguc keŋec.

### Yohane hicŋiyec.

<sup>57</sup>Waŋu bec Elisabetenéŋ naléya hayu naŋa meyec. <sup>58</sup>Waŋu ama momachéra zéma eŋeya sac kitichéra ieneŋ Miŋ Kewunéŋ goiya kunéŋ yanda hémiyec imi nimma iguc momacnec ségiségi waŋgic. <sup>59</sup>Ai meme 8 waŋu meracac séwi taséya hericbiŋ zé hama maŋgocyawac qac imi mema Zakaraia zéwiŋ zé waŋgic. <sup>60</sup>Waŋu neŋgocyanéŋ qetali énécmima zéyec; Qahac, qara imi Yohane zéwiŋ. <sup>61</sup>Zéyu zégic; Ee, sac kitichécgina sugginaiguc qac imuhuc zémimia méné ménda keczac. <sup>62</sup>Zégic ménda sécgéyu maŋgocyanéŋ méré zémimia wammac zé niŋzac? Imuhuc zéma nimma qesinimbiŋ zé, méranéŋ séséc wammigic. <sup>63</sup>Imuhuc waŋgic inéŋ hilaŋeŋ zéma zékalana niŋac waŋec. Waŋu keŋ mehama migic, qara imi Yohane imuhuc oyu, hémma welicgégic. <sup>64</sup>Waŋu duŋa kuaya zéma ezelaŋa momacnec hulacmimia waŋu, acac wamma Anutu mepési miyec. <sup>65</sup>Waŋu ic ama lelec lelec kecgic imi eneŋ ac imi nimma zénéŋgina hiriyec. Waŋu Yuda baec boŋa séc haka imuac eminimma kecgic. <sup>66</sup>Waŋu Miŋ Kewuac mérianéŋ iwaru imuhuc heyec imuac niŋac, suruc imi niŋgic séc ac imi qeriginaiguc késa kecma yomuhuc zéaŋgic; Merac imuhucyanéŋ yandima ic dimuhucya wammac me?

### Zakarianéŋ bianzac ara zéma Miŋ Kewu mepésiyec.

<sup>67</sup>Waŋu maŋgocya Zakarianéŋ Uŋa téréyanéŋ qeria sécgéyu bianzac ara yomuhuc zéyec; <sup>68</sup>Anutu i mama hama ic embachéra neŋaŋ doenina meyec. Mepé qepésinina imi neŋaŋ Miŋ Kewunina Israelac Anutuac muru hemac. <sup>69</sup>Waŋu nonac niŋ wamma welenŋ qeqeya Dawidi iwac ama areŋhéra neŋaŋ muru aŋgéŋ titiac ilicya<sup>b</sup> meyac kumu nénécmiyec. <sup>70</sup>Imi mia baec yomuac nalé hama keŋec sura imuaru eŋeya ichéra téréya Anutuac tiliŋ tiliŋ ic ionac kuagina mema ackuazéc nénézéyec séciguc <sup>71</sup>hazécnina ionac murunec zéma nimbiri waŋ nénécmianzu ionac méragina igucnec metecgé nénécmima aŋgéŋnina tiyec. <sup>72</sup>Inéŋ yanda hécnina goi héihéi waŋ énécmimaŋ zé iniguc sisipac ac téréya

<sup>b</sup> 1:69 Hénia imi kucya.

zéseliyec imi mia niŋqeliyec. <sup>73</sup>Imi mia sisipac ac yandanina Abaraham zéselimiyec imi mia. <sup>74</sup>Bac yandi ménda wamma eŋeya mepésimiwiŋ niŋac hazéc hécnina ionac méragina igucnec metecgé nénécmiyu, <sup>75</sup>Minj Kewuac wésiaiguc kecma météré amuma késpedes solarŋ kecma kekecnina séc welen qemiwiŋ niŋac zéseliyec. <sup>76</sup>Merac gi Eŋeŋa yandawac kua meme ic zégéŋgéŋa wammac. Minj Kewuac wésiaiguc miha mema kemma iwac héná mézézéŋ géwésémaŋ. <sup>77</sup>Imuhuc wamma aŋgéŋ titiac niniŋa késpedes waiwai igucnec hahaya imi Minj Kewuac ic embachéra énézéna niŋasarimu. <sup>78</sup>Anutuninawac wésé niniŋ imi bénzéŋa, imuac niŋac ou kurumeŋ igucnec kaiwe ésécnec neŋaŋ muru éréma ha nénécmimac. <sup>79</sup>Mama hama siŋi zéma humucac tunumaŋiguc tatara neŋaŋ measari nénécmima hénanina luaeac hénaiŋuc qindiniŋ nénécmimac. (Zakaraianeŋ imuhuc zéyu tecgéyec.)

<sup>80</sup>Waŋu merac imi séwiya yandiyu ewa qeria momacnec meseli mimia waŋec. Waŋu baec kisiaiguc kerecac Israel ic onacmuru wininiyec.

### Yesuac hicŋihicŋiya.

**2** <sup>1</sup>Nalé imuaru Roma ic<sup>c</sup> eŋeŋagina Kaisa Augusitonéŋ ic embachéra ionac qacgina mema odacmu niŋac zézé seli ac oma haiyu eŋeya héŋgaleŋ baera séc kendarec. <sup>2</sup>Waŋu ic kewu Kirinionéŋ méra bawu kecma Siria baec yanda imi galeŋgéyec. Waŋu nalé imuac suraiguc ic embac qac areŋgina megic hatac momacguc waŋec. <sup>3</sup>Waŋu ic embac ieneŋ moczoŋ qacgina zégic oénécmimu niŋac eŋaŋ taunŋina séc liliŋgéma kendacgic. <sup>4</sup>Yosefe imi Dawidiac sac kitic igucnec imuac niŋ, i acguc imuhucyanec Galilaila baec Nazarete taunŋ imi waima Yuda baeciguc Dawidiac ama areŋa yanda qara Betelehem imuaru <sup>5</sup>eŋeya qara zéyu omimu niŋac iniŋ buŋa qemimia Maria hériyaguc imi wagiru ekawu ekeŋoc. <sup>6</sup>Ekemma kerac Maria merac meme naléya imi waŋec. <sup>7</sup>Waŋu embac iminéŋ naŋa méréc merac meyec. Waŋu ic kiaŋ amaiguc iorac ama duŋ méŋ ménda he érécmiyu, merac imi malekunéŋ osoma burumakao wedeyaiguc haiyu heyec.

### Rama galeŋhéra zéma Anutuac kua meme uŋahéra.

<sup>8</sup>Waŋu nalé imuhucgeŋ baec imuhucgeŋ rama galeŋ tosara baec kisia lulucyaguc imuaru tacyac wamma siŋi imuaru ramahécgina héŋgaleŋ wamma kecgic. <sup>9</sup>Waŋu Minj Kewuac kua meme uŋa méŋnéŋ wininima hosucginu naŋu Minj Kewuac edamuyanéŋ asac mararaŋ ésécnec hoturu énécmiyu bac yandi yandi kuneŋ yanda waŋgic. <sup>10</sup>Waŋu kua meme uŋanéŋ yomuhuc énézéyec; Bacgina ménda yandiyu. Ninzu, ni ségiségiac buŋa suruc hiabia onac muru zéau énécmizua. Waŋu ac yomi baec séc

<sup>c</sup> 2:1 Girik aciguc; Kaisa.

ic embac moczoŋ eŋaŋ buŋa wammac. <sup>11</sup> Erac Dawidiac ama areŋa yandaiguc aŋgéŋ titi miŋina hicŋi énécmizac. Imi mia Miŋ Kewu Kristo. <sup>12</sup> Ini kemma burumakao wedeyaiguc merac sacsac méŋ malekunéŋ oso osoya hezac imi mihicŋimu. Waŋu haka iminéŋ ac imuac asé kiwiya waŋ énécmimac. <sup>13</sup> Imuhuc zéyu imuaru kurumeŋ miŋina kua meme uŋa tuŋ yandanéŋ kua meme uŋa iwac muru élanzaŋnec wininima Miŋ Kewu mepésima yomuhuc zégic; <sup>14</sup> Ou kurumeŋiguc Miŋ Kewuac muru mepé qepési hezac. Waŋu you baeciguc, ic embac Anutunéŋ inicsoroc wanzac ionac muru luae hezac.

<sup>15</sup> Imuhuc zémaguc kua meme uŋa ieneŋ wai énécmima kurumeŋiguc eŋgic. Waŋu nalé imuaru rama galeŋ ieneŋ eŋaoc yomuhuc eminiŋgic; Betelehem ama areŋaiguc haka méŋ hicŋiyu Miŋ Kewunéŋ zéau nénécmizac, kemma hénni. <sup>16</sup> Imuhuc zéma foc foc kemma Maria, Yosefe zéma merac sac burumakao wedeiguc heyec imi mihicŋi énécmigic. <sup>17</sup> Waŋu inicma ackuazéc merac iwac niŋac zéyu niŋgic imi zésaigic keŋu nindacgic. <sup>18</sup> Waŋu ic embac suruc imi niŋgic séc haka rama galeŋnéŋ énézégic imuac nimma welicgégic. <sup>19</sup> Waŋu Maria eŋeyaoc imi haka imi moczoŋ qerianéŋ doŋgé nimma kerec. <sup>20</sup> Rama galeŋ ieneŋ ac zéyu niŋgic imuac séc hicŋi énécmiyu héla hémma niŋgic imuac niŋac Anutu mepésima edamuyawac zéhiarumima liliŋgéma keŋgic.

### Yesu wagicma ocmuŋ téréyaiguc eŋoc.

<sup>21</sup> Waŋu séwi tasé hericheric memeac naléya ai meme 8 hahéiyu qara Yesu zémiyoc. Waŋu qac imi merac imuac hériyaguc ménda waŋunec kua meme uŋanéŋ zémiyec imi mia.

<sup>22</sup> Waŋu Moseac héna ac heyec séciguc météré amuma kecgic naléya sécgéyu, iereŋ merac imi wagicma Miŋ Kewuac buŋa qemiwic zéma Yerusalem ekeŋoc. <sup>23</sup> Imi mia Miŋ Kewuac héna aciguc yomuhuc ooyawac heyec imi tohoma imuhuc waŋoc; Embac méŋnéŋ héri haima merac ic méréc mérérawac memac séc, Miŋ Kewuac buŋa téréya qemimu.<sup>d</sup> <sup>24</sup> Waŋu Miŋ Kewuac héna aciguc zézéya heyecac hezac imuac séc kembo susuc éréhéc me kembo nei sac qelia éréhéc<sup>e</sup> mulu manaŋ omiwic zéma ekeŋoc.

<sup>25</sup> Waŋu Yerusalem imuhucgeŋ ic méŋ kerec, qara imi Simeon. Ic imi ic solaŋa waŋu Anutuac ewa siŋsiŋ wammanec kecaŋec. Waŋu Israel ionac héibélac qéibélac niŋac mambéc keru, Uŋa Téréyanéŋ i guc kecaŋec. <sup>26</sup> Waŋu Uŋa téréyanéŋ i ménda humuyunec Miŋ Kewuac Kristo hicŋiyu hémmac zéma zéauyu niŋec. <sup>27</sup> Waŋu ic imi Uŋanéŋ tiliŋgémiyu ocmuŋ téréyaiguc eŋec. Eŋu imuaru mia merac Yesu iwac neŋgoc maŋgocya iereŋ merac imuac niŋac wamma héna acac haka tohoma éréyoc.

<sup>d</sup> 2:23 Mmh 13:2, 12    <sup>e</sup> 2:24 Lew 12:8

<sup>28</sup>Éréyc Simeonnén merac imi wagicma tétécgéma namma yomuhuc zéma Miñ Kewu mepésiyec; <sup>29</sup><sup>29a</sup>Miñ Kewuna, gi deguc welen qeqe icga ni ackuazécgca nézénec séciguc <sup>30</sup>nena kic éréhécnanén aṅgén titiga hénzua, <sup>29b</sup>imuac niṅac, deguc hia waina luaiguc guac hamañ. <sup>31</sup>Aṅgén titiga imi baec séc ic embac neṅaṅ kicninaiguc nénézéna hénziñ. <sup>32</sup>Merac yominén ic enia ionac muru héniağa zéau énécmimiawac asacmararaña wanżac. Wañu guac Israel nonac edamunina wanżac. <sup>33</sup>Imuhuc zéyu Yosefe zéma neṅgocya iereñ merac iwac niṅac zézéya wañec ac imuac mia welicgéyoc. <sup>34</sup>Wañu Simeonnén mozoc ac zéénécmima neṅgocya yomuhuc ézéyec; Héna, merac yomi Israel sucninaiguc ic embac sasalanén yacmu me mama unumac niṅac Anutunén kumuyu asé kiwi éséc nec nañu, hazéc ac wammimuac niñu hezac. <sup>35</sup>(Imuhuc wañgic sounén geṅga ewa qeriga nézézégmac tanec wammac.) Wañu inén ic embac sasala ionac ewa qeriginaiguc niniṅgina hezac imi usuya auyu hémma nindacmu.

<sup>36</sup>Wañu ama yanda imuaru Anutuac kua meme embac méñnéñ embac yanda wamma kerec. Qara imi Ana. Inén Banuelac bérara, wañu Aseriac areñ iguc nec. Inén icya mema yawuñ 7 imuac séc euyaguc keroc. <sup>37</sup>Wañu euya humuyu malé wamma keru yawuña 84 wañec.<sup>f</sup> Inén nalé séc ocmuñ téréya ménda waima siñi kaiwe séc nene zikima zéwelec wamma Anutu mepésima kecañec. <sup>38</sup>Wañu nalé imuaru embac iminén éréma Anutuac ewa hia ac ézéyec. Ézéma ic embac tosara Anutunén Yerusalem ic embac doegina memac niṅac mambécma kecgic imi onac muru merac iwac hénia zéasari énécmiyu nindacgic.

### **Yesugac Nazarete ama areñaiguc lilingéma keñgic.**

<sup>39</sup>Yosefe zéma Maria iereñ Miñ Kewuac héna ac tohoma ai imi moczoñ meyc tecgédaru, Galilaia baeciguc lilingéma mekemma ekañ taungina Nazarete keñoc. <sup>40</sup>Wañu Merac imi séwiya yandiyu meseli mimia wañu niñtegic qñtegicyanéñ sécgémiyec. Wañu Anutuac goi héihéianén iwaru hemiyec.

### **Merac Yesu ocmuñ qeriaiguc eñec.**

<sup>41</sup>Wañu Yesuac neṅgoc mañgocya iereñ imi yawuñ séc nagu sacyaguc ogicogira imuac kendoña ducñiyu, Yerusalem ekeñañoc. <sup>42</sup>Wañu keñkecma Yesuac yawuña 12 wañec nalé imuaru imuhucyanec kendoñ imuac hakaya tohoma Yerusalem ekeñgic. <sup>43</sup>Ekemma ai meme sécy a kecgic tecgédaru lilingéma ama areña yandagiraiguc mekeñoc. Wañu merac Yesu inén Yerusalemiguc waima kerec. Wañu Yosefe zéma neṅgocya iereñ imi ménda niñtegiroc. <sup>44</sup>Imuac niñ ic kiañ sugcinaiguc

<sup>f</sup> 2:37 Kiwi tosaraiguc; yawuñ 84 imuac séc malé wamma kerec.

kenzac zéma nimma héna imi ai meme momacgucac séc kemma sac taséhécgira zéma alahécgira ionac sucginaiguc horoc. <sup>45</sup>Waņu ménda mihicņima mihicņiwi zé hocmanec Yerusalem ekeņoc. <sup>46</sup>Imuhuc hocma keric ai meme haréwéc tecgýuguc ocmuņ téréyaiguc emma imuaru mia mihicņiyoc. Mihicņima héņic héna acac kiwi ic ionac sucginaiguc tacma acgina nimma qesiéncmima tarec. <sup>47</sup>Waņu iwac ara niņgic séc niņ asac asaria niņac zéma zéqesiqesi ginawac héla énézýu nimma welicgégic. <sup>48</sup>Waņu neņgoc maņgocya iereņ imi hémma auriyoc. Waņu neņgocyanéņ yomuhuc ézýyec; Naņna, gi némac niņac haka imuhucya waņ nérécmizaņ? Niricna, maņgocga zéma ni nekawu kuney yanda niņyéwérima hocgémma keczić. <sup>49</sup>Imuhuc zýu Yesunéņ ac bakia yomuhuc meleņ érécmiyec; Iri némac niņac ni hoc nénzaoc? Ni Maņgocnawac amaiguc kecmaņac hezac hénia imi ménda niņtegiroc? <sup>50</sup>Imuhuc zýyec, néņ iereņ ac érézýyec imuac hénia imi ménda niņasariyoc. <sup>51</sup>Waņu Yesunéņ yacma iriguc mekemma Nazarete ama areņaiguc hagic. Hama imuaru acgira tohoma kerec. Waņu neņgocyanéņ Yesuac ara imi moczoņ qerianéņ eeya héima késakerec. <sup>52</sup>Yesu imi niniņa zéma séwiya yandiyu, Anutu zéma ic embac ieneņ hémma héņsorocgić.

#### Yesuac héna meme ic Yohane.

**3** <sup>1</sup>Ić kewu eņeņagina Kaisa Tiberionéņ Roma galeņgéma keru yawuņ 15 waņec. Waņu nalé imuaru Pontio Pilatonéņ Yuda baec galeņ keru, Herodenéņ Galilaia baec galeņ kerec. Waņu munia Filiponéņ Iturea zéma Trakoniti baec galeņ kerec. Waņu Lisanianéņ Abilene baec galeņ kerec. <sup>2</sup>Waņu nalé imuaru Hanasi zéma Kayafa iereņ hofac oo ic kiwa keroc. Waņu nalé imuaru Anutuac ackuazéc méņnéņ baec zéléņaiguc Żakariawac naņa Yohane iwac muru mayec. <sup>3</sup>Mayu Yohanenéņ Yodan doku téfara néwéc néwéc ama séc hama késpedesgina qahac wammamac niņ ewa qeri meleņ meleņac doku naec imuac hénia zéau énécmiyec. <sup>4</sup>Anutuac tiliņ tiliņ ic Yesaiawac kiwiiguc yomuhuc oyecac hezac; Baec zéléņaiguc ic méņnéņ qaru ac ewaya yomuhuc hicņizac; Miņ Kewuac héna héimindiņi waņgicguc. Iwac niņ wamma hénaya mindiņigic didiņa waņu. <sup>5</sup>Baec wéņwéņgia séc tilogi éredaru. Baec boņa zéma baec héņgeņ héņgeņa imi moczoņ madaru. Waņu héna kukeņ kuha imi didiņa wandaru, waņu héna eņeņ mamaya imi solaņa wandaru. <sup>6</sup>Waņu baec ic embac momac yanda Anutuac aņgéņ titi imi hémmu.<sup>8</sup>

<sup>7</sup>Yohanenéņ ic embac tuņ yandanéņ doku naec énécmimac niņac harégic, inicma yomuhuc énézýyec; Qaté mokoleņ ionac qelihécgina Anutuac qeri geric hahaya imuacnec néņgacmu niņac méréneņ goro



ac waŋ énécmiyec? <sup>8</sup>Néŋgacmuac séc qahac imuac, ewa qerigina melemma héla imuac séc haimu. Imuhuc ménda wamma ewa qeriginanéŋ Abaraham imi neŋaŋ yandanina imuhuc ménda zému. Ni énézéwa niŋgic, Anutunéŋ hoc yomuac zéyu meleŋ dacma Abarahamac qelihéra hia wandacmu. <sup>9</sup>Bec ic héniaiguc naka haiyu hezac. Imuac ic méŋac méŋ héla hiabia ménda haihaiya imi, héima geric bélaŋiguc giliyu hiŋgacdacmac. <sup>10</sup>Imuhuc zéyu, ic tuŋ eneŋ qesima zégic; Imuhuc zéna duŋa neneŋ dimuhuc waŋniŋguc sécgémac? <sup>11</sup>Zégic yomuhuc melemma énézéyec; Ic méŋ malekuya éréhéc késama keczac inéŋ méndémma ic méŋ malekuya qahac keczac iwac méŋ mimac. Waŋu neneŋyagucnéŋ imuhucyanec waŋ énécmimac. <sup>12</sup>Takis meme eneŋ acguc doku naec énécmimac niŋac hama zégic; Kiwi ic nini dimuhuc wambiŋ? <sup>13</sup>Zégic zéyec; Ini soukiwa, qété zézéya imi ménda ogicma memu. <sup>14</sup>Téŋgiŋ ic eneŋ imuhucyanec haréma zégic; Waŋu nini dimuhuc wambiŋ? Zégic yomuhuc énézéyec; Ini ic ménda tericgé énécmima iwawaigina ménda onogicma héipuc ac ikora ménda zéma maso séc ai boŋgina imuac niŋgic sécgémac.

<sup>15</sup>Waŋu icya icya Kristoac mambéc kecma ewa qeriginanéŋ Yohaneac nimma ic imi Kristo<sup>h</sup> gezaŋ zéma niŋgumbi niŋguŋ waŋaŋgic. <sup>16</sup>Waŋu Yohaneanéŋ acgina kitiwa melemma ic embac momac yanda yomuhuc énézéyec; Ni dokunéŋ naec énécmianzua, néŋ ic méŋ ni nogicma kuc yanda késa keczac iminéŋ hama. Nidac imuhucyanéŋ iwac héna usuyawac hésiya imi hulacmaŋac séc qahac. Inéŋ mia Uŋa Téréya zéma geric bélaŋanéŋ kápésicgina zuac énécmimac. <sup>17</sup>Inéŋ mériaiguc sarac yanda késama keczac. Waŋu sombeŋa imi moczoŋ usuŋ héréracgéma héla gocmia imi qutulangéma hofiŋyaiguc haidacmac. Imuhuc wamma inéŋ gorosoŋa imi geric bélaŋa méwécgéwiŋac séc qahac imuaru giliyu zamac. <sup>18</sup>Inéŋ toroqema ac sasala imuhucya imuhucya énézéma qerigina meseli énécmima buŋa suruc hiabia imi ic embac zéau énécmiyec. <sup>19</sup>Waŋu nalé imuaru baec galeŋ Herodenéŋ muniawac iniŋa Herodia meyec. Waŋu imi sac qahac, haka biria hénia hénia momacnec waŋec. Imuac niŋac, Yohaneanéŋ ac geriŋwaguc zémiyu niŋec. <sup>20</sup>Nimma toroqema haka biria méŋ wamma Yohane késama hésa amaiguc oporec.

### **Yohaneanéŋ Yesu doku naec haka wammiyec.**

<sup>21</sup>Hésa amaiguc ménda kerecneŋ Yohaneanéŋ ic embac moczoŋ doku naec énécmiyec, Yesu imuhucyanec iwac muru hayu, doku naecmiyec. Naecmiyu zéwelecma naŋu imuarunec kurumeŋ naguya aŋgéyec. <sup>22</sup>Aŋgéyu Uŋa Téréyanéŋ kembo nei ésécneŋ héiyaguc mama iwac qahu mayu kurumeŋ igucnec ewa méŋ yomuhuc mayec; Gi nena naŋ sorocna ni guac niŋ ségiségi waŋanzua.

<sup>h</sup> 3:15 Me Mesia.

<sup>23</sup> Waŋu Yesunéŋ yawuŋa 30 imuac séc waŋu aiya hénima meyec. Waŋu ic embac ieneŋ iwac niŋgic Yosefeac naŋa waŋec. Waŋu Yosefeac maŋgocya imi Eli. <sup>24</sup> Eliac maŋgocya Matata, Matataac maŋgocya Lewi, Lewiac maŋgocya Melki, Melkiac maŋgocya Yannai, Yannaiac maŋgocya Yosefe, <sup>25</sup> Yosefeac maŋgocya Matadia, Matatiawac maŋgocya Amosi, Amosiac maŋgocya Nahum, Nahumac maŋgocya Esili, Esiliac maŋgocya Naŋgai, <sup>26</sup> Naŋgaiac maŋgocya Maati, Maatiac maŋgocya Matadia, Matatiawac maŋgocya Semein, Semeinac maŋgocya Yosek, Yosekac maŋgocya Yoda, <sup>27</sup> Yodawac maŋgocya Yoanan, Yoananac maŋgocya Resa, Resawac maŋgocya ƶorobabel, ƶorobabelac maŋgocya Salatiel, Salatielac maŋgocya Neri, <sup>28</sup> Neriac maŋgocya Melki, Melkiac maŋgocya Adi, Adiac maŋgocya Kosam, Kosamac maŋgocya Elmadam, Elmadamac maŋgocya Eri, <sup>29</sup> Eriac maŋgocya Yesua,<sup>i</sup> Yesuawac maŋgocya Eliezere, Eliezereac maŋgocya Yorim, Yorimac maŋgocya Matata, Matatawac maŋgocya Lewi. <sup>30</sup> Lewiac maŋgocya Simeon, Simeonac maŋgocya Yuda, Yudawac maŋgocya Yosefe, Yosefeac maŋgocya Yonam, Yonamac maŋgocya Eliakim, <sup>31</sup> Eliakimac maŋgocya Melea, Meleawac maŋgocya Menna, Mennawac maŋgocya Matata, Matadawac maŋgocya Natan, Natanac maŋgocya Dawidi, <sup>32</sup> Dawidiac maŋgocya Yesi, Yesaiac maŋgocya Obedi, Obedac maŋgocya Boasi, Boasiac maŋgocya Salmon, Salmonac maŋgocya Nason, <sup>33</sup> Nasonac maŋgocya Aminadap, Aminadapac maŋgocya Adimin, Adiminac maŋgocya Arini, Ariniac maŋgocya Hesiron, Hesironac maŋgocya Feresi, Feresiac maŋgocya Yuda, <sup>34</sup> Yudawac maŋgocya Yakobo, Yakopac maŋgocya Isaka, Isakawac maŋgocya Abaraham, Abarahamac maŋgocya Tara, Tarawac maŋgocya Nahori, <sup>35</sup> Nahoriac maŋgocya Serugu, Serukac maŋgocya Ragau, Ragauac maŋgocya Pelek, Pelek iwac maŋgocya Eberi, Eberiac maŋgocya Sala, <sup>36</sup> Selawac maŋgocya Kainan, Kainanwac maŋgocya Arafaksat, Arafaksatac maŋgocya Sem, Sem wac maŋgocya Noa, Noawac maŋgocya Lamek, <sup>37</sup> Lamekac maŋgocya Metusela, Metuselalac maŋgocya Enoko, Enokoac maŋgocya Yaret, Yaretac maŋgocya Mahalale, Mahalaleac maŋgocya Kainan, <sup>38</sup> Kainamac maŋgocya Enosi, Enosiac maŋgocya Set, Setac maŋgocya Adam, Adamwac maŋgocya Anutu,

#### Yesu manam batuc wammiyec.

**4** <sup>1</sup> Waŋu Uŋa Téréyanéŋ Yesu sécgémiyu, Yodan doku igucneŋ liliŋgéma hama baec kisiaiguc siŋi kaiwe 40 keru, Uŋa Téréyanéŋ wagiru keŋha waŋoc. <sup>2</sup> Waŋu ai meme 40 imuac séc Biria miŋinanéŋ ala

---

<sup>i</sup> 3:29 Sisipac ac wahalaiguc Yesua zéma sisipac ac qeliaiguc Yesu imi Hebraira ac zéma Girik aciguc momacguc, néŋ Nei ac me ƶipilalec ac méndacma ooyawac heyu ekac ekac wanƶac.

batuc wammiyec. Waŋu iwawai ménj ménda nema keru nalé imi moczoŋ tecgéyu yaka niŋ humuyec. <sup>3</sup>Yaka niŋac humuma keru, Biria miŋinanénj hama ézéyec; Gi Anutuac Naŋa wanŋaŋiguc zéna hoc yominénj melemma nene waŋu. <sup>4</sup>Zéyu melemma zéyec; Kiwi téréyaiguc ac yomuhuc ogic hezac; Ic ménjnéj séwiac nene sac nema ménda kecanzac.<sup>j</sup> <sup>5</sup>Imuhuc meŋju Biria miŋinanénj Yesu wagicma ou emma héŋgaleŋ ama areŋa yanda baec séc hema kenzac imi moczoŋ focnec ézéyu héndarec. <sup>6</sup>Waŋu ézéma yomuhuc zéyec; Iwawai moczoŋ yanda imuac kuc buŋa yanda zéma edamuya imi neŋ guac waigémmaŋ zé wanŋua. Imi mia nuac méranaiguc haihaiya imuac neŋ méŋac ménj mimaj zé hia mimanac séc. <sup>7</sup>Imuac gi simiŋ héima mepési némbésémaŋiguc iwawai imi moczoŋ guac buŋa wandacmac.

<sup>8</sup>Imuhuc zéyu Yesunénj melemma zéyec; Yomuhuc mia ooyawac hezac; Miŋ Kewu Anutuga mepésima iwacnec sac weleŋ qemiwésémaŋ.<sup>k</sup> <sup>9</sup>Imuhuc zéyu Biria miŋinanénj i muŋguc wagicma Yerusalem keŋoc. Kemma ama téréya imuac witiyaiguc ou oporu naŋu yomuhuc ézéyec; Gi Anutuac Naŋa wanŋaŋiguc yomuarunec luma emu hiŋgacbéémaŋ. <sup>10</sup>Zéyu zéyec; Ac ménj yomuhuc ooyawac hezac; Anutunénj guac wamma galeŋgé gémmu niŋac kua meme uŋahéra énézémac. <sup>11</sup>Waŋu kua meme uŋa eneŋ gi ménda mama gumac niŋac méraginanénj lolonŋéma gépésigic hénaga hocnéj ménda héimac.<sup>l</sup> <sup>12</sup>Imuhuc zéyu Yesunénj muŋguc melemma zéyec; Yomuhuc ooyawac hezac; Miŋ Kewu guac Anutuga ménda batucgé miwésémaŋ.<sup>m</sup> <sup>13</sup>Imuhuc zéyu Biria miŋinanénj manam batuc ai imi metecgéma waimima kemma nalé méŋac mambéc kerec.

#### Yesunénj Galilaia baeciguc weleŋ qeénémima ai hénima meyec.

<sup>14</sup>Waŋu Yesunénj Uŋa Téréyawac kuciguc Galilaia baeciguc liliŋgéma keŋu iwac surucya imi ama lelec lelec tacma keŋec séc saima kendarec. <sup>15</sup>Waŋu Yesu eŋeyaoc tocgotocgo amaya amaya emma ackuažéc ku énécmiyu ic embac momac yanda ieneŋ mepésimigic.

<sup>16</sup>Waŋu Yesunénj Nazarete ama areŋaiguc kereŋec. Inénj ama areŋa yanda imuaru mia yandiyec. Waŋu Sabata nalé méŋu haka waŋaŋec ésécnec tocgotocgo amaiguc emma kiwi téréya olommaŋ zé naŋec. <sup>17</sup>Anutuac tiliŋ tiliŋ ic Yesaiawac kiwi limbi limbiŋa miyu hutuma kiwi ooya yomuhuc mihicŋiyec; <sup>18</sup>Ic maqeqeya ionac buŋa suruc hiabia imi énézémaŋ niŋac Anutuac Uŋa téréyanénj ni halécnénj naecnémma météré néŋec. Waŋu hésa ic ionac ziki sipacgina metecgé énécmima kichilic ionac kichihi meénémima weleŋ qeŋe ic ionac yéwérigina metecgé énécmimaŋ niŋac inénj ni méli néŋec. <sup>19</sup>Waŋu Miŋ Kewuac goi héihéi yanda imuac yawuŋa hazac zéma zéau énécmimaŋ niŋac méli

j 4:4 Hén 8:3   k 4:8 Hén 6:13   l 4:11 Leg 91:1, 12   m 4:12 Hén 6:16

néjec.<sup>n</sup> 20 Imuhuc olommaguc kiwi imi limbima imuac galaŋa mima mama tarec. Taru tosara tocgotocgo ama imuac qeriaiguc tacgic ienen héjnsosoligic. 21 Waŋu Yesunéj hénima ac yomuhuc énézéyec; Deguc kiwi ooya olomba gezacginanéj niŋgic imi hélaguc waŋzac. 22 Ienen moczoŋ héipuc ac zémima kuaya igucnec ackuazéc hiabia zéhicŋiyu nimma welicgéma yomuhuc zégic; Ic yomi Yosefeac naŋa ménda waŋzac? 23 Waŋu Yesunéj énézéyec; Niŋtegit qinŋtegit ac ménj yomuhuc hezac; Mehiahiaru ic gi geŋgac séwiga mehiaruna. Ini imi ac imi mema tinduc yomuhuc nézému; Kafanaum amaiguc kiwi mena surucga zégic niŋij. Waŋu haka imuhucya you geŋga taunŋaiguc mena hénni. 24 Imuhuc zéma toroqema yomuhuc zéyec; Hélaŋnec énézéwa niŋgic, Anutuac tiliŋ tiliŋ ic méŋac ménj eŋeya taunŋaiguc imi zézé ségiségi wammimia ménj ménda hezac. 25 Hélaŋnec énézéwa niŋgic, Elia kerec imuaru yawuŋ haréwéc zéma maso 6 séc kurumeŋ zikiyu, baec séc béti yanda hicŋiyec. Waŋu nalé imuaru Israel baec yandaiguc embac malé sasala kegcic. 26 Waŋu Anutunéj Elia imi méŋac ménj ménda mélimiyec, néj Sidon baec Sarepta ama areŋa yandaiguc embac malé ménj kerec iwac sac mélimiyu keŋec. 27 Waŋu Anutuac tiliŋ tiliŋ ic Elisa kerec nalé imuaru Israel baec yandaiguc ic wizi warihaguc sasala kegcic, néj suginaiguc méŋac ménj ménda mehiaruyec, néj Siria ic Naman sac mehiaruyec. 28 Imuhuc zéyu tocgotocgo amaiguc tuŋaguc tacgic eneŋ ac imi niŋgic qeri biricnéj sécgé énécmiyec. 29 Waŋu ieneŋ yacma taunŋ heyec baec imuac tetecgiaiguc sia yanda naŋec imuaru Yesu naŋgégit hiŋgacmac niŋ nesimima taunŋ imuac séŋgaŋgeŋiguc héréma keŋgic. 30 Waŋu inéj suginaiguc qeric énécmima keŋec.

### Yesunéj Kuwic ménj nesiyu éréma keŋec.

31 Waŋu Yesunéj Galilaia baec Kafanaum ama areŋa yandaiguc mama hama imuaru Sabata naléiguc ackuazéc ku énécmima kerec. 32 Waŋu niŋgic ara imi qac buŋayaguc waŋu welicgégit. 33 Waŋu tocgotocgo ama imuaru ic ménj kuwic zapi qeqeyaguc<sup>o</sup> méŋnéj tacma qac geŋgelaŋgéma qarec. 34 Aa, Nazarete Yesu gi zéma nini imi neŋac neŋac. Waŋu gi mebirí nénécmimaŋ zé hazanŋ? Ni niŋzua gi méré, gi imi Anutu arunec Téréya. 35 Imuhuc zéyu Yesunéj qetalimima zéyec; Acga qaiyu ic iwarunec éréma mana. Imuhuc zéyu kuwic iminéj ic imi ic tuŋ imuac suginaiguc hérékeŋ héréha wammima éréyu ic iminéj mama qeyec, néj séwiya ménj ménda biritiyec. 36 Waŋu haka imi hémma ic embac moczoŋ welicgéma eminimma zégic; Ackuazéc imi dimuhucya! Kuc buŋa zéma kuc

<sup>n</sup> 4:19 Yes 61:1-2   <sup>o</sup> 4:33 Girik ic ionac niniŋinaiguc uŋa imuhucya imi ewa soho, hafi tosara, zéma ziki sipac ai imuhucya mihiŋi énécmima ic mebirí énécmiaŋec. Kembraŋa 36 imuaru acguc ac imi hezac.

yandayaguc! Kuwic zapi qeqeya ézéyu ara tohoma érézac! <sup>37</sup>Waņu Yesuac surucya imi ama areņ lelec lelec hezac séc saima kendarec.

**Yesunéj ic embac hafiginaguc sasala mehiaru énécmiyec.**

<sup>38</sup>Waņu Yesunéj yacma tocgotocgo ama imuacnec mama kemma Simonac amaiguc eņec. Eņu Simonac howuhaya imi séwi geric yandanéj késayu heyu, ic embac eneņ iwac niņ wamma Yesu welecmigic.

<sup>39</sup>Welecgic Yesunéj hosuraiguc namma séwi geric imi qetalimima zéyec. Zéyu hafi imi waimiyu embac iminéj nalé sosola qahac yacma weleņ qeénécmiyec. <sup>40</sup>Kaiwe hiņgacmaņ zé waņu ic embac ieneņ ic tosara hafigina hénia hénia zéma zepaginaguc imi onagicma harégic. Waņu harégic séc Yesunéj méria hai énécmima mehiaru énécmiyec. <sup>41</sup>Waņu uņa birianéj momacnec ic embac sasala ionarunec éréma qacma zégic; Gi imi Anutuac Naņa. Imuhuc zégic uņa biria ieneņ Yesu imi Kristo wanžac hénia imi niņgic imuac niņac Yesunéj qetali énécmima ac ménda zému niņac neuņ héiéncmiyec.

<sup>42</sup>Waņu ama gĩaņiyu Yesunéj séņgãņeņ mama baec kisia méņ hétēja qahac imuaru kemma tackeru, ic tuņ eneņ hocma mihicņima ménda wai énécmima kemmac niņac zéqetali wammigic. <sup>43</sup>Imuhuc waņgic Yesunéj yomuhuc énézéyec; Ama yanda tosara imuac ic embac ionac imuhucyanec Anutuac héņgaleņ ama areņa yandawac buņa suruc hiabia imi énézémaņac hezac. Ni imi ai imuac mia méli néņu mayi. <sup>44</sup>Imuhuc zéma kemma Yuda baeciguc<sup>p</sup> tocgotocgo amaya amayaiguc ackuažéc énézéyec.

**Yesunéj hénima ai ichéra énépésiyec.**

**5** <sup>1</sup>Yesunéj Genesarete zékéņ yanda<sup>q</sup> giņgiņaiguc naņkeru tuņ yandanéj Anutuac ackuažéc nimbiņ zé héfacgé amuma hosuraiguc lelecgé migic. <sup>2</sup>Waņu Yesunéj héņu zékéņ giņgiņa imuaru zéic komora éréhéc taroc. Taric lambéc héréhéré ic ieneņ imuacnec mama ufigina zuacma kecgcic. <sup>3</sup>Waņu Yesunéj zéic méņiguc eņec. Waņu zéic imi ic méņ qara Simon iwac zéic. Yesunéj Simon ézéyu zéic imi naņgéyu élélahunec<sup>r</sup> komora dokuguc mekemma taru imuaru tacma tuņ yanda imi ku énécmiyec. <sup>4</sup>Kuénécmiyu tecgéyu Simon yomuhuc ézéyec; Gi doku hiņgac hiņgaraiguc kemma ufiga haima lambéc héréna. <sup>5</sup>Zéyu Simonnéj melemma zéyec; Kiwi ic nini siņiyaiguc ai yanda meni ama gĩaņizac, néņ méņ ménda mihicņizij. Waņu zézaņ imuac wamma ufigna moczoņ muņguc haiwa hiņgacdacmu. <sup>6</sup>Imuhuc zéma Yesu zéyec séc wamma lambéc sasala yanda héréyu ufigina hénima tegirec. <sup>7</sup>Waņu

<sup>p</sup> 4:44 Yuda ic ionac baec; kiwi méranéj ooya tosaraiguc Galilaila. <sup>q</sup> 5:1 Imi mia, Galilaila konduņ. <sup>r</sup> 5:3 Baec igucnec.

alahécgina zéic ménjiguc kecgic enej hama méra énécmimu niñac méra kaec ku énécmima welec énécmigic. Wañu ieneñ hama zéic éréhécnet tигic kuagira qeyu zéic éréhéc imi doku qeriaiguc hiñgacbi zé wañoc.

<sup>8</sup>Wañu Simon Peteronéñ haka imi hémma Yesuac simiña igucgeñ sicgéma yomuhuc zéyec; Miñ Kewu ni imi késpedesic ic, imuac wainémma kembésémañ. <sup>9</sup>Imi mia eñeya zéma ic tosara i guc kecgic enej moczoñ lambéc hérégic imi hémma welicgégic hénia imuac niñ imuhuc zéyec.

<sup>10</sup>Wañu Zebedaioac nañhéréra Simonac ai momac Yakobo zéma Yohane imuhucyanec welicgéyoc.

Wañu Yesunéñ Simon yomuhuc ézéyec; Zénénga ménda hiriyu, kecma gi ic embac énépésiwésémañ. <sup>11</sup>Wañu ieneñ zéic héréma élélahu<sup>s</sup> haima iwawai moczoñ imuaru waidacma Yesu méndacma keñgic.

#### Yesunéñ ic ménj wizi selia warihaguc mehiaruyec.

<sup>12</sup>Yesunéñ ama areña yanda ménjiguc kerec. Keru ic ménj wizi seli séwiya<sup>t</sup> sécgémiyu kerec inéñ Yesu hémma sicgéma welecma zéyec; Miñ Kewu, nuac ewa siñga hegéñu ni hia mesolañi némbésémañac séc. <sup>13</sup>Zéyu Yesunéñ méria suluma osimima yomuhuc zéyec; Ni imuac wanzua, solaña wanna. Imuhuc zéyu wiziya imi bec qahac wañec. <sup>14</sup>Wañu Yesunéñ ic imi neuñ héimima yomuhuc ézéyec; Ic ménjac ménj ménda zéwésémañ, néñ kemma hofac oo ic séwiga ézéna hémma solaña wanzañ imi héñu Mosenéñ zéyec séc Anutuac buña haina ogéñu haka iminéñ héipuc wañ énécmiyu ninzénjému. <sup>15</sup>Wañu Yesuac qac buñanéñ muñguc yanda saima keñu ackuazécya nimma hafigina mehiaru énécmimac niñ ic embac tuñaguc sasala tocgéma hamanec hagic. <sup>16</sup>Wañu Yesunéñ eliñgé amuma eñeyanec baec kisiaiguc kemma zéwelerec.

#### Yesunéñ ic puriñ ménj mehiarumiyec.

<sup>17</sup>Kaiwe ménju Yesunéñ ic embac ac ku énécmimanec nañu Galilaia ama areña areña zéma Yuda baec zéma Yerusalemnec Farisaio ic zéma hénia acac kiwi ic enej hama momacnec tacgic, Anutuac hafi mehihiaruac kuhanéñ iwaru hemiyec. <sup>18</sup>Wañu ic tosanéñ ic puriñ ménj sasañiguc huama hama Yesuac wésiaiguc haiwiñ zé wagicma embiñ zé wañgic. <sup>19</sup>Néñ tuñ yanda tacma hénaya hézicgégic titiña qahac wañec. Imuac ama qahaiguc emma ama bauya augic kifaña hicñiyu ic puriña imi sasañaguc ic embac sucginaiguc Yesuac wésiaiguc haigic hiñgarec. <sup>20</sup>Yesunéñ ionac ninzénj ninzénjina imi hémma yomuhuc ézéyec; Ic ala guac késpedesicga waiwaiya wanzac. <sup>21</sup>Imuhuc zéyu hénia acac kiwi ic zéma Farisaio ic enej qeriginanéñ yomuhuc niñgic; Ic yomi mérénéñ

<sup>s</sup> 5:11 Girik aciguc; baeciguc. <sup>t</sup> 5:12 Girik aciguc séwi wizi hénia hénia imuac lepra zéañgic.

Anutu zébiri qébiri wammima imuhuc zézac? Baec ic mérnénj ménéj neŋaŋ kápésicnina aumacac séc qahac! Imi mia Anutunénj sac wammacac séc. <sup>22</sup>Imuhuc eminingic Yesunénj imi niŋtegicma melemma zéyec; Ini qeriginaiguc némac ac emininzu? <sup>23</sup>Ic héna méria humumia ézémaŋ zéma ac diminénj efefia wammac? Képésicga waizua iminénj efefia me yacma hehega mema kembésémaŋ imi? <sup>24</sup>Icac Naŋa ni imi baeciguc kápésicgina wai énéc mimiawac kuc buŋana henénzac imi héŋtegicmu. Imuhuc zéma ic héna méria humumia i yomuhuc ézéyec; Ni gézézua, yacma sasanga mema amagaiguc kembésémaŋ. <sup>25</sup>Imuhuc zéyu ic imi zélandac kicginaiguc yacma iwawai heaŋec imi mema Anutu mepésima eŋeya amaiguc liliŋgéma keŋec. <sup>26</sup>Keŋu ic embac moczoŋ kilenj yanda welicgéma Anutu mepésigic. Waŋu zénénjina hiriyu zégic; Deguc nini haka méréra hénziŋ.

### Yesunénj Lewi qaru méndacmiyec.

<sup>27</sup>Imuac andiaiguc Yeusunénj hiŋgacma kemma héŋu takis meme ic ménéj qara Lewi<sup>u</sup> inénj ai amayaiguc taru hama ni méndac néna zéma ézéyec. <sup>28</sup>Zéyu inénj yacma iwawai moczoŋ andé qedacma méndac miyec. <sup>29</sup>Lewinénj Yesuac eeya héima amayaiguc aria yanda waŋu takis meme ic tosara zéma ic embac sasala tosara momacnec hama nene newiŋ zé tacgic. <sup>30</sup>Waŋu Farisaio ic zéma ionac kiwi oo ic enenj Yesuac tohotoho ichéra ŋidic ŋuduc ac waŋ énécmima zégic; Ini dimuhuc takis meme ic zéma kápésic ic iniguc nene doku nema taczu? <sup>31</sup>Zégic Yesunénj melemma zéyec; Ic hafigina qahac ienenj dokta niŋac ménda waŋanzu, néj hafiginaguc ienenj mia imuac waŋanzu. <sup>32</sup>Ni mia ic solaja unurumaŋ zéma ménda mayi, néj biria meme ic ewa qerigina melemmu niŋac unurumaŋ zé mayi.

### Nene waima zéwelecwelec imuac ara.

<sup>33</sup>Imuhuc zéyu ienenj Yesu yomuhuc ézégic; Yohaneac tohotoho ichéra ienenj hatac sasala nene zikima zéwelecanzu. Waŋu Farisaio ic ionac tohotoho ichécgina imi imuhucyanec waŋanzu. Waŋu guac tohotoho ichécga imi enenj nalé séc nene doku neanzu. <sup>34</sup>Zégic Yesunénj melemma énézéyec; Ic qaŋ tosara ic ménéj embac memaŋ zé wanzac i guc kecziuguc nene zikima zéwelec ai memu niŋac hia énézémuac séc me? <sup>35</sup>Imi qahac, néj kecma nalé imi ducŋiyu euya imi wagicma keŋgic qahac waŋuguc nalé imuaru mia nene zikima zéwelecmu.

<sup>36</sup>Imuhuc zéma toro qema séséc ac yomuhuc zéma énézéyec; Mérnénj ménéj maleku qelia mericma maleku wahalaiguc ménda qotoanzac. Imuhuc wammaciguc maleku qelia imi mebirimac, néj susuria qelia imi

<sup>u</sup> 5:27 Mataio zémimia.

maleku wahalaiguc haimac imi, séc ménda héimac. <sup>37</sup>Waŋu mérnén mən waiŋ doku qelia waŋ séwélanén gésé memeya wahalaiguc ménda tianzac. Imuhuc wammaciguc waiŋ qelianén melemma waiŋ selia wammaŋ zé wéséséya mihicŋima gésé imi épépéŋgéyu tegiru waiŋ imi mama biriyu, gésé imi momacnec biridacmac. <sup>38</sup>Imuac waiŋ doku qelia imi gésé qeliaiguc timacac hezac. <sup>39</sup>Waiŋ imi nalé horua heheyawac waiŋ qacguc zéanzac imuac niŋac mérnén waiŋ wahala kuhaguc imi nemaguc waiŋ qelia kuha qahac mən niŋac ménda waŋanzac.

### Sabata nalé miŋina Yesu.

**6** <sup>1</sup>Sabata nalé mənŋu Yesunén padi ai namuŋina igucnec qericma keŋec. Keŋu tohotoho ichéra ieneŋ méndacma kemma padi héla momac momac kuma mema méraginánén asanŋéma negic. <sup>2</sup>Imuhuc waŋgic Farisaio ic tosara eneŋ yomuhuc zégic; Némac niŋ haka Sabata naléyaiguc ménda wawaŋa imuhucya wanzu? <sup>3</sup>Zégic Yesunén acgina melemma zéyec; Ini Dawidi zéma ichéra ieneŋ yaka niŋ humugic nalé imuaru, néma haka waŋec imi ménda oloŋ niŋanzu? <sup>4</sup>Inén Anutuac ama qeriaiguc emma samén haimimia, tosara qahac, nén hofac oo ic ieneŋ sac nemuac héna aciguc hezac imi mema neyec. Nema ichéra i guc kecgic imi acguc énécmiyu nedacgic. <sup>5</sup>Yesunén imuhuc zéma ac yomuhuc toroqema zéyec; Icac Naŋa imi Sabata naléyawac miŋina wanzac.

<sup>6</sup>Waŋu Sabata nalé mənŋu Yesunén tocgotocgo amaiguc emma ackuazéc ku énécmiyec. Waŋu imuaru ic mən tarec. Waŋu iwac méra héiya imi séléc sélécgia. <sup>7</sup>Héna acac kiwi ic zéma Farisaio ic ieneŋ Yesu aciguc opocbiŋ zé kápésira mən mihicŋiwiŋ zéma Sabataiguc hafi ic mehiarumac me qahac zéma awima kecgic. <sup>8</sup>Waŋu Yesunén ewa qerigina niŋtegicma ic méraya séléc sélécgia ézéma zéyec; Yacma sucninaiguc nanna. Zéyu inén yacma naŋec. <sup>9</sup>Naŋu Yesunén yomuhuc énézéyec; Qesiénécmizua. Diminén héna acwac sécgic? Sabata naléiguc haka hiabia wambiŋ me haka biria wambiŋ? Kecec imi mehiaruwiŋ me qehumuwiŋ? <sup>10</sup>Imuhuc zéma hénaoriŋ lelecgéma inicmaguc ic iwac mia yomuhuc ézéma zéyec; Méraga suluna. Imuhuc zéyu méria suluyu hiaruyec. <sup>11</sup>Imuhuc waŋu ieneŋ qerigina geric bélaŋanén sécgé énécmiyu, Yesu dimuhuc wammiwiŋ zéma eminiŋgic.

### Yesuac Méliméli ic 12.

<sup>12</sup>Waŋu nalé imuaru Yesunén zéwelec wammaŋ zéma baec boŋaiguc keremma siŋi herec séc tacma Anutu zéwelecmiyec. <sup>13</sup>Waŋu ama gianŋiyu tohotoho ichéra unuruma sucginaiguc 12 énépésima qacgina Yesuac Méliméli ic zéénécmiyec. <sup>14</sup>Yesuac Méliméli ic ionac qacgina imi Simon

▼ 6:2 Niŋgic ai tanec waŋu imuhuc zégic.



(Petero zémimia, hénia imi zamanziŋ.) zéma iwac munia Anderea, waŋu Yakobo, Yohane, Filipino, Batolomaio, <sup>15</sup>Mataio (qara méŋ Lewi), zéma Toma, Alfaioac naŋa Yakobo, Simon Zelote zémimia, <sup>16</sup>Waŋu Yakoboac naŋa Yuda, zéma Yuda Karioto, waŋu ic yominéŋ mia kecma Yesu andé qeyec.

### Mozoc ac zéma saec ac.

<sup>17</sup>Waŋu Yesunéŋ tohotoho ichéra iniguc baec boŋa igucnec mama baec kondonaiŋuc naŋec. Naŋu tohotoho ic tosara tuŋaguc zéma ic tuŋ kuney yandanéŋ Yuda baec ama lelec lelec zéma Yerusalem zéma Tiro zéma Sidon zékéŋ yanda giŋgiŋa igucnec <sup>18</sup>ackuazéc nimbŋ zé me hafigina mehiaru énécmimac niŋac hagic. Waŋu Yesunéŋ ic tosara uŋa zapi qeqeyanéŋ mebiru énécmiyu qenzerŋ manzerŋ qegic imi momacnec mehiaru énécmiyec. <sup>19</sup>Waŋu Yesuarunec kuc yandanéŋ éréma icya icya moczoŋ mehiaru énécmidarec. Waŋu imuac niŋ ic embac moczoŋ méraginanéŋ Yesu osiwiŋ zé waŋgic.

<sup>20</sup>Yesunéŋ kiwa hima tohotoho ichéra inicma yomuhuc zéyec; Anutuac héŋgaleŋ ama areŋa yanda imi ic maqeqeya onac buŋa, imuac niŋ, ic maqeqeya ini imi ségiséŋi ginaguc. <sup>21</sup>Sécgé énécmimac, imuac niŋ deguc yaka niŋ humuzu ini imi ségiséŋi ginaguc. Ségiséŋi wamma desimu, imuac niŋ deguc siacma keczu ini imi ségiséŋi ginaguc. <sup>22</sup>Icac Naŋa iwac niŋac ic embac ieneŋ hazéc waŋ énécmima elicgé énécmima zébiru énécmima onac qac buŋa imi biria zéma wai énécmimu nalé imuaru ini ségiséŋi ginaguc.

<sup>23</sup>Nalé imuaru imi ini ségiséŋi wamma ewa hia nimma legicgina hirimu. Héŋgic! Kurumeŋ amaiguc onaru bakia hiabia imi kuney yanda he énécmimac. Haka biria imuhucya imi yandahécgina eneŋ Anutuac tiliŋ tiliŋ ic ionac acguc imuhuc waŋ énécmianŋic hénia imuac niŋac ini imuhuc wammuc hezac. <sup>24</sup>Saecginaguc, iwawai saméŋa heénécmimia ini. Ini imi bec zézé ségiséŋi he énécmidaru tecgézac. <sup>25</sup>Saecginaguc, deguc tomeŋgina qeanzac ini. Ini imi Kecma yaka niŋ humumu. Saecginaguc, deguc desi yanda waŋanŋu ini. Ini imi kecma ewa biric yanda wamma siacmu. <sup>26</sup>Ic embac moczoŋ ieneŋ onac zézé ségiséŋi waŋ énécmianŋu iguc, ini imi saecginaguc. Yanda hécgina ieneŋ Anutuac tiliŋ tiliŋ ic ikora ionac mia imuhuc waŋ énécmianŋic.

### Hazéchécgina goigina héimu.

<sup>27</sup>Waŋu gezacgina haima niŋzu onac zézua; Hazécgina ala waŋ énécmigic. Waŋu ic tosara nimbiri énécmianŋu ionac haka hiabia waŋ énécmimu. <sup>28</sup>Saecgé énécmianŋu imi onac mia mozocgé énécmimu. Waŋu gamu qeqe ac waŋ énécmianŋu ionac niŋac wamma zéwelec wammu. <sup>29</sup>Méŋnéŋ nekaŋga qeyu nekaŋga néwécgeŋa imi imuhucnec

meleŋna qemac. Méŋnéŋ guac saŋgeŋa malekuga guagiru maleku qeriaiguc héihéiya imi acguc waimina. <sup>30</sup>Méŋnéŋ méŋ iwawai méŋ niŋac welec géŋu hia miwésémaŋ. Méŋnéŋ guac iwawaiga mema keŋu meleŋ néŋna ménda zéwésémaŋ. <sup>31</sup>Waŋu haka hiabia méŋac méŋ alahécginaŋéŋ waŋ énécmimuc wanŋuiguc haka imuhucya imi eŋaoc walac waŋ énécmimuc. <sup>32</sup>Ini ic tosara ala waŋ énécmianŋu ionac sac ala waŋ énécmianŋu iguc imi némac hiabianéŋ he énécmiwacnec? Képésic ic ieneŋ acguc ic tosara ala siŋ waŋ énécmianŋu ionac ala siŋ waŋ énécmianŋu. <sup>33</sup>Ic méŋnéŋ méŋ haka hiabia waŋ énécmianŋu ionac mia haka hiabia waŋ énécmianŋu iguc imi némac hiabianéŋ he énécmiwacnec? Képésic ic eneŋ acguc imuhuc waŋanŋu. <sup>34</sup>Ini bakia mewiŋ zé iwawai méŋ alahécgina méra mizuiguc imi némac hiabianéŋ he énécmiwacnec? Képésic ic ieneŋ acguc bakia séha mewiŋ zé niŋkumuma kápésic ic méŋac méŋ méra énécmianŋu. <sup>35</sup>Imuc ini hazéc hécgina ala waŋ énécmimuc goi héihéi waŋ énécmiwiŋ zé bakia niŋac ménda wamma eŋdac méra énécmimuc. Imuhuc waŋanŋuiguc imi bakia héla yanda he énécmiyu, Eŋeŋa miŋinawac nambérac héra wammuc. Inéŋ mia ewa hiawac énécmimia imi ménda niŋtegičanŋu ionac zéma kaiŋiliweŋ ic ionac imi, séc imuhucyanec goi héihéi waŋ énécmianŋac. <sup>36</sup>Onac kurumeŋ Maŋocnéŋ wéséséya niŋénécmianŋac imuc séciguc ini imuhucyanec wéségina niŋénécmimuc.

### Niŋ gésigésiac haka.

<sup>37</sup>Ménda zégési énécmigic, ménda zégési énécmimia wammac. Képésicginaguc ménda zéénécmigic, kápésic ginaguc ménda zéénécmimia wammac. Waŋu alahécgina ionac kápésicgina wai énécmigic, eŋaŋ kápésicgina imuhucyanec wai énécmimia wammac. <sup>38</sup>Eŋ énécmigic, eŋ énécmimia wammac. Iwawai géséginaiguc tiyu, hiŋgacma kuaya qeyu, hélanŋima tima méndéŋu keŋha waŋu hiŋgaru, muŋguc tiyu kuaya qema mayu, onac énécmiyu tétécgéma memuc. Eneŋ géségina tima énécmigic imuc sécyaiguc tima meleŋ énécmiyu memuc. <sup>39</sup>Waŋu inéŋ muŋguc séséc ac wamma yomuhuc zéyec; Kic hilicnéŋ kic hilic méŋ hia hérémimac me? Imuhuc wammaciguc imi, éréhéc ekawu baec séséŋiguc ménda hiŋgacmaoc me? <sup>40</sup>Tohotoho icnéŋ kiwi icya ménda ogicma keczac, néŋ méŋac méŋ kiwi icyanéŋ niniŋa moczoŋ didiŋanec kumiŋu niŋareŋ gédacmaciguc, inéŋ mia kiwi icya éséc dac wamma kecmac. <sup>41</sup>Némac niŋac alagawa kiwaiguc goc héŋtegičma geŋgac kicgaiguc ic kemaŋa hezac imi ménda niŋtegičanŋa me? <sup>42</sup>Gi imi guac kicga qeriaiguc ic kemaŋa hezac imi ménda héŋtegičma dimuhuc guac alagawac zéma Alana wainénna neŋ guac kicga qeriaiguc goc hezac imi memaŋ zéwésémaŋ me? Ic ikora gi walac guac kicga qeriaiguc ic kemaŋa hezac imi memaguc iwawai guac alagawac kiwa qeriaiguc hezac imi hiabianec hémma mewésémaŋ.

<sup>43</sup>Némac niḡ? Ic hésa hiabia méḡnéḡ héla gocmia biria haimacac séc qahac. Waḡu ic hésa biria méḡnéḡ héla gocmia hiabia haimacac séc qahac, imuac mia imuhuc zézua. <sup>44</sup>Ic hésa imi imuac héla gocmia hémma hénia héḡtegicanzḡ. Ic hésa waiyaguc imuarunec fik ic gocmia ménda mihicḡianzḡ. Waḡu saḡsaḡiguc waiḡ gocmia ménda mihicḡianzḡ. <sup>45</sup>Ic embac eneḡ iwawai ewa qeriginaiguc qauqau haigic hezac imuacnec mema kuaginaneḡ ac zéanzu, imuac niḡac ic hiabianeḡ ewa qeriaiguc ninḡ hiabia qauqau haigic hezac imuacnec mema ac hiabia zéhicḡianzac. Waḡu ic birianeḡ ninḡ biria ewa qeriaiguc kuaya qema hezac imuacnec mema ac bira zéhicḡianzac.

<sup>46</sup>Ini imi nuac niḡ Miḡ Kewu, Miḡ Kewu zénémmanc dimuhuc ac zéanzua imi ménda tohoma waḡanzu? <sup>47</sup>Méḡnéḡ méḡ nuaru hama nuac acna nimma tohoanzu ieneḡ ic dimuhucya wanzu imi séséc ac zéma énézéwa hémmu. <sup>48</sup>Ic imuhucya imi ama memaḡ zé baec hiḡac hiḡarawac éséma baḡa mihicḡima imuac qahaiguc simeḡ haima mezac ésécnec. Doku yanda luma ama imi qeyec, néḡ hiabianec seligima naḡec imuac niḡ ménda mehiriyec. <sup>49</sup>Waḡu nimma ménda tohoanzac inéḡ baec bébélacḡia baḡa qahac imuaru amaya meyec ésécnec. Doku yandanéḡ luma qeyu ama imi focdac zéḡgéma kunéḡ yanda biriyec.

### Téḡḡiḡ ic galeḡ méḡac ninzéḡ ninzéḡa.

**7** <sup>1</sup>Yesunéḡ ackuazéc imuhuc moczoḡ énézéyu gezacginaneḡ niḡḡic tecgéyu, Kafanaum ama areḡa yandaiguc kereḡec. <sup>2</sup>Imuaru téḡḡiḡ ic 100 ionac galeḡgina méḡac weleḡ qeḡe ic héḡ soroc wammimia méḡnéḡ hafi kiyu humumaḡ zé waḡec. <sup>3</sup>Waḡu galeḡ imineḡ Yesuac suruc nimma Yesunéḡ hama weleḡ qeḡe icya imi mehiaru mimac niḡ qesimimu niḡac Yuda ic ionac galeḡ tosara méli énécmiyec. <sup>4</sup>Méli énécmiyu kemma Yesuaru qeriginaneḡ moczoḡ yomuhuc welecmigic; Galeḡ imi ara niḡmiwésémaḡac séc ic héla kecanzac. <sup>5</sup>Inéḡ Yuda ic nonac ala siḡ waḡ nénécmima togotocgo amanina menénécmiyec. <sup>6</sup>Imuhuc zégic Yesunéḡ iniguc momacnec keḡec. Kemma ama imi lakec qahac zézéyawac séc keḡkeru, téḡḡiḡ ic 100 ionac galeḡginaneḡ alahéra Yesuaru méli énécmima ac yomuhuc haiyec; Miḡ Kewu, gi ai yanda ménda mewésémaḡ. Ni dac imuhucya nuac ama baenaneḡ logi gémmacac séc qahac. <sup>7</sup>Ni nena niḡ nimba ménda sécgéyu guaru hamaḡ zé osizua. Imuac niḡ gi imuaru kecma eḡ zéna weleḡ qeḡe icna imi hiarumac. <sup>8</sup>Ni ic eḡeḡana ionac méra bacginaiguc kecanzua. Waḡu nuac bacnaiguc imuhucyanec téḡḡiḡ ic hécna kecanzu. Waḡu neḡ méḡac kenna zéwa keḡu, méḡac hana zéwa haanzac. Waḡu weleḡ qeḡe icnawac, ai yomi mena zéwa meanzac. <sup>9</sup>Ara imuhuc zégic nimma Yesunéḡ welicgéma ic tuḡ méndacmigic ionac muru liliḡgéma yomuhuc énézéyec; Ni énézéwa niḡḡic, Israel ic onarunec ninzéḡ ninzéḡ séha imuhucya méḡ ménda

mihicņiyi. <sup>10</sup> Waņu méli énécmiyu hagic ieneņ lilingéma amaiguc kemma héņgic weleņ qeqe ic inéņ hiaruma séwiyā hia kerec.

**Yesunéņ embac malé méņac naņa humuc igucnec meqelimiyeç.**

<sup>11</sup> Kecma Yesunéņ tauņ méņ qara Nain imuaru keņu tohotoho ichéra zéma ic tuņ yandanéņ méndacmima keņgic. <sup>12</sup> Waņu tauņ imuac saņgulaņa hosuraiguc kereņu qamoc méņ huama magic. Waņu humuyec imi embac malé méņac naņa. Naņa imi momacguc sac kerec. Waņu tauņ imuac ic embac sasalanéņ embac malé i guc momacnec magic. <sup>13</sup> Waņu Miņ Kewunéņ embac malé imi hémma ewaya biriyu zéyec; Ménda siacna. <sup>14</sup> Imuhuc zéma hosuru kemma katapa osiyu ic wagicma keņkeçgic ieneņ bénzéņ zikima naņgic yomuhuc zéyec; Merac ni gézézua, yacna. <sup>15</sup> Imuhuc ézéyu humuc ic iminéņ yacma acac hénima zéyec. Waņu Yesunéņ i neņgocya miyec. <sup>16</sup> Waņu ic eneņ moczoņ imi hémma zénéņgina hiriyu Anutu mepésima yomuhuc zégic; Anutuac tiliņ tiliņ ic kuneņ yanda méņnéņ sucninaiguc hicņiyecac keçzac. Tosara eneņ zégic; Anutunéņ ichéra niņnéncmima hazac. <sup>17</sup> Waņu Yesuac surucya iminéņ Yuda baec séc zéma baec néwéc néwéc saima kendarec.

**Yesunéņ Yohaneac hénia zéyec.**

<sup>18</sup> Yohanenéņ hésa amaiguc tackeru iwac tohotoho ichéra eneņ haka hicņiyec imi moczoņ ézédacgic. Waņu ac imi nimma tohotoho ic éréhéc héihéré érécmima <sup>19</sup> Miņ Kewu yomuhuc zéma qesimimaoc niņ méli érécmiyec; Ha nénécmimac niņ zézéya imi gi mia me méņac mambéc keçbiņ? <sup>20</sup> Waņu iereņ Yesuaru kemma zéyoc; Doku naec haka ic Yohane yomuhuc zéma méli nérécmizac; Hanénécmimac niņ zézéya imi gi mia me méņac mambéc keçbiņ? <sup>21</sup> Waņu nalé idacmuaru Yesu imi ic hafi zepaginaguc zéma ic uņa biriaguc imi sasala mehiaru énécmima kic hilic sasala imi kichihi meénécmiyec. <sup>22</sup> Waņu imuhuc qesiyic yomuhuc melemma érézéyec; Iri kemma iwawai hémma niņanzaoc imuac suruc Yohane wammima yomuhuc ézémaoc; Kic hilicnéņ kicgina hima héņanžu, puriņ eneņ hēna kenžu, wizi seliginaguc imi solāņanima keçzu, gezacgina héhéņgia ieneņ gezacginanéņ niņžu, humuc ic eneņ qelima yacžu, waņu maqeqeya ionac buņa suruc hiabia imi énézézac. <sup>23</sup> Waņu méņnéņ méņ nuac niņ niņ éréhéçguc ménda qonzoņ toņgézac imi ségiségiyaguc. <sup>24</sup> Imuhuc zéyu Yohaneac kua meme ichéřera iereņ lilingéma keņoc. Keņic Yesunéņ Yohaneac zéma yomuhuc énézéyec; Ini baec kisiaiguc némac iwawai hémbiņ zé keņgic? Uņ méņ luhucnéņ qeyu hirima naņu hémmu niņac keņgic? <sup>25</sup> Imi qahac waņu némac iwawai hémbiņ zé keņgic? Ic méņ malekuya hiabia héima keçzac imuac hémbiņ zé keņgic? Qahac, ic maleku hiabia héima iwawaigina hiabia sasala késa kecanžu imi eneņ ama kewuyaiguc kecanžu. <sup>26</sup> Waņu imi qahac waņu,

némac iwawai hémbiŋ zé keŋgic? Anutuac tiliŋ tiliŋ ic méŋac me? O, imi hélacnec! Énézéwa niŋgic; Ic imi kua meme ic onogicdacma séc méŋ wanŋac. <sup>27</sup>Iwac mia ac kiwi méŋ yomuhuc oyec hezac; Héŋgic, ni kua meme icna méŋ méliwa walac kemma hénaga mindiŋimac. <sup>28</sup>Énézéwa niŋgic; Embac igucnec hicŋihicŋiya tosara yanda ionarunec méŋnéŋ méŋ Yohane ménda ogiczac, néŋ Anutuac héŋgaleŋ ama areŋa yanda qeriaiguc mamayagina méŋnéŋ Yohane i hia ogiczac. <sup>29</sup>Ic momac yanda zéma takis meme ic ieneŋ Yohaneac doku naecgic imuac niŋac ackuaŋzéc imi nimma Anutu imi solaŋa zéma zéaugic. <sup>30</sup>Waŋu Farisaio ic zéma hénac acac kiwi ic ieneŋ sac Yohaneac doku ménda naecma Anutuac ewa siŋ eŋaŋ niŋac heyec imuac héŋara megic.

<sup>31</sup>Yesunéŋ toroqema zéyec; Nalé yomuac hicŋisai imi iwawai némaciguc séc héimaŋ? Ieneŋ dimuhucya ésécnec zémaŋ? <sup>32</sup>Imi nambérac tosara nénnagémba somberŋiguc aria meanzu ésécnec. Nambérac ieneŋ somberŋ imuaru tacma ac yomuhuc zékeŋ zéha waŋanŋu. Nini onac niŋac kuŋa héiéncmini ini legic ménda hirizu, nini soŋgoŋac legic héini ini ménda zésiac wanŋu! <sup>33</sup>Hénia imi yomuhuc; Doku naec haka ic Yohaneŋ hama nene ménda nema zéwelecma waiŋ doku ménda neyu, eneŋ hémma uŋa birianéŋ késazac zégic. <sup>34</sup>Waŋu Icac Naŋanéŋ hama nene nema waiŋ doku neyu, eneŋ yomuhuc zéanŋu; Héŋgic inéŋ hémbaoc wamma nene nema doku selia siŋa nimma nema takis meme ic zéma biria meme ic ionac alagina keczac. <sup>35</sup>Waŋu niŋtegic qinŋtegic imi imuac nambérac héra ieneŋ méndacma wamma hénia solaŋa mewininianŋu.

### **Embac méŋnéŋ siacma Yesuac hénia halécnéŋ naecmiyec.**

<sup>36</sup>Farisaio ic méŋnéŋ eŋeyaguc nene nemac niŋac Yesu héihéré miyu Yesunéŋ iwac amaiguc emma nene nema tarec. <sup>37</sup>Tackeru ama areŋa yanda imuaru biria meme embac méŋ kerec inéŋ Yesunéŋ Farisaio ic iwac amaiguc emma tarec imi nimma alabasita kiruŋ halécyaguc imi mema hama éréyec. <sup>38</sup>Éréma Yesu hénaya suluma tackeru iwac qéhéréŋaiguc hénaya haiyec imuhucgeŋ namma siarec. Siacma tacma eŋeya kic masinéŋ hénaya naecmima oruc zucyanéŋ kereŋ meyu zicgéyu kuayanéŋ hénaya kircine mima haléc héméŋa hiabia imi imuac qahaiguc qocgémiyec. <sup>39</sup>Qocgéyu Farisaio ic Yesu héihéré miyec inéŋ hémma qerianéŋ yomuhuc niŋec; Ic yominéŋ Anutuac tiliŋ tiliŋ ic kecbacnec eŋeya hénia osizac embac imi biria meme embac imuac niŋ embac imi mérénéŋ me dimuhucya imi niŋ tegicbacnec. <sup>40</sup>Imuhuc niŋu, Yesunéŋ imi niŋtegicma yomuhuc melemma zéyec; Simon, neŋ ac méŋ zémaŋac niŋzua. Zéyu zéyec; Kiwi ic, hia zéna nimba. <sup>41</sup>Zéyu Yesunéŋ yomuhuc zéyec; Ic éréhécnéŋ soukiwa ic méŋac murunec soukiwa meyc méŋac muru tasia yawuŋ momacguc zéma maso éréhéc imuac ai boŋa séc hemiyu, méŋac muru tasia maso éréhéc imuac

ai boŋa séc hemiyec. <sup>42</sup> Waŋu ic éréhéc ekaoc taségira melej mimaocac séc qahac waŋu soukiwa ic iminéŋ tasé iorac muru hezac imi moczoŋ auérécmiyec. Waŋu sugiraiguc mérénéŋ iwac siŋ kuneynec ogicma nimmimac? <sup>43</sup> Imuhuc qesiyu Simonnéŋ melemma yomuhuc zéyec; Neŋ nimba taséya kuneynec aumimia waŋec inéŋ mia siŋ kuneynec nimmimac. Zéyu zéyec; Gi dindiŋanec niŋgésizaŋ. <sup>44</sup> Imuhuc zéma embacac muru liliŋgéma Simon yomuhuc ézéyec; Embac yomi hénzaŋ? Neŋ amagaiguc éréwa geŋ hénana zuacmaŋac doku ménéŋ ménda nénzaŋ. Néŋ embac yominéŋ eŋeya kic masinéŋ hénana naecnémma oruc zucyanéŋ kereŋ menénzac. <sup>45</sup> Geŋ ménda kiricne menénzaŋ, néŋ embac yominéŋ éréwa imuarunec hénima hénana kiric nemanec keczac. <sup>46</sup> Geŋ orucnaiguc oliwa halécdac ménéŋ ménda naecnénzaŋ, néŋ embac yominéŋ haléc héméŋaguc alabasanéŋ hénanaiguc naecnénzac. <sup>47</sup> Hénia imuac niŋ neŋ gézéwa ninna; Embac yominéŋ siŋ kuney yanda hemizac imuac niŋ késpedesiya kuney yanda aumimia wanzac, néŋ késpedesic komodia dac aumimia wanzac inéŋ siŋ komodia hemizac. <sup>48</sup> Imuhuc zéma embac imi yomuhuc ézéyec; Embac, késpedesicga waigéŋgéŋa wanzac. <sup>49</sup> Imuhuc zéyu ic momacnec nene nema tacgic eneŋ qeriginaiguc yomuhuc niŋgic; Yomi némac icnéŋ késpedesiya waizac? <sup>50</sup> Waŋu Yesunéŋ embac yomuhuc ézéyec; Niŋzéŋ niŋzéŋ guac muru hezac iminéŋ gi aŋgéŋga tigénzac imuac luaeiguc kembésémaŋ.

#### Gocmiawac séséc ac.

**8** <sup>1</sup> Imuac andiaiguc Yesunéŋ ama areŋ yanda yanda zéma ama areŋa areŋa lelecgéma Anutuac héŋgaleŋ ama areŋa yandawac buŋa suruc hiabia imi zéau énécmiyu tohotoho ichéra 12 ieneŋ momacnec keŋgic. <sup>2a</sup> Waŋu embac tosara Yesunéŋ uŋa biria nesi énécmima hafigina mehiaru énécmiyec <sup>3a</sup> imi eneŋ iniguc momacnec kemma eŋaŋ iwawaigina mema weleŋ qeénécmigic. <sup>2b</sup> Qacgina imi yomuhuc; Makdala embac Maria, Yesunéŋ becneŋ iwac murunec uŋa biria 7 nesi énécmiyec imi zéma <sup>3b</sup> Herodeac soukiwa galeŋ ic Kuza iwac iniŋa Yoana zéma Susana zéma embac tosara sasala.

<sup>4</sup> Ama areŋa yanda igucnec séc ic embac eneŋ tocgéma Yesuac muru hagic tuŋ yanda waŋu, Yesunéŋ séséc ac yomuhuc énézéyec; <sup>5</sup> Ai ic méŋnéŋ iwawai gocmia qesamaŋ zé keŋec. Kemma qesayu gocmia tosara imi héná zécgériaiguc mama héiyec. Héiyu tosara ic embac ieneŋ tigic biriyc. Tosara nei ieneŋ hama nedacgic <sup>6</sup> Tosaranéŋ baŋa qahaiguc mama héiyec. Héiyu qérawia éréyec, néŋ dokuya qahac waŋu sélécgédarec. <sup>7</sup> Waŋu gocmia tosananéŋ hésa waiyaguc sasala imuac qeriaiguc mama héiyec. Héiyu hésa waiyagucnéŋ momacnec yandima hézicgégic. <sup>8</sup> Waŋu gocmia tosananéŋ baec halécyaguc imuaru mama héiyec. Héiyu qérawia éréma 100 mesaiyec. Yesunéŋ ac imi zémaguc qacma yomuhuc zéyec; Gezacginaguc ieneŋ nimmu.

<sup>9</sup>Tohotoho ichéra enej sésécac imuac hénia imi dimuhuc wammac zéma qesimigic. <sup>10</sup>Qesimigic zéyec; Onac imi wai énécmiyu Anutuac héngaleŋ ama areŋa yandawac hénia sasaŋgia imi hia niŋasarimuac hezac. Waŋu tosara ionac imi imuhuc qahac; Hémmu, néŋ hia ménda héŋtegicmu. Waŋu nimmu, néŋ hia ménda niŋtegicmuac niŋ qeqaiŋ aciguc énézéanzua.”

**Yesunéŋ séséc acwac hénia zéasari énécmiyec.**

<sup>11</sup>Séséc ac imuac hénia imi yomuhuc; Gocmia imi Anutuac ackuazéc. <sup>12</sup>Gocmia hénia zécgériaiguc mama héiyec imi ic embac tosara ackuazéc niŋgic Biriya miŋinanéŋ hama ic imi enej niŋzénégic aŋgéné tiénécmiwac niŋac ackuazéc imi qerigina igucnec onagicanzac imuac sécyā. <sup>13</sup>Gocmia tosara baŋa qahaiguc héizac imi ic embac tosara ackuazéc imi nimma ségiségi wamma késagic. Waŋu zalia ménda hiŋgac késayacgéyu nalé dahecac séc niŋzénégéma kecgic manam batuciguc onoporu waima keŋanzu imuac sécyā. <sup>14</sup>Gocmia tosara hésa waiyaguc imuac qeriaiguc mama héiyec imuhucyanéŋ ackuazéc niŋzu waŋu baecac niŋyéwéria me hinac yanda me séwiac siŋanéŋ hézicgéyu niŋzén niŋzénigina séha ménda yandianzac imuac sécyā. <sup>15</sup>Waŋu gocmia tosara baec halécyaguc imuaru héiyec imi ic embac tosara ewa hélé zéma ewa hiabia kecma ackuazéc nimma selianec késama seliseli wamma hélé haianzu imuac sécyā.

**Lambe zae qahaiguc haihaiya.**

<sup>16</sup>Méŋnéŋ méŋ lambe otorima kewucnéŋ ménda hoturumac me duŋ tatic bawu ménda haimac, néŋ ic embac ama qeriaiguc érému enej asaha imi hémmuac wamma zae qahaiguc haianzac. <sup>17</sup>Iwawai saŋa imi moczoŋ auyu hémmacac séc waŋu iwawai sasaŋgiaiguc hezac imi moczoŋ meyu wininimacac séc. <sup>18</sup>Imuac ini gezacginanéŋ dimuhuc niŋanzu haka imuac héngésimu. Méŋnéŋ méŋ ackuazéc késakeczac imi toroqemimia wammac. Waŋu méŋnéŋ méŋ ackuazéc ménda késakeczac imi iwawai henénzac zéma niŋzac imi momacnec wagiru qahac wandacmac.

**Yesuac sac kitichéra hélé.**

<sup>19</sup>Yesuac neŋgoc munahéra ieneŋ hagic. Waŋu ic embac tuŋ yanda niŋac hosuraiguc kembiaŋac séc qahac waŋec. <sup>20</sup>Waŋu ic méŋnéŋ Yesu yomuhuc ézéyec; Guac neŋgoc munahécga ieneŋ gémbiŋ zé hama séŋgaŋgeŋ nanzu. <sup>21</sup>Zéyu Yesunéŋ melemma zéyec; Anutuac ackuazéc nimma tohoma séciguc kecanzu youmi enej mia nuac neŋgoc muna hécna wanzu.

---

<sup>w</sup> 8:10 Yes 6:9

**Yesunéh luhuc yanda ézéyu néh qeyec.**

<sup>22</sup>Kaiwe méñu Yesunéh tohotoho ichéra iniguc zéiciguc emma yomuhuc énézéyec; Doku zékéh nówécgeñac kenni. Zéyu ieneñ eñawu zéic nesima hénima keñgic. <sup>23</sup>Kemma kecgic Yesu gauya heyec. Heyu nalé imuaru luhuc yandanéh konduñ imuaru mama qeyu doku temboñnéñ éréma zéic qeriaiguc hingaru zéicnéñ konduñiguc hingacmañ zé wañec. <sup>24</sup>Yesuac tohotoho ic tosanénéñ Yesuac muru kemma yomuhuc zéma mindigic; Galeñnina, galeñnina, nini humuqai wambiñ niñac.

Zéigc Yesunéh gau igucnec yacma luhuc zéma konduñ temboñ zéqetali érécmiyu néh qema heyoc. <sup>25</sup>Heyic tohotoho ichéra ionac yomuhuc énézéyec; Ninzéhñ ninzéhñgina dimia?

Imuhuc zéyu zénéñgina hiriyu welicgéma eñaocnec eminimma zéigc; Ic yomi méré wañu, luhuc zéma doku ac érézéyu ara tohozac?

**Yesunéh uña biria nesi énécmiyu beric qeriginaiguc hingacdacgic.**

<sup>26</sup>Ieneñ nesima kemma Galilaila doku qericma nówécgeñaciguc Gerasa baeciguc kereñgic. <sup>27</sup>Keremma Yesunéh imuacnec mama élélahu<sup>x</sup> eñu ama areña yanda imuac miñina ic kuwiraguc méñnéñ hama Yesu mihicñiyec. Wañu ic iminéñ nalé horua owo maleku ménda héima ama gericiguc ménda kecma kic suañ suginaiguc heañec. <sup>28</sup>Inéh Yesu hémma qacma iwac wésiaiguc mama sigéma kucnec qacma yomuhuc zéyec; Eñeña miñina Anutuac Naña Yesu, gi zéma ni nekac nekac, welecgénzua, yéwéri ménda menémbésémañ. <sup>29</sup>Ac imi mia Yesunéh i hémma uña birianéh iwarunec éréma kemmac niñac bec ézéyu nimma ara imuhuc melemma zéyec. Ic imi uña zapi qeqeyanéñ hatac sasala késayu señ hésanéñ hénia qatémima galeñgégic, néh qericma uña birianéh hérémigic séc baec kisiaiguc kemma lelecgéañec. <sup>30</sup>Imuhuc zéyu Yesunéh qesimima zéyec; Gi qacga méré? Qesimiyu zéyec; Tuñ yanda.

Imi mia iwac qeriaiguc uña biria sasalanéh hingacma kecgic imuac niñ imuhuc zéyec. <sup>31</sup>Imuhuc zéma Yesunéh uña biria ionac baec dumuñaguc ménda nesi énécmiyu hingacmu niñac welecmigic.

<sup>32</sup>Wañu baec boña imuaru beric sasalanéh gété kulumma kecgic uña biria eneñ wai énécmiyu beric ionac qeriginaiguc hingacmu niñac welecmigic niñénécmiyec. <sup>33</sup>Niñénécmiyu uña biria ieneñ ic iwarunec éréma kemma beric qeriginaiguc hingacgic beric tuñ yanda ieneñ usuñnec kemma sia yanda igucnec hingacma dokuiguc hingacgic dokunéh hoturu énécmiyec. <sup>34</sup>Ic tosara beric galeñgéma kecgic ieneñ haka hicñiyec imi hémma focdac néñgacma ama areña yanda zéma ai ama leleclelec heyec imuaru kemma ac suruc imi énézéigc. <sup>35</sup>Zéigc

<sup>x</sup> 8:27 Girik aciguc; baeciguc.



nimma ic embac ieneŋ haka hicŋiyec imi hémbiŋ zéma Yesuac muru hagic. Hama héŋgic ic uŋa biria ieneŋ éréma kendacgic ic iminéŋ Yesuac héniaiguc malekuya héima solañanec wamma bénzén tackeru zénéŋgina hiriyec. <sup>36</sup>Ic uŋa biriaguc kerec iminéŋ dimuhuc hiaruyec imi héŋgic imi eneŋ tosara suruc énézégic niŋgic. <sup>37</sup>Énézégic nimma Gerasa baec imuac miŋina ieneŋ zénéŋgina kuney yanda hiriyu wai énécmima kemmac niŋac Yesu welecmigic. Inéŋ zéiciguc emma baec imi waima keŋec. <sup>38</sup>Waŋu ic uŋa biria waimima keŋec inéŋ Yesuguc kecmaŋ zé welecmiyec, néŋ Yesu imi yomuhuc ézéma mélimiyec; <sup>39</sup>Gi amagaiguc liliŋgéma kemma Anutunéŋ guac muru haka kuney yanda dimuhucya waŋgézac imuac suruc imi énézéwésémaŋ. Imuhuc zéyu ic iminéŋ waima kemma Yesunéŋ némac iwawai wammiyec imuac suruc imi ama areŋa yanda séc lelecgéma énézédarec.

**Yesunéŋ embac seraŋa ménŋ humuc igucnec meqeliyec.**

<sup>40</sup>Waŋu Yesunéŋ doku néwéc liliŋgéma hayu ic embac tuŋ yandanéŋ Yesuac mambéc kecgcic imuac niŋac zézé ségiségi wammima hérémigic. <sup>41</sup><sup>41a</sup> Waŋu héŋgic, ic ménŋ qara Yairo zémimia inéŋ hayec. Ic imi mia tocgotocgo ama ménŋac galeŋ kerec. <sup>42</sup><sup>42a</sup> Waŋu iwac muru bérara embac seraŋa momacguc sac kerec. Embac imi yawuŋa 12 waŋec. Waŋu inéŋ hafi kiyu humumaŋ zé waŋec. <sup>41b</sup> Imuac niŋac ic iminéŋ hama Yesuac héniaiguc sigémima eŋeya amaiguc hama niŋac welecmiyec. <sup>42b</sup> Weleru Yesunéŋ amayaiguc keŋu ic embac tuŋ yandanéŋ lelecgémima momacnec keŋgic.

**Hafi embac ménŋnéŋ ninzénŋgéma Yesuac malekuya késama hiaruyec.**

<sup>43</sup>Keŋkegcic sugginaiguc embac ménŋ kerec inéŋ yawuŋ 12 imuac séc sacya mayu hafi wamma kecaŋec. Waŋu inéŋ soukiwa iwawaiya késakerec imi moczoŋ séwi galeŋ ic énécmima audarec, néŋ ménŋnéŋ ménŋ mehiaru mimacac séc qahac waŋec. <sup>44</sup>Waŋu inéŋ Yesuac andiaiguc hosuru kemma malekuya susuriaiguc osiyec. Osiyu imuarunec sac maŋec imi zicgéyec. <sup>45</sup>Waŋu Yesunéŋ qesima mérénéŋ nosizac zéma zéyec. Waŋu moczoŋ qaecgéic, Peteronéŋ yomuhuc ézéyec; Miŋ Kewunina, tuŋ yandanéŋ lelecgéma qéfacgé génzu. <sup>46</sup>Zégic Yesunéŋ melemma zéyec; Ménŋnéŋ nosiyu kucnanéŋ éréma ai meyu ninzua. <sup>47</sup>Imuhuc zéyu embacnéŋ qaecgémacac séc qahac waŋec imi niŋasarima bac yandi yandi wamma hama mama sigéma hénia némac niŋ osiyec imi zéauma, osiyu hafiya imuarunec bec tecgéyec imi ic embac moczoŋ kicginaiguc ézédarec. <sup>48</sup>Imuhuc zéyu Yesunéŋ ézéyec; Béracna, geŋga ninzén ninzénŋanéŋ mehiaru génzac. Imuac gi ewaga luae waŋu bénzén kembésémaŋ. <sup>49</sup>Imuhuc zémanec naŋu tocgotocgo amawac galeŋ iwac amaya igucnec ic ménŋnéŋ hama Yairo yomuhuc ézéyec; Guac béracga bec

humuzac imuac niŋ kiwi ic yéwéri ménda miwéséman. <sup>50</sup>Imuhuc zéyu Yesunéŋ nimma yomuhuc ézéyec; Zénéŋga ménda hirimac. Waŋu ninzénŋgéna béracga imi hiarumac. <sup>51</sup>Imuhuc zéma iwac amaiguc kemma ic embac tosara qetali énécmima Petero, Yohane, Yakobo zéma embac seraŋa iwac neŋgoc maŋgocya sac onagiru eŋgic. <sup>52</sup>Eŋgic ic embac ieneŋ embac merac iwac niŋ wamma zéŋiac yanda wamma qeweloŋ waŋgic Yesunéŋ énézéyec; Ménda siacgic embac merac yomi ménda humuzac, néŋ gauya hezac. <sup>53</sup>Imuhuc zéyu bec humuzac imi niŋtecgic imuac niŋ zédesi wammigic. <sup>54</sup>Waŋu Yesunéŋ embac merac iwac mériaiguc késama qacma zéyec; Meracna yacma nanna. <sup>55</sup>Imuhuc zéyu uŋayanéŋ liliŋgéyu imuarunec yacma naŋec. Naŋu nene mimu niŋac énézéyec. <sup>56</sup>Waŋu neŋgoc maŋgocyanéŋ hémma welicgéyoc. Welicgéyic Yesunéŋ haka hiŋiyec imi méŋac méŋ ménda zému niŋac neuŋ héiérécmyec.

### Yesunéŋ tohotoho ichéra 12 ai memuac méli énécmiyec.

**9** <sup>1</sup>Yesunéŋ tohotoho ichéra 12 unuruma uŋa biria moczoŋ nesi énécmima hafi mehiaru énécmimu niŋac kuc buŋa zéma qac buŋa énécmiyec. <sup>2</sup>Anutuac héŋgaleŋ ama areŋa yanda imuac énézéma hafi zepa wanŋu imi mehiaru énécmimu niŋac méli énécmiyec. <sup>3</sup>Waŋu méli énécmima yomuhuc énézéyec; Ini keŋha wambiy zéma iwawai yomuhucya méŋ ménda mema eŋdac kemmu, tac me gésé me héna mauŋ me soukiwa me maleku saméŋa imuhucya. <sup>4</sup>Kemma ama geric méŋiguc emmuiguc imuaru tacyac waŋkecmu, waŋu baec méŋu kembiy zémaguc ama geric imi waimu. <sup>5</sup>Ic embac eneŋ ménda héihéré énécmimuiguc tauŋ imi waima kemmu. Waŋu waima kembiy zé imuaru héna usuginaiguc seitotoŋ tacmac imi qegic mamac. Waŋu ieneŋ hakagina imi hémma imuac hénia imi niŋasarimu. <sup>6</sup>Imuhuc zéyu tohotoho ic ieneŋ kemma ama areŋ yanda yanda lelcgéma ama areŋ séc buŋa suruc hiabia imi énézéma hafi ic embac mehiaru énécmigic.

### Herodenéŋ Yesuac hénia niŋasarimanŋ zé waŋec.

<sup>7</sup>Waŋu haka méréra imi hémma ic embac tosanéŋ Yohanenéŋ humuc igucnec qelima yarec, imuac niŋ kuha imuhucya wininizac zégic. Imuac niŋ Perea baec galeŋ Herodenéŋ iwawai imi moczoŋ nimma nimbipiyec. <sup>8</sup>Waŋu tosara imi Elianéŋ muŋguc wininima keczac zégic, néŋ tosara imi Anutuac tiliŋ tiliŋ ic walaha ionarunec méŋnéŋ humuc igucnec qelima yarec imuhuc zégic. <sup>9</sup>Herodenéŋ zéyec; Yohane imi becneŋ neŋ déméŋa qeriri. Waŋu suruc imuhucya imuhucya imi mérac niŋac zéma imuhuc zéanŋu? Imuhuc zéma Yesu imi hémmaŋ zé waŋec.

### Yesunéŋ ic zaŋgéŋina 5,000 nene gumu énécmiyec.

<sup>10</sup>Waŋu Yesuac Méliméli ic ieneŋ liliŋgéma hama ai megic imuac suruc moczoŋ Yesu ézégic. Yesunéŋ suruc imi nimma onagicma eŋawu baec

imi waima Betsaida ama areña yandaiguc keŋgic. <sup>11</sup> Waŋu ic embac ieneŋ niŋtegicma méndac énécmima hagic. Hagic Yesunéŋ unuruma Anutuac héŋgaleŋ ama areña yandawac ackuažéc énéžéyec. Waŋu hafigina qahac wammac niŋac waŋgic mehiaru énécmiyec. <sup>12</sup> Kaiwe kiwa hiŋgacmaŋ zé waŋu Yesuac Méliméli ic 12 ieneŋ Yesuac muru hama éžégic; Nini you baec kisiaiguc kecziŋ imuac niŋ ic embac méli énécmima ama areña me ama komoc komoc lelec lelec hezac imuaru kemma nenegina zéma hehe duŋ tatacgina mihiçimu. <sup>13</sup> Imuhuc zégic acgina yomuhuc melemma zéyec; Eŋaoc nene gumu énécmigic nemu. Zéyu zégic; Nini kemma ic embac ionac nene boŋ ménda mewiŋgic nonaru imi saméŋ méra mén zéma lambéc éréhéc sac he nénécmizac. <sup>14</sup> Imi mia sugcinaiguc ic ionacnec zaŋgégina oloŋgic 5,000 imuac séc waŋec imuac niŋ imuhuc zégic. Waŋu Yesunéŋ 50 imuac séc tuŋa tuŋa nene newiŋ zé tacmu niŋac tohotoho ichéra énéžéyec. <sup>15</sup> Énéžéyu zéyec séc waŋgic ic embac moczoŋ nene newiŋ zé tacdacgic. <sup>16</sup> Waŋu Yesunéŋ saméŋ méra mén zéma lambéc éréhéc imi mema kiwa hiyu eŋu mozoc ac zéma mésémma ic embac ionac wéséginaiguc hai énécmimu niŋac tohotoho ichéra énécmiyec. <sup>17</sup> Waŋu hai énécmigic moczoŋ negic sécgé énécmiyec. Waŋu tohotoho ic ieneŋ bororoŋa waigic heyec imi tocgégic neŋgeŋ yanda 12 kuagina qedarec.

### **Peteronéŋ Yesu niŋac Kristo zéma ninzéŋ ninzéŋa zéauyec.**

<sup>18</sup> Nalé méŋiguc Yesunéŋ sasaniŋgiaiguc kecma zéwelec waŋu tohotoho ichéra i guc momacnec kecgic. Waŋu inéŋ yomuhuc qesiénécmiyec; Ic embac ieneŋ nuac niŋ méré zéanžu? <sup>19</sup> Zéyu melemma zégic; Tosaranéŋ doku naec haka ic Yohane zéanžu, waŋu tosaraneŋ Elia zéanžu, waŋu tosaraneŋ Anutuac tiliŋ tiliŋ ic wahala becneç kecgic sugcina igucnec méŋneŋ liliŋgéma hiçizac imuhuc zéanžu. <sup>20</sup> Zégic zéyec; Waŋu eŋaoc imi nuac niŋ méré zéanžu? Zéyu Peteronéŋ ara melemma zéyec; Anutuac Kristo.ʻ

### **Yesunéŋ humuma yacmac imuac ara zéyec.**

<sup>21</sup> Imuhuc zéyu ac imi ic méŋac mén ménda énézému niŋac neuŋ héiénécmiyec. <sup>22</sup> Waŋu toroqema zéyec; Icac Naŋanéŋ qeŋzeŋ manzeŋ sasala nimma qeriawac galeŋ zéma hofac oo ic kiwa hécgina zéma hena acac kiwi ic ieneŋ waimigic qegic humumac. Waŋu ai meme haréwéc waŋu tinduc qelima yacmacac hezac. <sup>23</sup> Imuhuc zémaguc Yesunéŋ ic embac moczoŋ ionac yomuhuc énéžéyec; Ic méŋneŋ ni méndac némmaŋ zémaciguc eŋeya memaamuma naléya naléya eŋeya ic héŋgeŋa wéndara imi huama méndac némmaç. <sup>24</sup> Ic méŋneŋ mén kekeçya aŋgé timaŋ zé

waŋu kekecyā imi sohomac. Waŋu ic mēŋnēŋ mēŋ nuac niŋ wamma kekecyā waimaciguc kekecyā aŋgē timac. <sup>25</sup>Ic mēŋnēŋ baec imi moczoŋ aŋgē timaguc eŋeya kekecyā sohomac me wagiru qahac waŋu, iwawai iminēŋ dīmuhuc naŋgēmimac? <sup>26</sup>Mēŋnēŋ mēŋ ni zēma nuac ackuazēcna niŋac gamuya nimmaciguc Icac Naŋa imi Maŋgoc zēma kua meme uŋahēra tērēya zēma eŋeya edamuyaiguc lilingēma hamac nalé imuaru imuhucyanec ic iwac niŋ mia gamuya nimmac. <sup>27</sup>Ni hēlacnec énézēwa niŋgic, you naŋzu onarunec tosara ini humucnēŋ ménda énépésiyu Anutuac hēŋgaleŋ ama areŋa yanda imi hémumu.

**Yesuac séwiyānēŋ melemma tanera mēŋ waŋec.**

<sup>28</sup>Ac imi zéyec imuac andiaiguc ai meme 8 waŋu Yesunēŋ Petero zēma Yohane zēma Yakobo onagicma zéwelecmaŋ zé baec boŋaiguc eŋec. <sup>29</sup>Inēŋ zéwelecma kerunec séwiyānēŋ melemma tanera mēŋ waŋu malekuya melemma pilitic asaha ésécnec asariyec. <sup>30</sup>Imuaru mia ic éréhécnēŋ Yesuguc ac eminimma naŋgic. Imi mia Mose zēma Elia. <sup>31</sup>Asac mararaŋiguc hicŋiyic eŋawu kecma Yesunēŋ Yerusalemiguc humumac imuac ara eminiŋgic. <sup>32</sup>Waŋu Petero zēma i guc momacnec kecŋic ieneŋ gau réwéria niŋ qeka meka wamma tacŋicac moczoŋnec yacma Yesuac edamuya zēma ic éréhécnēŋ i guc naŋgic imi inicŋic. <sup>33</sup>Waŋu ic éréhécnēŋ waima keŋic Peteronēŋ Yesu ézēyec; Kiwi ic nini you kecziŋ imi hiabia soroc. Imuac nini hali haréwéc meénécmini, mēŋ Miŋ Kewu guac, mēŋ Moseac, mēŋ Eliawac wammac. Waŋu ac imi némac ac zékerec imuac hénia ménda niŋasarima imuhuc zéyec. <sup>34</sup>Waŋu ac imi zémanec naŋu hosusunēŋ mama hoturu énécmiyec. Hoturu énécmiyu hosusu qeriaiguc kecŋic zénéŋgina hiriyec. <sup>35</sup>Waŋu hosusu qeriaiguc ewa mēŋ hicŋima yomuhuc zéyec; Ic yomi nena naŋna imi nenaoc gésimiyi. Ini iwac ackuazēc imi niŋtohomu. <sup>36</sup>Ac imi zéyu tecgéyu hēŋgic Yesu eŋeyanec naŋec. Waŋu tohotoho ic ieneŋ iwawai hēŋgic imi nalé imuac suraiguc mēŋac mēŋ ménda énézégic.

**Yesunēŋ uŋa biria nesima merac mēŋ mehiaruyec.**

<sup>37</sup>Ama gīaŋiyu Yesunēŋ baec boŋa imuarunec mama hayu ic embac tuŋ yandanēŋ mihicŋi migic. <sup>38</sup>Tuŋ imuac suginaiguc ic mēŋnēŋ qacma yomuhuc zéyec; Kiwi ic, ni welecŋzua nuac naŋnawac hama hénna. Imi mia nuac merac momacguc tēŋgēŋ. <sup>39</sup>Waŋu uŋa birianēŋ élanzaŋnec késayu imuarunec qacma qeme qeyu kua hololoŋa mayu séwiya mebiri qebiri wammima waimaŋ zé waibipianzac. <sup>40</sup>Waŋu nesigic kemmac niŋ tohotoho ichécga welec énécmiwa ieneŋ batucgégic ménda sécgéyec. <sup>41</sup>Imuhuc zéyu Yesunēŋ melemma zéyec; Yai hicŋisai niŋzēŋ niŋzēŋgina qahac qariŋ qariŋgia yomi. Nalé dahecac séc iniguc kecma bisiqatēŋ waŋ énécmimaŋ? Guac naŋga you wagicma hana. <sup>42</sup>Waŋu merac imi wagicma hamanec naŋu imuarunec uŋa

birianénj mema baeciguc giliyu hiŋgacma qeme qeyec. Qeyu Yesunénj uŋa zapi qeqeya imi qetalimima merac imi mehiaruma melemma maŋgocya miyec.

<sup>43</sup> Waŋu ic embac moczoŋ Anutuac kuha niŋac welicgégic.

Ienej moczoŋ iwawai Yesunénj mema waŋec imuac welicgéma naŋgic Yesunénj tohotoho ichéra yomuhuc énézéyec; <sup>44</sup> Ac yomi zémarj imi gezac haima hiabianec nimmu. Icac Naŋa imi kecma ic ionac méraginaiguc opocopora wammac. <sup>45</sup> Waŋu ienej ac imuhuc zéyu nimma hénia ménda niŋtegicgic. Imi mia hénia ménda niŋtegicmu niŋac musaŋgé énécmiyec imuac niŋ hénia ménda niŋasarigic. Waŋu bac yandi yandi wamma hénia ménda qesimigic.

### **Yesunénj ic kiwa kekerawac hénia ac énézéyec.**

<sup>46</sup> Waŋu tohotoho ic ionac sugcinaiguc mérénenj kunenŋina wanzac me zéma tualefic hénima emigic. <sup>47</sup> Emigic Yesunénj qerianénj niniŋgina niŋtegicma merac komoc ménj wagicma qéhérénjaiguc haiyu naŋec.

<sup>48</sup> Naŋu yomuhuc énézéyec; Méŋnénj ménj qacnaiguc merac komoc yomi héihéré mizac imi ni héihéré nénzac wanzac. Méŋnénj ménj ni héihéré nénzac imi méli néŋec i héihéré mizac wanzac. Sugcinaiguc mamayagina keczac iminénj mia eŋeŋagina wammac.

### **Méŋnénj ménj hazéc ménda waŋ énécmizac iminénj alagina wanzac.**

<sup>49</sup> Waŋu Yohanenénj yomuhuc ézéyec; Kiwi ic, nini ic méŋnénj guac qacga qacma uŋa biria nesi énécmiyu hémma ménda méndac nénécmianzac imuac niŋ neuŋ héimiyiŋ. <sup>50</sup> Imuhuc zéyu Yesunénj yomuhuc zéyec; Ménda qetalimimu méŋnénj ménj hazéc ménda waŋ nénécmizac inénj nonac wamma keczac.

### **Samaria ic ienej qeqetali wammigic.**

<sup>51</sup> Yesunénj eŋeyaoc kurumeniguc emmac imuac naléya hosuru ducŋiyu Yerusalem emmaŋ zé niŋseliyec. <sup>52</sup> Nimma kua meme ichéra walac méli énécmiyu keŋgic. Kemma iwawai mézézénj géwiŋ zé Samaria ic ionac ama areŋ komora méŋiguc kereŋgic. <sup>53</sup> Néŋ Yesunénj Yerusalem kemmaŋ zé waŋec hénia imuac niŋ ama miŋjina enej ménda héihéré énécmigic. <sup>54</sup> Imuhuc wanŋic tohotoho ic Yakobo zéma Yohane iereŋ haka imi hémma yomuhuc zéyoc; Miŋ Kewu nini geric bélaŋa kurumeŋ igucnec mama onomac niŋ zéwelecbiŋ niŋac wanzaŋ me qahac?<sup>z</sup> <sup>55</sup> Imuhuc zéyic Yesunénj liliŋgéma iricma ac geriwiguc waŋ érécmiyec. <sup>56</sup><sup>a</sup> Waŋu ienej ama areŋ méŋiguc keŋgic.

<sup>z</sup> 9:54 Kiwi méranénj ooya tosaraiguc; Elia waŋec ésécnec. <sup>a</sup> 9:56 Kiwi méranénj ooya tosaraiguc, inénj zéyec; Icac Naŋa imi ic onac kekecgina mebirimaŋ zé qahac, néŋ mehiaru énécmimaŋ zé mayi. Imuac nimba, ini Uŋa dimuhucyawac murunec hahaya imi ménda niŋtegiczu.

**Yesunéj tohotoho ic ionac pakej ac énézéyec.**

<sup>57</sup>Héna keŋkegcic ic méjnéj Yesuac yomuhuc ézéyec; Gi dimia me dimia kembésémaŋ imi ni kilej méndac gémma kemmaŋ. <sup>58</sup>Imuhuc zéyu Yesunéj melemma zéyec; Haséj kazu ienej teŋginaguc. Sawa nei ienej haecginaguc, néj Icac Naŋa imi oruc qeheheac ama duŋa méj ménda hemizac. <sup>59</sup>Waŋu Yesunéj ic méjŋac yomuhuc zéyec; Gi hama méndac néna. Waŋu inéj ara yomuhuc melemma zéyec; Waina ni walac kemma maŋgocna téŋgémaguc. <sup>60</sup>Imuhuc zéyu Yesunéj melemma zéyec; Waina humumia ienej qamocgina imi téŋgéjic, néj geŋ imi kemma Anutuac héŋgaleŋ ama areŋa yandawac énézéwésémaŋ. <sup>61</sup>Waŋu ic méjnéj muŋguc ézéyec; Miŋ Kewu, neŋ gi méndac gémma kemmaŋ, néj waina walac liliŋgéma kemma sac kitichécna ewa gezacgina énézé qemaguc hawa. <sup>62</sup>Imuhuc zéyu Yesunéj énézéyec; Méjnéj méj baec méséj méséŋac kinoŋ<sup>b</sup> mériaiguc késama kemma liliŋgéma andiaiguc héŋzac imuhucyanéj Anutuac héŋgaleŋ ama areŋa yandawac ai méj memacac séc qahac.

**Yesunéj tohotoho ic 70 buŋa suruc hiabia  
énézému niŋac méli énécmiyec.**

**10** <sup>1</sup>Imuac andiaiguc Miŋ Kewunéj tohotoho ic tosara 70<sup>c</sup> kumu énécmima baera baera, ama areŋa kunej kunej séc eŋeyaoc kemmaŋac niŋec imuaru éréhéc éréhéc méli énécmiyec. <sup>2</sup>Méli énécmima yomuhuc énézéyec; Héla memeyawac séc imi sasala wazima hezac, néj ai ic sasala qahac imuac ini ai miŋina Anutunéj ai ic méli énécmimac niŋac zéwelec wammimu. <sup>3</sup>Zéwa niŋgic, neŋ ini méli énécmima nimba rama komoc komoc haséj kazu suginaiguc méli énécmimiawac tanec wanzac. Bec yacma keŋgic. <sup>4</sup>Ini soukiwa konoŋ me gésé me héna usu imi ménda mema kemmu. Kemma hénaiguc ic embac mihicŋi énécmiuiguc yaizézé ac ménda wamma kemmu. <sup>5</sup>Kemma ama méjŋiguc emmuiguc walac yomuhuc énézému; Ama yomuaru luae hemac. <sup>6</sup>Imuaru luae ic méj kezcaciguc luae qeénécmizu imi iwac muru hemac. Waŋu qahac waŋu onac muru liliŋgéma hamac. <sup>7</sup>Waŋu ama imuaru tacyac waŋgic iwawai gumu énécmigic efima nemu. Ai icnéj ai boŋa memuac hezac. Waŋu ama arej méjŋac qeriaiguc amaya amaya leleggéma tacyac ménda wammu. <sup>8</sup>Ama areŋa yanda méjŋiguc kereŋgic héihéré énécmiuiguc wéséginaiguc nene haigic hemac imi efima nemu. <sup>9</sup>Nema bec hafi ic mehiaru énécmima Anutuac héŋgaleŋ ama areŋa yanda hosucginu hazac imuhuc énézému. <sup>10</sup>Ama areŋa yanda méjŋiguc kereŋgic ménda héihéré

<sup>b</sup> 9:62 Yuda ic eneŋ kinoŋ imi burumakaoiguc qatéjic héréyu méraginanéj késa nesima baec patoŋgic. <sup>c</sup> 10:1 Kiwi tosaraiguc; 72.

énécmimuiguc imuac héna yanda séc keremma yomuhuc énézému;  
 11 Onac tauñiguc sei toton nonac hénaiguc hezac imi qeni onac muru mazac. Wañu ini Anutuac héngaleñ ama areña yanda imi hosucginu hazac imi niñasarimu. 12 Neñ énézéwa niñgic; Nalé tetcgiaiguc ama areña imi bakia yéwéria yanda Sodom tauñ meyec imi ogicma memu.

**Ewa qerigina ménda melemmu ionac muru  
 yéwéri yanda he énécmimac.**

13 O, ewa biric! Korasin ama areña miñina. O, ewa biric! Betsaida tauñ yanda miñina, onacmuru kuc yanda baec icnéñ ménda memeya measariyi imi moczoñ Tiro zéma Sidon ama areña yandaiguc wambinec imuac ama miñina ieneñ becneç soñgoñac maleku héima toma qahaiguc tacma siacma ewagina bec melembunec. 14 Gésigési naléiguc Tiro zéma Sidon ama areña yanda miñinanéñ onogicma késpedes ginawac bakia efefia memu. 15 Kafanaum ama areña yanda miñina ini eñañac niñgic emma kurumeñ késamañ zé wanñac me? Anutunéñ memaénéc miyu humumia ionac baec dumuñaguc emu hiñgacmu. 16 Tohotoho ichécna zéwa niñgic; Méñnéñ méñ onac ackuazéc ninñac imi nuac ackuazéc ninñac wanñac. Wañu méñnéñ méñ onac andé unuzac imi ni andé nuzac wanñac. Wañu méñnéñ méñ andé nuzac imi méli néñec i andé qezac wanñac.

**Tohotoho ic 70 ieneñ liliñgéma hagic.**

17 Tohotoho ic 70<sup>d</sup> ieneñ ségiségi wamma liliñgéma hama yomuhuc ézégic; Miñ Kewu, guac qacgaiguc uña biria eneñ acnina tohogic. 18 Imuhuc zégic acgina melemma zéyec; Neñ hémba Biria miñinanéñ kurumeñ igucnec pilitic ésécneç baeciguc mama qeyec. 19 Neñ ini mokoleñ zéma girisoñañ tima hazéc ionac kucgina moczoñ onogicmu niñac qac buña énécmizua. Iwawai méñnéñ méñ hia ménda mebiri énécmimac. 20 Néñ uña biria ieneñ acgina tohozu, imuac niñ ségiségi ménda wammu, néñ qacgina kurumeñiguc oyu hezac imuac niñ mia ségiségi wammu.

**Yesunéñ ségiségi wamma Anutu mepésiyec.**

21 Nalé imuarunec Yesunéñ Uña Téréyaguc ségiségi wamma yomuhuc zéyec; Mañgoc, baec kurumeñac miñina, iwawai imi musañgéna niniñ zéma niñtegic qinñtegicac kuha ginaguc eneñ ménda hénzu, néñ nambérac ionac auénécmina héñanñu imuac ewa hia ac gézézua. Oaec, Mañgoc, guac ewa siñganéñ imuac mia heyec. 22 Mañgocna geñgaoc mia iwawai moczoñ nuac nénnec. Wañu gi qahac wañu, méñnéñ méñ mérénéñ Nañga wanñac imi ménda ninñac. Wañu méñnéñ méñ qahac, néñ Nañganéñ eñeya ewa siñguc

<sup>d</sup> 10:17 10:1 Imuac héñgic.

auénécmiyu hénzu ieneŋ sac Maŋgoc gi méré imi ninzu. <sup>23</sup>Imuhuc zémaguc tohotoho ichéra ionac muru liliŋgéma inicma ionacnec sac ewaya meyu mayu yomuhuc énézéyec; Iwawai ini hénzu imi momacnec hénzu ionac kicginanéŋ mériaŋaguc wanzac. <sup>24</sup>Énézéwa niŋgic; Kuameme ic sasala zéma ic kewu ieneŋ iwawai ini hénzu imi hémbiŋ zé waŋgic, néŋ ménda héŋgic. Waŋu iwawai ini ninzu imi nimbiŋ zé waŋgic, néŋ ménda niŋgic.

**Dac muna héla ionac ala kekec.**

<sup>25</sup>Héna acac kiwi ic méŋnéŋ yacma Yesu batucgéma yomuhuc qesimiyec; Kiwi ic, ni némac iwawai wamma kekec hémbénaŋa imi mihicŋimaŋ?  
<sup>26</sup>Zéyu Yesunéŋ ara yomuhuc melemma qesimiyec; Héna aciguc néma ac heyu gi dimuhuc oloŋ niŋanzaŋ?  
<sup>27</sup>Zéyu zéyec; Ewa qeriga moczoŋnec, kekecga moczoŋnec, kucga moczoŋnec zéma ewa siŋga moczoŋnec Miŋ Kewu guac Anutu goi héihéi wammiwésémaŋ. Waŋu gi geŋga siŋ niŋamuanzaŋ ésécnec alagawac siŋ nimmiwésémaŋ.<sup>e</sup>  
<sup>28</sup>Imuhuc zéyu Yesunéŋ ara melemma zéyec; Ac bakia melenzaŋ imi dindiŋa. Imuhuc tohoma kekec hémbénaŋa mewésémaŋ.  
<sup>29</sup>Imuhuc zéyu ic imi Yesunéŋ iwac niŋ niŋu hiarumac niŋac yomuhuc qesimiyec; Waŋu, mérénéŋ nuac alana wanzac?  
<sup>30</sup>Imuhuc zéyu Yesunéŋ séséc ac méŋ yomuhuc zéyec; Ic méŋ Yerusalemnec yacma Yeriko kemmaŋ zé hiŋgarec. Hiŋgacma hénaiguc kowu nene ic mihicŋi énécmiyu kowu nene ic ieneŋ malekuya hetecgéma humumianec qema waima keŋgic.  
<sup>31</sup>Nalé imuhucgeŋ hofac oo ic méŋnéŋ héna imuacnec hiŋgacma ic imi hémma héna néwécgeŋacnec qiziziŋ géma keŋec.  
<sup>32</sup>Waŋu Lewi ic méŋnéŋ imuhucyanec imuaru haréma ic imi hémma héna néwécgeŋacnec qiziziŋ géma ogicma keŋec.  
<sup>33</sup>Waŋu Samaria ic méŋnéŋ ic kiaŋ wamma kemma imuaru keremma ic imi hémma wéséniniŋ wammiyec.  
<sup>34</sup>Waŋu hosuraiguc kemma haléc zéma doku selia wiziyaiguc qocgéma naecmima osomiyec. Osomima doŋkiya qahaiguc haima ic kiaŋ ama méŋguc wagicma kemma galéŋgé miyec.  
<sup>35</sup>Ama giaŋiyu Romawac soukiwa Denarion<sup>f</sup> éréhéc ic kiaŋ ama imuac miŋina mima yomuhuc zéyec; Ic yomi galéŋgé miwésémaŋ. Imuac me imuac wammimaŋ zé soukiwa imi ogicma kiriwésémaŋ imi liliŋgéma hamaŋ imuaru taséga melenéŋ gémmaŋ.  
<sup>36</sup>Imuhuc suruc wandacma Yesunéŋ yomuhuc qesimiyec; Geŋ ninna ic haréwéc ionac sugcinaiguc mérénéŋ mia kowu nene méraginaiguc eŋec iwac ala wanzac me?  
<sup>37</sup>Zéyu ara melemma zéyec; Ic goi héihéi wammiyec imi mia. Imuhuc zéyu Yesunéŋ yomuhuc ézéyec; Gi kemma imuhuc wambéséaŋ.

**Yesunéŋ Mata zéma Maria iorac amaiguc keŋec.**

<sup>38</sup>Héna keŋkecma Yesunéŋ ama areŋ komora méŋguc kereŋec. Kereŋu embac méŋ qara Matanéŋ héihéré miyu iwac amaiguc eŋec. <sup>39</sup>Waŋu

<sup>e</sup> 10:27 Hén 6:5, Lew 19:18    <sup>f</sup> 10:35 1 Denarion imi ic méŋac ai meme méŋac ai boŋa.



iwaru munia kerec, qara imi Maria. Inéj Yesuac héniaiguc tacma iwac ackuažéc nižec. <sup>40</sup>Waŋu Mata imi ai yanda meyu ai yandanéj ewaya mesohoyec. Waŋu Yesuac muru hama yomuhuc éžéyec; Miŋ Kewu nuac munananéj wainéju ni nenacnec ai mema nanžua. Waŋu gi imuac ewa biric ménda waŋ nénžar? Éžéna hama méra némmac. <sup>41</sup>Žéyu Miŋ Kewunéj ara melemma žéyec; Mata, Mata, gi iwawai hénia hénia nižac nižyéwéri wanna ewaga goro wanžac. <sup>42</sup>Néj éréhéc dac sac mewésémaŋ, qahac waŋu momacdac imi sécgémac. Marianéj hénia hiabia gésima aŋgétizac imuac imi iwarunec wagicmaŋac séc qahac wanžac.

**Yesunéj žéwelec welecac hénia ku énécmiyec.**

**11** <sup>1</sup>Yesunéj baec méjiguc žéwelerec. Žéweleru tecgéyu tohotoho ichéra ionarunec méjnéj yomuhuc éžéyec; Miŋ Kewu doku naec ic Yohanenéj tohotoho ichéra dimuhuc žéwelecmu imuac hénia ku énécmiyec. Gi imuhucyanec žéwelec welecac hénia ku nénécmína. <sup>2</sup>Žéyu žéyec; Ini žéwelecbiž zéma yomuhuc žéwelecmu; Maŋgocnina, guac qacga mepésini téréya hemac. Guac héjgalej ama areŋa yanda imi mama hamac. <sup>3</sup>Gi kaiweya kaiweya imuac nene sécnina nénécmiwésémaŋ. <sup>4</sup>Nini ic tosara biria waŋ nénécmigic séc kápésicgina wai énécmiziž, imuac gi imuhucyanec kápésicnina wai nénécmína. Waŋu manam batuciguc ménda nonopobésémaŋ.

<sup>5</sup>Imuhuc zéma inéj yomuhuc toroqema žéyec; Sugina igucnec méjnéj alayaguc waŋu alaya iminéj siŋi yandaiguc iwac muru kemma yomuhuc welecmmiac; Alana, saméj haréwéc néna bianžguc melemmaŋ. <sup>6</sup>ic kiaŋ alana méjnéj nuaru hazac. Waŋu nene méj gumu mimaŋ zéma hocžua.

<sup>7</sup>Imuhuc žéyu alayanéj ama qeria igucnec yomuhuc melemma žémac; Gi gau qeli qeli nunužar, ni ama naguya bec héima nambérac hécna iniguc gau nižac wamma heziž imuac niž yacma yaka gémmaŋac séc qahac. <sup>8</sup>Waŋu zéwa nižgic, ama miŋinanéj ic imi alaya wanžac imuac wamma ménda yacma nimmimac, néj ic imi seliseli wamma welecma naŋu imuac nižac mia yacma iwawai méj nižac wawaŋa imuac sécyá mimac.

<sup>9-10</sup>Méjnéj méj weleru miyu meanžac. Waŋu méjnéj méj hochoc ai mema mihičŋianžac. Waŋu méjnéj méj nagu qeyu aumimia waŋanžac. Imuac nižac zéwa nižgic; Welecgic énécmimac. Hochoc ai mema mihičŋimu. Naguya qegic auénécmimac. <sup>11</sup>Guac naŋganéj lambéc nižac qesigéju maŋgoc onac sugina igucnec mérénéj lambécac tasia qaté mokolej mimac? <sup>12</sup>Waŋu kuruc gocmia nižac welecgéju mérénéj tasia girisoŋaŋ mimac? <sup>13</sup>Ini ic biria, néj kilej iwawai hiabia nambérac hécgina gumu énécmianžuguc onac kurumej Maŋgocginanéj welecmanžu onac Uŋa Téréya séc ogicqogicma dimuhucya énécmimac?

### Yesu zéma Beelsebul.

14 Waŋu Yesunéŋ uŋa biria ara qahac imi nesimiyu éréma keŋu merac imi ac zéyec. Zéyu ic embac tuŋ ieneŋ imi hémma welicgégic. 15 Waŋu sugginaiguc tosananéŋ yomuhuc zégic; Inéŋ kuwic ionac ic kewugina Beelzebulac kuha mema uŋa biria nesi énécmianzac. 16 Waŋu ic tosananéŋ Yesu batucgémima séséc baec icnéŋ ménda memeya kurumeŋ igucnec mamaya méŋac meyu hémbiŋ niŋac welecmigic. 17 Welecmigic Yesunéŋ ionac niniŋgina niŋteŋicma yomuhuc zéyec; Héŋgaleŋ ama yandawac miŋinanéŋ eŋaocnec euhéndéŋ waŋamuzu séc kisi waŋanzac. Waŋu ama méŋac miŋinanéŋ eŋaocnec euhési waŋamuanzu imi mama birianzac. 18 Neŋ Beelzebulac kuha mema uŋa biria nesi énécmianzua imuhuc zénéŋzu, néŋ Biria miŋinanéŋ eŋaocnec héndéŋ amuanzuiguc ionac héŋgaleŋ ama areŋa yandanéŋ dimuhuc naŋselimac? 19 Neŋ Beelzebulac kuha mema uŋa biria nesi énécmizuaiguc imi naŋhécgina ieneŋ mérac kuha mema uŋa biria nesi énécmianzu? Imuac naŋhécgina eŋaoc mia zégési énécmimu. 20 Néŋ neŋ Anutuac méria merawanéŋ uŋa biria nesi énécmianzuaiguc Anutuac héŋgaleŋ ama areŋa yandanéŋ bec onacmuru mama hazac. 21 Ic kawalinéŋ tewi maleku séha meyu kiyunec amaya galenŋéyu ama imi luaeiguc hia heanzac. 22 Waŋu ic kawali kuha eŋeŋa méŋnéŋ hama ic imi ogiczaciguc tewi maleku selia niŋkumuma mekeczac imi moczoŋ wagicma iwac hinacya momacnec wagicma sécgina méndémma énécmianzac. 23 Méŋnéŋ méŋ niguc ménda keczac inéŋ andé nuzac. Waŋu iwawaina niguc ménda tocgézac inéŋ iwawaina héndénzac.

24 Uŋa biria méŋnéŋ ic méŋac murunec éréma kemma baec kisiaiguc keŋha wamma tachiarumaŋ zé waŋu ménda sécgézac. Ménda sécgéyu inéŋ yomuhuc zézac; Ni amana éréma hazua imuaru liliŋgémaŋ. 25 Imuhuc zéma liliŋgéma hama héŋu ama imi usuŋma mindiŋiyecac hiabia hezac. 26 Heyu kemma uŋa biria kawalihéra 7 onagiru hama hiŋgacma kecgic walac birima kerec imi muŋguc yanda ogicqogic wamma kuneŋnec birima keczac.

27 Ac imuhuc zémanec naŋu tuŋ yanda imuac suggina igucnec embac méŋnéŋ qacma zéyec; Gi héri haima megémma namu gumugéŋec neŋgoc iminéŋ ségiségiyaguc! 28 Imuhuc zéyu Yesunéŋ melemma zéyec; Ic méŋ Anutuac ackuazéc nimma tohoanzac iminéŋ mia ségiségiyaguc wanzac.

### Séséc ac Yonawac muru héiyec imuac hénia.

29 Ic tuŋ muŋguc yanda toroqe énécmima naŋgic Yesunéŋ hénima yomuhuc énézéyec; Nalé yomuac hiŋŋisai imi hiŋŋisai biria, séséc mérerawac hémbiŋ zé waŋanzu, néŋ séséc méŋ qahac, néŋ Yonawac muru haka hiŋŋiyec imi sac hiŋŋi énécmimac. 30 Yonanéŋ Niniwe ama

areŋa yanda imuac miŋhéra ionac muru séséc waŋec ésécnec, Icac Naŋa imuhucyanec nalé yomuac hicŋisai onac muru imuhuc wammac. <sup>31</sup>Héŋgaleŋ ama yanda ménŋ baec waŋgoŋa Saut iguc hezac imuac embac garata ménŋnéŋ Solomonac niŋteŋic qiŋteŋicac kuha nimmaŋ zé baec teteŋgia igucnec hayec, néŋ nalé yomuac hicŋisai eneŋ Solomonac Kuneŋa neŋ you kecma énézéwa ménda niŋnéŋzu. Imuac zégésigési naléya ducŋiyu embac garata iminéŋ ini zégési énécmimac. <sup>32</sup>Niniwe ic eneŋ Yonawac ackuažéc nimma ewagina melenŋic, néŋ nalé yomuac hicŋisai eneŋ Yonawac Kuneŋa neŋ you kecma énézéwa ménda niŋnéŋzu imuac niŋ zégésigési naléyaiguc Niniwe ic ieneŋ ini zégési énécmimu.

### Séwiac lambe.

<sup>33</sup>Ménŋnéŋ ménŋ lambegina otorima sasaŋgiaiguc me kewuc bawaiguc ménda haianzu, néŋ qémbéŋ qahaiguc haianzu. Imi mia ic embac ama qeriaiguc érému eneŋ asaha hémmu niŋac imuhuc waŋanzu. <sup>34</sup>Waŋu néwécgeŋac zéwa niŋgic; Guac kicganéŋ séwigawac lambe wanzac. Kicganéŋ hia keczaciguc séwiga moczoŋ asahanéŋ sécgémimia wanzac. Waŋu kicganéŋ birizaciguc séwiga moczoŋ siŋinéŋ sécgémimia wanzac. <sup>35</sup>Imuac ewa qerigaiguc asac mararaŋ hezac imi ménda siŋidéŋgézac me qahac imi niŋgésina. <sup>36</sup>Imuac guac séwiga asaha sécgégéŋu siŋi ménŋ ménda hegéŋu lambeac asahanéŋ asarigéŋanzac ésécnec kekecga moczoŋ asahaguc wammac.

### Saec 6.

<sup>37</sup>Yesunéŋ ac imuhuc zémanec naŋu Farisaio ic ménŋnéŋ eŋeyaguc momacnec tacma nene nemac niŋac Yesu welecmyu emma tarec. <sup>38</sup>Néŋ nene nemaŋ zé wamma méria ménda zuaru Farisaio ic iminéŋ hémma ewa éréhéc waŋec. <sup>39</sup>Waŋu Yesunéŋ yomuhuc zéyec; Farisaio ic ini sokoc zéma zéic séwéla imi hiabianec zuacanzu, néŋ ewa qerigina imi hémbaoc haka zéma kaiziliweŋ hakanéŋ kuaya qema hezac. <sup>40</sup>Niniŋgina qahac ini, séwéla mihicŋiyec inéŋ qeria momacnec mihicŋiyec imi ménda niŋteŋiczu? <sup>41</sup>Waŋu qerigaiguc hegéŋzac séciguc haleŋ énécmina iwawai moczoŋ solana waŋgémmac. <sup>42</sup>Néŋ saecŋinaguc ini Farisaio ic, ini miŋsupe zéma zuazua héméŋa hiabia tosara imi méndéŋgic méra éréhéc waŋu momacguc mema Anutuac buŋa haianzu. Néŋ haka dindiŋa zéma goi héihéi Anutuac buŋa haihaiya imi giligic qahac wanzac. Ménŋ ménda waima imuac me imuac momacnec wandacmu iminéŋ hia wammac. <sup>43</sup>Saecŋinaguc ini Farisaio ic, ini tocgotocgo amaiguc tatak ou eŋeŋa hezac imuaru tacbiŋ niŋac waŋanzu. Waŋu nénnagémba sombeŋiguc zézé ségiségi waŋ énécmimu niŋac waŋanzu. <sup>44</sup>Saecŋinaguc ini imi kicsuaŋ suaŋa qahac kondona heheya ésécnec waŋu, ic embac ieneŋ imuac qahaiguc tima namma héniagina ménda niŋteŋcŋanzu.

45 Imuhuc zéyu héna acac kiwi ic méhnéj Yesu yomuhuc melemma zéyec; Kiwi ic gi imuhuc zéma nini momacnec mutulangéma zébiri nénécmizaŋ. 46 Saecginaguc héna acac kiwi ic ini, iwawai yéwéria yanda sécgina ogicogicya imi ic tosara ionac hai énécmigic bisianzu, néj ini eŋaoc imi méragina merawa méj ménda suluma osianzu. 47 Saecginaguc ini, enej Anutuac tilij tilij ic becneŋ yanda hécgina ienej unugic ionac kicsuaŋ imi meyacgéanzu, néj ackuažéc imi ménda tohoanzu. 48 Yandahécgina Ienej Anutuac tilij tilij ic unugic Farisaio ic enej imi kua meme ic ionac kicsuaŋ meyacgézu. Imuhuc wamma ini yanda hécginaŋ ai imuac ewa momac wanzu imuac héipuc ac zéauzu. 49 Imuac niŋ Anutunéj niŋtegic qinŋtegicac kuhaiguc yomuhuc zéyec; Neŋ ionac muru walac zézé ichéna zéma méliméli ic méli énécmimaŋ, waŋu ionarunec tosara unuhumumu, waŋu tosara ununesi waŋ énécmimu. 50 Baec kurumeŋ zéyu hicŋiyec imuarunec hénima éréma kecma deguc imuac suraiguc Anutuac tilij tilij ic unugic sacgina mayec imuac bakia moczoŋ nalé yomuac hicŋisai ionac qacginaiguc emmac. 51 Imi mia Abelac sac igucnec hénima éréma kecma zaki téréya sombenjiguc naŋec imi zéma ama téréya imuac géhŋéhaiguc qegic humuyec Žakaraia iwac sacya imuac bakia moczoŋ nalé yomuac hicŋisai enej mia bisidacmu. 52 Saecginaguc héna acac kiwi ic ini, ini imi niniŋac nagu wétéya késa kecma eŋaoc ménda emma imuhucyanec naguya hézicgéma naŋgic ic embac embiŋ zé wanzu imi enej momacnec emmuac séc qahac wanzac. 53 Imuhuc zémaguc Yesu ama imi waima kemmaŋ zé mayu Farisaio ic zéma héna acac kiwi ic ienej hénima hažéc geriŋaguc wammima acgina melemmac niŋac selianec hinocgémima zéqesiqesi sasala wammigic. 54 Imuhuc wamma ac késpedesira méj zéyu késawiŋ zéma galeŋ megic.

**Yesunéj qeqaiŋ ac zéma meme seli ac énézéyec.**

**12** 1 Suraiguc ic embac tuŋ yanda tauseŋa tauseŋa tocgéma hénagina tiloc paloc tima naŋgic. Yesunéj walac tohotoho ichéra yomuhuc énézéyec; Farisaio ic qeri ikocginaguc ionac yis imuac galeŋ memu. 2 Iwawai méhnéj méj, usuyaguc hezac imi ménda auyu hemacac séc qahac, sasanaiguc hezac imi ménda niŋmimiawac séc qahac. 3 Imuac niŋ iwawai siŋiiguc zégic imi moczoŋ kaiweac asahaiguc zéaugic nindacmu. Waŋu iwawai ama qeriaiguc zégic imi moczoŋ ama bauyaiguc namma zéaugic nindacmu.

**Anutu momacgucac sac zénéŋgina hirimac.**

4 Alahéna onac énézézua, séwígina sac unuhumuma imuac andiaiguc iwawai méj toroqema waŋ énécmimuac séc qahac ionac niŋ zénéŋgina ménda hirimac. 5 Mérac kileŋ zénéŋgina hirimac imi zéasariwa niŋgic. Unuhumuma imuac andiaiguc geric siaiguc gili énécmimacac kuc

buŋaya hemizac iwac mia zénéŋgina hirimac. Owec, énézézua, iwac mia zénéŋgina hirimac. <sup>6</sup>Sirikic méra méŋjac boŋa soukiwa Toya<sup>8</sup> éréhécdac ménda haianŋu? Waŋu Anutuac kiwaiguc sirikic nei ionac murunec méŋjac niŋ eluŋ ménda qeanzac. <sup>7</sup>Ini imi Anutunéŋ oruc zucgina zaŋgéya acguc moczoŋ oloŋ nindaczac, imuac zénéŋgina ménda hirimac. Eŋac eŋac kekecgina imi sirikic nei sasala onogicma eŋeŋa wanŋac.

<sup>8</sup>Waŋu ni énézéwa niŋgic; Méŋnéŋ méŋ ic embac kicginaiguc zéauma ni ninzéŋgé némmaciguc ni imuhucyanec Anutuac kua meme uŋa kicginaiguc zéauma i ninzéŋgé miman. <sup>9</sup>Ic embac kicginaiguc ni qaecgé nénzac imi ni Anutuac kua meme uŋahéra kicginaiguc qaecgémiman. <sup>10</sup>Méŋnéŋ méŋ Icac Naŋa zébiri mizaciguc késpedes imi waimimacac hezac, néŋ Uŋa Téréyawac zébiri wammizaciguc késpedes imi ménda waimimac. <sup>11</sup>Ic embac tosanéŋ ini tocgotocgo amaiguc me galeŋ zéma ic kewu tosara qac buŋaginaguc ionac muru onagicma keŋgic ac bakia dimuhuc melemma ac dimuhucya zéwiŋ zéma ewa goro ménda wammu. <sup>12</sup>Nalé imuaru mia Uŋa Téréyanéŋ némac ac zému imi ku énécmimac.

<sup>13</sup>Waŋu tuŋ imuarunec ic méŋnéŋ yomuhuc zéyec; Kiwi ic nuac dacna ac ézéna maŋgoc niranéŋ iwawai mératéc wainérécmiyec imi niguc méndemma mewic. <sup>14</sup>Zéyu Yesunéŋ ézéyec; Ic mérénéŋ ni iwawaigira méndéŋ érécmiman niŋac zégésigési ai icgirawac kumunéŋec? <sup>15</sup>Imuhuc zémaguc inéŋ ic embac yomuhuc énézéyec; Iwawai méŋjac méŋ hémbaoc ménda wamma nininŋ biria imuac galeŋ memu. Ic méŋjac kekecyia imi iwac iwawaiya sasala imuaru ménda hezac. <sup>16</sup>Imuhuc zéma inéŋ qelumbec ac méŋ yomuhuc énézéyec; Soukiwa ic méŋ kerec. Keru iwac aiguc héla gocmia kindindiŋa hicŋimiyec. <sup>17</sup>Hicŋimiyu ewa qeriaiguc yomuhuc niŋec; Nuaru héla gocmia imi haihaiyawac titiŋa méŋ ménda hezac. Imuac dimuhuc wammaŋ? <sup>18</sup>Imuhuc zéma zéyec; Ni yomuhuc wammaŋ, nuac hofi ama komora imi hericma kuneŋ yanda qelia méŋ meyacgéma nuac ai yawuŋac héla zéma iwawai hiabia imi moczoŋ imuaru haiwa hemac. <sup>19</sup>Imuhuc wamma nuac uŋanawac yomuhuc zémaŋ; Nuac qeri uŋana, iwawai ai yawuŋ sasalawac sécyia qolacgéma haiwa hezac. Imuac gi bénzéŋ tacnimma nene kuluŋ nema ségiségi wamma kecbésémaŋ. <sup>20</sup>Néŋ Anutunéŋ yomuhuc ézémac; Ic, gi imi ninŋtegic qinŋtegicga qahac, deguc siŋiya guac qeri uŋaga guagicba iwawai qutulangéma haina hezac imi moczoŋ mérac wammac me? <sup>21</sup>Ic imuhucya imi eŋeyawac iwawai sasala tiloyu emma hezac, néŋ Anutuac muru imi saméŋ bipiyaguc ménda hemiyu keczac.

### **Ewa goro ménda wambésémaŋ.**

<sup>22</sup>Imuhuc zéma tohotoho ichéra énézéyec; Imuac néwécgeŋac yomuhuc énézéwa niŋgic; Kekecgina niŋac némac iwawai nemu, séwigina niŋac

némac iwawai héimu imuac ewa goro ménda wammu. <sup>23</sup>Kecec imi nene ogiczac. Waŋu séwigina imi malekugina ogiczac. <sup>24</sup>Koeckoec nei imuac niŋgic, iwawai méŋ ménda héihimic wamma meanzu. Waŋu ama saméŋa me hofi amaya méŋ ménda he énécmizac, néŋ kileŋ Anutunéŋ gumu énécmianzac. Ini imi nei kuneŋ yanda ogicma eeginaguc wanzu. <sup>25</sup>Sucginaiguc méréneŋ ewa goro wamma kececya<sup>h</sup> komodia méŋ mehorugimacac séc wanzac me? <sup>26</sup>Iwawai komodia méŋ imuhucya hia mindiŋiwésémaŋac séc qahac waŋu dimuhuc méŋac méŋ ewa goro wambésémaŋ? <sup>27</sup>Baorac zariŋac niŋgic, imi dimuhuc yandianzu? Ieneŋ ai ménda meanzu waŋu hésa méŋ ménda meyacgéanzu waŋu énézéwa niŋgic, Ic kewu Solomonnéŋ maleku héiyec imuac edamuya moczoŋ imi zariŋ méŋac asaha ogicmacac séc qahac waŋec. <sup>28</sup>Deguc keru oraŋguc qema oanzu zariŋdac imuhucyawac Anutunéŋ imuhuc hiabianec héi énécmianzac. Imuhucya imuhuc waŋ énécmianzac iguc onac imi ogicqogic wamma ménda héiéncmimac me? O! ic embac, niŋzéŋ niŋzéŋgina imi komocdia dac. <sup>29</sup>Ini némac iwawai newiŋ zéma ewa goro ménda wammu, waŋu imuac ménda zéwelectmu. <sup>30</sup>Baecac ic enia ieneŋ mia iwawai moczoŋ imuhucya niŋac wamma welecanzu. Onac Maŋgocginanéŋ ini iwawai imuac me imuac osizu imi bec niŋdacazac. <sup>31</sup>Ini mia iwac héŋgaleŋ ama areŋa yanda imuac hochoc wammu. Imuhuc waŋgic iwawai tosara imi toroqema énécmimac. <sup>32</sup>Ic tuŋ komora ini zénéŋgina ménda hiriyu, Maŋgocnéŋ héŋgaleŋ ama areŋa yanda imi énécmimaŋ zé ewa hia niŋzac. <sup>33</sup>Iwawaigina haima soukiwa mihicŋima maqeqeya ionac énécmigic. Gésé tegictegira qahac kurumeŋac buŋa mihicŋima imuaru mia iwawai boŋa eŋeŋa imi tigic hemac. Imuaru imi kowu nene hosuru keŋkeŋawac séc qahac, waŋu gisic zinangoc nemuac séc qahac. <sup>34</sup>Iwawaigina boŋa eŋeŋa hezac imuaru onac ewa siŋgina heanzac imuac niŋac imuhuc zézua.

### **Técgina nimma kecmu.**

<sup>35</sup>Kembaŋ ginaiguc rikunŋina zikima kifagina otorigic zeyunec naŋkecmu. <sup>36</sup>Ini imi ic tosara miŋginanéŋ zammaréŋ meme ariac igucnec lilingéma hama nagu qeyu focdac yacma nagu auwiŋ zé mambéc kecanzu ésécnec wamma kecmu. <sup>37</sup>Miŋginanéŋ hama kic hihi kecgic inicmaciguc weleŋ qeqehéra imuhucya imi ségiségi ginaguc wammu. Hélaecnec énézéwa niŋgic, miŋginanéŋ rikuŋa zikima namma énézéyu tacgic hosucginu hama weleŋ qeénécmimac. <sup>38</sup>Inéŋ siŋiyawac 12 kilok me 3 kilok imuaru hama iniru imuhuc wamma kecmuiguc imi ségiségi ginaguc wammu. <sup>39</sup>Ini niŋzu ésécnec ama miŋginanéŋ némac naléiguc kowu nene hamu imi niŋaŋeciguc awima taru amaya imi ménda

<sup>h</sup> 12:25 Séwiga witiya.

hésémma embunec. <sup>40</sup>Imuac niŋ ini acguc técgina nimma kecmu. Ménda nimma kecmu nalé imuaru Icac Naŋa imi hamac.

<sup>41</sup>Imuhuc zéyu Peteronéŋ yomuhuc qesimiyec; Gi séséc ac imi nonac niŋ sac zézaŋ me nini moczoŋ niŋac zézaŋ? <sup>42</sup>Zéyu Miŋ Kewunéŋ melemma zéyec; Waŋu mérénéŋ ai ic niŋkumu mimia zéma niŋtegic qiŋtegiyaguc wamma miŋinawac welenqege ichéra galengé énécmima naléya ducŋiyu séc nene yakaginawac buŋa méndéŋ énécmiammac? <sup>43</sup>Waŋu miŋinanéŋ hama héŋu imuhuc wamma keru, welen qege imuhucya imi ségiségiyaguc wammac. <sup>44</sup>Ni hélacnec énézéwa niŋgic; Miŋinanéŋ ic imuhucya imi iwawaiya moczoŋ galengémac niŋac opocmac. <sup>45</sup>Waŋu welen qege icnéŋ imuhuc ménda wamma ewa qeriaiguc eŋeya miŋinanéŋ bénzén bénzén hamac zéma iwawai hémbaoc wamma nema doku selia nema niŋgoŋ wamma welen qege ichéra zéma embachéra hénima unumac imi <sup>46</sup>nalé mén kic hihi ménda wamma kecmac imuaru, waŋu kaiwe kiwa mén ménda nimma kecmac imuaru mia miŋinanéŋ hama bakia réwéria meleŋ mima ic ninzén ninzénŋina qahac iniguc momacnec onopocmac. <sup>47</sup>Miŋinawac ewa siŋ imi dimuhuc hezac imi niŋtegiomaguc kileŋ técyá ménda nimma iwac ewa siŋa tohotoho ménda wammac imi sasalanec qemac. <sup>48</sup>Ménda niŋtegioma haka biria wanzac imi efefia qemac. Iwawai sasala meyec iwac muru sasala memaŋ zé hocmac. Waŋu ai buŋa sasala késayec iwac muru imi iwawai sasala mihicŋimaŋ zé qesimimac.

<sup>49</sup>Ni baeciguc geric zéc gilimaŋ zé mayi. Waŋu bec zezaciguc némac iwawai mén niŋac wammaŋ? <sup>50</sup>Ni météré naec ai<sup>i</sup> mén waŋ némmuac hezac. Qeri yéwéri dimuhucyanéŋ kilanŋi némma keŋkeruguc yéwéri imi moczoŋ tecgénémmac! <sup>51</sup>Ini niŋgic ni baeciguc luae qeénécmimaŋ zé hayi tanec wanzac me? Énézéwa niŋgic; Imi qahac, méndéŋ énécmimaŋ zé hayi. <sup>52</sup>Kecma ama momacgucac qeria igucnec ic embac méra mén kecma haréwécnéŋ éréhéc hazéc waŋ érécmigic éréhécnéŋ haréwéc hazéc waŋ énécmiyic méndéŋ amuma kecmu. <sup>53</sup>Maŋgocnéŋ naŋaguc, naŋanéŋ maŋgocyaguc, neŋgocnéŋ béraraguc, béraranéŋ neŋgocyaguc, eraŋiyanéŋ eraŋiyaguc héndéŋ amuma aŋaŋ qacgé amumu.

<sup>54</sup>Imuhuc zéma toroqema zéyec; Ini hosusunéŋ konduŋ igucnec hayu hémma kia focdac hamac zégic imuhuc waŋanzac. <sup>55</sup>Waŋu Saut baec kisia igucnec luhucnéŋ éréyu hémma geriwaguc wammac zégic imuhuc waŋanzac. <sup>56</sup>Ic ikocginaguc ini baec kurumeŋac tanera imi héŋtegioma dimuhuc nalé yomuac hakaginawac tanera imi ménda niŋtegiaczu?

<sup>57</sup>Waŋu némac niŋac némac hakanéŋ solaŋa wanzac imi moacnec ménda niŋgésianzu? <sup>58</sup>Gi ic hazécgaguc zégésigési icac muru kemmaoc imuaru henaiguc ara mindiŋimaŋ zé meefima luae ac zémaoc. Imuhuc

<sup>i</sup> 12:50 Météré naec ai; Ic héŋgeŋa wéndaraiguc qeyu humumac imuac séséc ac wanzac.

ménda wanna, inéj gésigési ic iwac muru hérégemma keŋu gésigési icnéj téngiŋ ic ionac méraginaiguc goporu téngiŋ ic ienej hésa amaiguc giligemma gopocbu niŋac. <sup>59</sup>Gézéwa ninna, kitiwa melemma Toya<sup>j</sup> tetecgiawac méj acguc moczoŋ ménda meleŋna tecgéyu hia ménda mama hawaŋ niŋac.

### Ewa qerigina melemmu me humumu?

**13** <sup>1</sup>Nalé imuaru tosaraneŋ Yesuac muru hama Pilatoneŋ Galilaia ic embac tosara unuhumugic sacginaneŋ mama ionac zucmanaŋ ginawac sacguc momacnec sicsaoc wamma keŋec. <sup>k</sup> <sup>2</sup>Žégic Yesunéj acgina melemma zéyec; Ini imi Galilaia ic ienej haka imuhucya mihicŋigic inicma niŋgic ienej Galilaia ic tosara onogicma késpedes yanda waŋgic ésécnec wanzac me? <sup>3</sup>Ni énézéwa niŋgic, imi qahac, ewa qerigina ménda melemmuiguc moczoŋ yanda ini acguc imuhucyanec qahac wandacmu. <sup>4</sup>Waŋu ic embac 18 Siloam ama areŋaiguc awiawi ama héŋgeŋa horua herec imi mama qeyu imuac bawaiŋuc humugic. Waŋu eneŋ ionac niŋgic késpedesgina imi Yerusalem imuac miŋhéra tosara ionac késpedesgina ogiczac ésécnec wanzac me? <sup>5</sup>Ni énézéwa niŋgic, imi qahac, moczoŋ yanda ini acguc ewa qerigina ménda meleŋgic imuhucyanec humuma qahac wandacmu.

<sup>6</sup>Imuhuc zéma séséc ac méj yomuhuc zéyec; Ic méjnéj waiŋ aiiguc fik ic méj himiru heyu hama imuac gocmia niŋac horec, néj méj ménda mihicŋiyec. <sup>7</sup>Waŋu inéj imuac ai ic yomuhuc ézéyec; Ni ai yawuŋ haréwéc hama fik ic yomuac gocmia niŋac hocma héla ménda mihicŋianzua. Imuac ic hésa imi héina qahac wammac. Némac niŋac baec imi eŋdac késama nammac? <sup>8</sup>Žéyu zéyec; Miŋ kewuna waina ai yawuŋ momacguc méj naŋu neŋ giŋgiŋaiguc baec imi éséma guwec haima héwiŋa héimaŋ. <sup>9</sup>Héiwa kecma biaŋguc héla haimac niŋac, kilenŋdac héla ménda haimaciguc nalé imuhucgeŋ zéna héiwa qahac wammac.

<sup>10</sup>Waŋu Yesunéj Sabata naléiguc tocgotocgo ama méjiguc emma ackuažéc ku énécmima naŋec. <sup>11</sup>Waŋu niŋzu, embac méj yawuŋ 18 imuac séc hafi uŋaneŋ késayu gemara momacnec licgémiyecac dindiŋanec nammacac séc qahac kecaŋec. <sup>12</sup>Waŋu Yesunéj hémma zéyu hama kicginaiguc naŋu ézéyec; Embac gi hafi zepaga igucnec hulacgé géŋgéŋa wanzac. <sup>13</sup>Imuhuc zéma méria haimima zéweleru embac iminéj imuarunec gemara mindiŋima dindiŋanec namma Anutu mepésiyec. <sup>14</sup>Tocgotocgo amawac galeŋnéj Yesunéj Sabataiguc hafi

---

j 12:59 Girik aciguc; Lepton. <sup>k</sup> 13:1 Galilaia ic ienej mulu ai mema naŋgic Pilatoac téngiŋ ichéra ienej hama unuhumugic ic zéma mulu yaŋac sacginaneŋ momacnec sicsaoc wamma keŋec.



mehiaru énécmiyu hémma qeri biric nimma ic tuŋ yomuhuc énézéyec; Ai meme 6 hezac, imuac niŋ imuac suraiguc hagic mehiaru énécmimac, néŋ Sabataiguc imi qahac. <sup>15</sup>Imuhuc zéyu Miŋ Kewunéŋ melemma zéyec; Ic onac kiciguc welen qeŋe ic ini sugina igucnec méŋnéŋ méŋ Sabata naléiguc eŋeya burumakao me doŋki héréma kemma doku ménda gumuanzac me? <sup>16</sup>Abarahamac bérara embac yomi Biria miŋinanéŋ késayu yawuŋ 18 ziki sipacyaguc kecaŋec. Waŋu Sabata naléiguc ziki sipacya imi hulac mimiawac ménda hezac? <sup>17</sup>Yesunéŋ imuhuc zéyu ic embac hazéc wammigic imi eneŋ moczoŋ niŋgic gamuginaguc waŋec, néŋ ic tuŋ yanda tosanéŋ haka moczoŋ kuc buŋayaguc imi meyu hémma ségiségi waŋgic.

### Héŋgaleŋ ama yandawac séséc ac.

<sup>18</sup>Anutuac héŋgaleŋ ama areŋa yanda imi némac iwawai ésécnec wanzac? Neŋ dimuhuciguc séc héima zémaŋ? <sup>19</sup>Imi mia, ic hésa méŋ qara zunzuaŋ imuac gocmia ésécnec, ic méŋnéŋ gocmia imi momacguc mema kemma aiiguc himiru yandima ic yanda wamma naŋu nei sawaiguc kecaŋzu imi eneŋ imuaru haecgina haigic.

<sup>20</sup>Inéŋ muŋguc toroqema zéyec; Ni Anutuac héŋgaleŋ ama areŋa yanda imi némac iwawaiiguc séc héimaŋ? <sup>21</sup>Imi mia embac méŋnéŋ saméŋ omaŋ zéma fulawa uha sasala<sup>1</sup> imuac qeriaiguc yis haiyu moczoŋ sécgémiyec ésécnec.

<sup>22</sup>Waŋu Yesunéŋ Yerusalem kemmaŋ zé kemma henaiguc ama areŋa areŋa, ama areŋa kuneŋ kuneŋ séc lelecgéma ackuažéc ku énécmimanec keŋec. <sup>23</sup>Waŋu ic méŋnéŋ yomuhuc qesimiyec; Miŋ Kewu, ic embac efefia dac humucac buŋa igucnec aŋgéŋ tiénécmimac me? Imuhuc zéyu melemma zéyec; <sup>24</sup>Énézéwa niŋgic, embiŋ zé waŋgic ionac murunec sasalanéŋ meselimuac séc qahac wammac, imuac niŋac nagu komoraiguc embiŋ zé seliseli wammu. <sup>25</sup>Ama miŋinanéŋ yacma nagu héiyuguc ini séŋgaŋgeŋ namma nagu imi qema Miŋ Kewu nagu aunénécmina zégic, inéŋ melemma yomuhuc énézémac; Ini dimuacnec imi ni ménda niŋénécmizua. <sup>26</sup>Imuhuc zéyu ini yomuhuc hénima zému; Nini wéségaiguc nene zéma kuluŋ neyiŋ. Waŋu gi nonac ama areŋ imuac hena yandaiguc ackuažéc ku nénécminec. <sup>27</sup>Zégic inéŋ yomuhuc énézémac; Ni imi ini dimuacnec imi ménda niŋénécmizua. Biria meme ic ini moczoŋ néŋgacgic. <sup>28</sup>Yesunéŋ toroqema zéyec; Abaraham, Isaka, Yakop zéma Anutuac tiliŋ tiliŋ ic moczoŋ Anutuac héŋgaleŋ ama areŋa yanda imuaru kecgic inicmu, inicma duŋa liliŋgéma héŋgic ini eŋaoc imi nesi énécmimia waŋu séŋgaŋgeŋ hiŋgacma imuaru zésiacya yanda wamma zécgina aric aric kima tacmu. <sup>29</sup>Waŋu ic embac eneŋ baec waŋgoŋa

<sup>1</sup> 13:21 Girik aciguc; Sata haréwéc imi 22 lita zézéya.

kemboŋ qahac imuacnec hama Anutuac héngalen ama areŋa yandaiguc tacma nene nemu. <sup>30</sup>Ninzu, andu tosananéŋ walac wammu, waŋu walac tosananéŋ andu wammu.

<sup>31</sup>Waŋu nalé imuaru Farisaio ic tosananéŋ hama Yesu ézégic; Hiŋgacma ama areŋ yomi waima kembésémaŋ. Herodenéŋ gi gumaŋac zé wanzac. <sup>32</sup>Imuhuc zégic melemma zéyec; Kemma haséŋ kazu imi yomuhuc ézégic; Ni deguc zéma oraŋ uŋa biria nesi énécmima hafigina mehiaru énécmimaguc weruguc<sup>m</sup> imi aina moczoŋ metecgémaŋ. <sup>33</sup>Néŋ Anutuac tilij tilij icnéŋ Yerusalem imuac séŋgaŋgeŋiguc humumacac séc qahac. Imuac ni deguc, oraŋ zéma weru imi hénana zénéŋec imi kileŋdac tima kemmaŋac hezac. <sup>34</sup>Yerusalem, Yerusalem, Anutuac tilij tilij ic unuma onac muru méli énécmimia hocnéŋ unuanzaŋ. Kuruc neŋgocyanéŋ qeŋgaŋa bawaiguc eŋeya merachéra tiŋzoŋo énécmianzac éscnec ni guac nambérac hécgca tocgé énécmimaŋ zé aina mewa hatac dahec wanzac? Néŋ ini imuac ménda waŋaŋgic. <sup>35</sup>Héŋgic amagina imi kisi wammac. Énézéwa niŋgic, ini ni ménda némma kecgicnec nalé ménŋ hayu ini yomuhuc zéma legic héinémmu; Miŋ Kewuac qaraiguc hahaya imi mériaŋguc.<sup>n</sup>

#### Yesunéŋ Farisaio ic ménŋac amaiguc emma tarec.

**14** <sup>1</sup>Yesunéŋ Sabata ménŋiguc Farisaio ic galeŋgina ménŋac amayaiguc nene nemaŋ zéma eŋec. Eŋu tosananéŋ Yesuac awima naŋgic.

<sup>2</sup>Waŋu ninzu, imuaru iwac wésiaiguc ic ménŋ nénémériŋ hiŋjimimia ménŋ tarec. <sup>3</sup>Yesunéŋ Farisaio ic qesiénécmima zéyec; Sabataiguc haŋi mehiaru énécmimia imi niŋgic hia wanzac me qahac? <sup>4</sup>Imuhuc zéyu ieneŋ acgina qaiyu tackegic, Yesunéŋ ic imi késa osimima mehiaruma méliyu keŋec. <sup>5</sup>Keŋu Yesunéŋ ac bakia melemma yomuhuc zéyec; Sucginaiguc ménŋnéŋ Sabataiguc naŋa me burumakaoyanéŋ baec séséŋiguc hiŋgaczaciguc ménda héréyu érémac me? <sup>6</sup>Imuhuc qesiyu ieneŋ ac bakia melemmuac séc qahac waŋec.

<sup>7</sup>Héihéré énécmimia eneŋ tatac eŋeŋa késa tacgic inicma séséc ac yomuhuc énézéyec; <sup>8</sup>Ménŋnéŋ zammaréŋac ségiségiiguc héihéré énécmiyu kemmuiguc tatac eŋeŋaiguc ménda tacmu. Ic kuneŋ gi gogiczac ménŋ héihéré miyu hawac niŋac. <sup>9</sup>Hamaciguc miŋina gi zéma i héihéré érécmiyec iminéŋ hama tatacga imi ic yomuac wai miwésémaŋ zéma gézéyu imuaru gi gamuga nimma tatac tetecgia hezac imuaru kemma tacbaŋ niŋac. <sup>10</sup>Imuac héihéré géŋu kemma tatac tetecgiaiguc hezac imuaru tacbésémaŋ. Imuhuc wanna ic héihéré géŋec iminéŋ hama guac zéma alana eri emma tacna zéyu momacnec tacgic ionac kicginaiguc eebipigaguc wambésémaŋ. <sup>11</sup>Ménŋnéŋ ménŋ eŋeyaoc mepési amuyu

<sup>m</sup> 13:32 Ac yomuac hénia ménŋ imi nalé ménda horugiyu. <sup>n</sup> 13:35 Leg 118:26

memamimac. Waŋu mēŋnēŋ mēŋ eŋeyaoc memaamuyu meemmimac. <sup>12</sup>Waŋu miŋina Yesu héihéré miyec iwac yomuhuc ézéyec; Gi gau komoc me mariaiguc nene gumu énécmimaŋ zé alahécga, dac munahécga, sac kitichécga, zéma soukiwa ic ménda héihéré énécmiwésémaŋ. Imuhuc wambaŋnec ieneŋ imuhucyanec héihéré géŋgic bakia guac lilingéyu késawaŋ niŋac. <sup>13</sup>Imuac ségiségi hai énécmimaŋ zé maqeqeya, hēna mēria séléc sélécgia, puriŋ zéma kichilic ionac héihéré énécmiwésémaŋ. <sup>14</sup>Imuhuc wambésémaŋiguc ieneŋ bakia melené gémmuac séc qahac wammac. Imuac niŋ gi zézé ségiségigaguc wambésémaŋ. Waŋu kecma ic solaŋa ionac yacyac naléiguc bakia melenéŋu mewésémaŋ.

### Ségiségi ariacwac séséc ac.

<sup>15</sup>Imuhuc zéyu momacnec tacgic sugina igucnec mēŋnēŋ ac imi nimma yomuhuc zéyec; Anutuac hēŋgaleŋ ama areŋa yandaiguc nene nemu imi eneŋ ségiségi mihiçŋi énécmimia wammac. <sup>16</sup>Imuhuc zéyu Yesunēŋ yomuhuc zéyec; Ic mēŋnēŋ nene yanda gumu énécmimaŋ zé ic embac sasala héihéré énécmiyec. <sup>17</sup>Waŋu imuac naléya ducŋiyu héihéré énécmimia ionac muru welené qeqe icya mélimiyu kemma yomuhuc énézéyec; Hagic iwawai moczoŋ mēzézēŋ gédacziŋ. <sup>18</sup>Waŋu ic embac moczoŋ yomuhucyanec hēnima héikené zé héihazé wandacgic. Ic walac walacnéŋ yomuhuc zéyec; Ni erac héihimic baec mēŋ boŋ mezua. Zéwelec énécmizua, waina kemma ai imi hēmmaŋ zé wanŋua. <sup>19</sup>Waŋu mēŋnēŋ yomuhuc zéyec; Ni imi ai memeac burumakao iwa 10 boŋ mezua. Imuac kemma ai hia mezu me qahac batucgé énécmimaŋ zé wanŋua. Imuac bēnzēŋdac niŋnēna. <sup>20</sup>Waŋu ic mēŋnēŋ yomuhuc zéyec; Ni embacna degucmi mezua imuac hamaŋac séc qahac wanŋac. <sup>21</sup>Imuhuc zégic welené qeqe icnéŋ lilingéma hama miŋgina ézéma hicŋiyec séc ézéyu nimma qeri biric nimma welené qeqe icya yomuhuc ézéyec; Focdac tauŋ imuac hēna yanda zéma hēna komora séc kemma ic maqeqeya zéma hēna méragina séléc sélécgia zéma kichilic zéma puriŋ keczu séc onagicma hamu. <sup>22</sup>Waŋu welené qeqe ic inēŋ zéyec séc wandacma yomuhuc ézéyec; Miŋna zézaŋ éséc wandaczua waŋu tatak imi sasala hezacnec. <sup>23</sup>Zéyu ézéyec; Hēna séra tosara zéma deminé giŋgiŋa séc kemma ic embac qeriganēŋ moczoŋ héihéré énécmima amana imi kuaya qemu. <sup>24</sup>Ni gézēwa ninna, bec nec héihéré énécmiyi ionarunec mēŋnēŋ mēŋ nuac ohaihaina imi mēŋ ménda batucgéma nemac.

### Yesuac tohotoho ic ionac haka silicgina.

<sup>25</sup>Ic tuŋ yandanēŋ Yesu méndacmima keŋgic Yesunēŋ ionac lilingéma yomuhuc énézéyec; <sup>26</sup>Mēŋnēŋ mēŋ nuac muru hama imi eŋeya neŋgoc maŋgocya, iniŋ merachéra, dac munahéra, nauŋhéra zéma eŋeya kekec imi momacnec hazéc ménda waŋ énécmimac iguc imi nuac tohotoho

ic wammacac séc qahac. <sup>27</sup>Méjnénj méj enjeya ic héjgeŋa wéndara imi ménda huama méndac némmac imi nuac tohotoho ic wammacac séc qahac. <sup>28</sup>Onarunec méjnénj galeŋ meme ama héjgeŋa horua méj memaŋac zé ninzaciguc inéj iwawai késakeczac iminéj ai imi moczoŋ metecgémacac sécyá wanzac me qahac imi niŋgésimaŋ zé walac soukiwa ménda tacma oloŋnimmac me? <sup>29</sup>Imuhuc niŋgési ménda wamma hénia sac meyacgéma metecgémacac séc qahac waŋu ic embac enej hémma yomuhuc zédesi wammiwu niŋac; <sup>30</sup>Ic yomi amaya meyacgémaŋ zé aiya héniyec, néj metecgémacac séc qahac waŋec. <sup>31</sup>Waŋu ic kewu méjnénj ic kewu méj qemaŋ zé yaréiguc kemmaŋ zéma walac tacma yaré ichéra 10 tauseŋ iminéj hazécya yaré ichéra 20 tauseŋaguc hazac imi hia qemaŋac séc me qahac zéma ménda niŋgésimac me? <sup>32</sup>Waŋu niŋu ménda sécgéyu hazécya lakec hamanec naŋu kua meme ic mélimima luae qemaoc niŋac welecmmimac. <sup>33</sup>Imuhucyanec onarunec méjnénj iwawaiya moczoŋ ménda waimaciguc nuac tohotoho ic wammac ac séc qahac.

<sup>34</sup>Sei imi iwawai qacguc, néj siŋa qahac waŋu némacnéj mindiŋigic siŋaguc wammac? <sup>35</sup>Imi mia baec aiiguc me guwec qahaiguc haimuac séc qahac waŋu giligic kendacmac. Gezacŋinaguc ieneŋ ac imi nimmu.

#### Rama sohosohoya imuac qepaiŋ acya.

**15** <sup>1</sup>Takis meme ic zéma biria meme ic enej moczoŋ ackuazéc nimbiŋ zéma hosucgémiŋic. <sup>2</sup>Waŋu Farisaio ic zéma hénia acac kiwi ic enej andé lukuc qema yomuhuc zégic; Biria meme ic héihéré énécmima iniguc momacnec nene nezac. <sup>3</sup>Zégic Yesunéj qepaiŋ ac yomuhuc énézéyec; <sup>4</sup>Onarunec mérénéj rama 100 késa keru sugina igucnec méjnénj sohozaciguc, 99 imi qézézac baeciguc wai énécmima momacguc sohozac imuac mihicŋimacac séc ménda kemma hocmac me? <sup>5</sup>Waŋu mihicŋimaciguc ségiségi wamma huama hamac. <sup>6</sup>Waŋu amaiguc hama alahéra zéma ama areŋ momachéra héihéré énécmima yomuhuc zémac; Ramana méj sohoyu mihicŋizua. Imuac niguc ségiségi wanni. <sup>7</sup>Énézéwa niŋgic, imuhucyanec biria meme ic méjnénj ewaya meleŋu kurumenjiguc ségiségi kuneŋ yanda hicŋimac. Waŋu ségiségi iminéj ic solaŋa 99 ewa qerigina melemmuac ménda hezac ionac niŋ ségiségi waŋanŋu imi ogicmac.

<sup>8</sup>Embac méŋac muru soukiwa 10<sup>o</sup> hemiyu sugina igucnec méj sohozaciguc mihicŋimaŋac zéma kifa otorima ama usuŋma ménda hocma kecmac me? Imuhuc wamma keŋkecma mihicŋimaguc hochoc ai imi waimac. <sup>9</sup>Mihicŋizaciguc alahéra zéma ama areŋ momachéra

---

o 15:8 Girik aciguc; 10 Dirakima, 1 Dirakima imi ic méŋac ai meme méŋac ai boŋawac séha, néj ic méjnénj embacya memaŋac zé 10 Dirakima hésaiguc qererema miŋgic. Imuac soukiwa yomi imi soukiwa eŋomia qahac.

héihéré énécmima, Niguc ségiségi wannī, ni siliwa soukiwa momacguc sohoyu hocma mihicņizua, zéma énézémac. <sup>10</sup>Énézéwa niņgic, hénia imuhucyanec biria meme ic méņnéņ ewaya melenų Anutuac kua meme uņa ionaru ségiségi yanda hicņi énécmimac.

<sup>11</sup>Imuhuc zéma Yesunéņ muņguc toroqema zéyec; Ic méņaru naņhéréra keroc. <sup>12</sup>Keric munianéņ maņgocya yomuhuc ézéyec; Maņgoc, guac iwawaiga imuarunec nuac buņa hezac imi néna. Imuhuc zéyu maņgocyanéņ iwawai imi méndémma érécmiyec. <sup>13</sup>Waņų ai meme sasala ménda keņų munayanéņ iwawai moczoņ haima soukiwaya mema baec méņiguc lakec kemma imuaru kaiziliweņ wamma iwawaiya imi moczoņ eņdac sicsaoc gilidarec. <sup>14</sup>Gilidaru qahac waņų baec imuaru béti yanda hicņiyec. Hicņiyu inéņ maqeqeya wamma iwawai niņac wamma horec. <sup>15</sup>Hocma ama areņa yanda imuac miņina ionarunec méņac muru qékétama keru inéņ ic imi beric galenģé énécmimac niņac baec kisiaiguc mélimiyu keņec. <sup>16</sup>Kemma nene beric eneņ neaņgic<sup>p</sup> imi neyu tomeņa hélaguc wammac niņac niņec. Waņų méņnéņ méņ iwawai méņ ménda miyec. <sup>17</sup>Imuac ewaya melemma yomuhuc niņec; Maņgocnawac ai ichéra imi daheac séc sasala kecma nene negic sécgé énécmiyu saméņaguc heaņzac, waņų ni you béti wamma humumaņ zé wanżua. <sup>18</sup>Ni yacma maņgocnawac kemma yomuhuc ézémaņ; Maņgoc ni kurumeņ<sup>q</sup> zéma guac kicgaiguc haka biria waņi. <sup>19</sup>Degucmuacnec hénima guac naņga zénémnuac séc ménda wanżua, imuac nuac niņ ninna soukiwa ai icga wammaņ. <sup>20</sup>Imuhuc zéma nimma inéņ yacma maņgocyawac muru liliņgéma keņec. Kemma lakec hama naņunec maņgocyanéņ i héņteģicma wéséniniņ wamma usuņnec kemma ewayaiguc giliyu meyu tétécgéma kiric nemiyec. <sup>21</sup>Kiric nemiyu naņanéņ yomuhuc Maņgoc ézéyec; Ni kurumeņ zéma maņgocna guac muru késpedes mihicņiyi. Deguc muacnec nuac niņ guac naņga zénémbésémaņac séc ménda wanżac. <sup>22</sup>Imuhuc ac zéyec. Waņų maņgocyanéņ welenų qeqe ichéra yomuhuc énézéyec; Maleku hiabia mema hama héimima méria merawaiguc bineņ haimima hena usuya héimigic. <sup>23</sup>Waņų kemma burumakao merawa halécyaguc méņ héréma hama qegic oma nema ségiségi wannī. <sup>24</sup>Naņna yomi humuyec, néņ qelizac, waņų sohoyec, néņ hicņinénzac imuhuc zéyu, nimma ségiségi waņgic.

<sup>25</sup>Waņų méréc merac naņanéņ aiiguc kecma liliņgéma hama ama hosuraiguc hama legic hirigic imuac hétéņa niņec. <sup>26</sup>Nimma welenų qeqe ic méņac qaru hayu qesimiyec; Haka wanżu imi némac niņ? <sup>27</sup>Qesiyu yomuhuc melemma zéyec; Guac munaganéņ yaņ hafi qahac, néņ hia liliņgéma hayu maņgocganéņ burumakao merawa halécyaguc méņ

<sup>p</sup> 15:16 Žipilalec aciguc; Carob icac gocmia neyec. <sup>q</sup> 15:18 Anutu kurumeņiguc kecaņzac iwac mia imuhuc zéaņzu.

qezac. <sup>28</sup>Imuhuc zéyu inéŋ qeri biric wamma ménda emmaŋ zé waŋu maŋgocyanéŋ mama zéwelecmiyec. <sup>29</sup>Waŋu inéŋ melemma maŋgocya yomuhuc ézéyec; Ni yawuŋ sasala welen qegémma guac kuaga tohoma kecanza, néŋ nuac imi ala hécna iniguc aria mewiŋ niŋac noniŋ merawa méŋ méndadac nénec. <sup>30</sup>Waŋu naŋga yomi guac iwawaiga mema kemma héná yanda embac iniguc nedacma lilingéyu iwac niŋ wamma burumakao merawa halécyaguc méŋ qezac. <sup>31</sup>Imuhuc zéyu maŋgocyanéŋ yomuhuc zéyec; Gi imi nalé séc niguc kecanzaŋ imuac nuac iwawai imi moczoŋ guac wanza. <sup>32</sup>Waŋu guac munaga yominéŋ humuyec, néŋ qelizac. Sohoyec, néŋ hicŋi nénzac. Imuac neŋaŋ zézé ségiségi wamma ariac wambiŋac hezac.

### Ama galeŋ biriawac qepaiŋ acya.

**16** <sup>1</sup>Yesunéŋ tohotoho ichéra yomuhuc énézéyec; Ic soukiwa yandayaguc méŋac ama galeŋa méŋ kerec. Waŋu ai ic iminéŋ miŋinawac iwawaiya eŋ auanza zégic miŋinanéŋ niŋec. <sup>2</sup>Nimma miŋinanéŋ ic imi héihéré mima ézéyec; Guac ac zégic ninzua imi némac ac? Ama galeŋ ai imi muŋguc ménda mewésémaŋ, imuac ai dimuhuc galeŋ menec imuac hénia imi oma néna. <sup>3</sup>Imuhuc zéyu ama galeŋa imi qerianéŋ yomuhuc niŋec; Miŋnanéŋ ama galeŋ ai imi nuagiru dimuhuc wammaŋ? Usuŋna qahac imuac baec ésémaŋac séc qahac. Waŋu iwawai niŋac welecmaŋ zé gamuna ninzua. <sup>4</sup>Owec! Némacac wammaŋ imi niŋasarizua. Imuhuc wamba aina nuagicmac imuac andiaiguc ieneŋ eŋaŋ amaginaiguc ni héihéré némmu. <sup>5</sup>Inéŋ imuhuc zéma ic embac miŋinawac taséya he énécmizac séc unuruyu ic méŋ walac hayu yomuhuc qesimiyec; Guac muru miŋnawac taséya dahec hegénzac me? <sup>6</sup>Qesiyu zéyec; Oliwa hénéŋ baŋa yanda 100<sup>r</sup> meyi. Imuhuc zéyu zéyec; Focdac tacma you guac tasé kiwiga yomi mema 50 imi sac ona heyu. <sup>7</sup>Zéyu tecgéyu ic méŋac qesimiyec; Gi guac muru tasé dahec hezac? Qesiyu zéyec; Wit padi gésé yanda 100 meyi. Imuhuc zéyu zéyec; Gi tasé kiwiga yomi mema imuaru 800 sac ona hemac. <sup>8</sup>Miŋinanéŋ ama galeŋ biria iminéŋ ai imi imuhuc niŋtegic qinŋtegyaguc meyu mepésimiyec. Imuac, baec yomuac nambérac héra eneŋ baec yomuac asac mararaŋac nambérac héra onogicma eŋaŋ hicŋisai suginaiguc niŋtegic qinŋtegic ginaguc ai meanzu. <sup>9</sup>Imuac yomuhuc zéwa niŋgic; Baecac soukiwa iminéŋ alahécgina méra énécmigic baecac iwawai imi qahac wammac nalé imuaru kekec hémbénaŋa ama imuaru héihéré énécmimu. <sup>10</sup>Méŋnéŋ méŋ ai komodiawac hélaneŋc meanzac iminéŋ ai kuneŋ yandawac imuhucyanec hélaneŋc memac. Ai komodiawac ikoc ikoc waŋanzaŋac iminéŋ ai kuneŋ yandawac imuhucyanec ikoc ikoc wammac. <sup>11</sup>Ini baecac iwawai

<sup>r</sup> 16:6 800 galoŋ (3,000 lita) imuac séc.

méraginaiguc haigic hélanec ménda galeŋ géanŋuiguc mérénén iwawai héla méraginaiguc hai énécmimac? <sup>12</sup>Ini ic tosara ionac iwawai hélanec ménda galeŋ géanŋuiguc mérénén eŋaŋ buŋa énécmimac. <sup>13</sup>Weleŋqeŋe momacnéŋ miŋ kewu éréhéc weleŋ qeérécmimacac séc qahac. Imuhuc wammaciguc méŋac haŋéc wammima méŋac eeya héimimac. Waŋu méŋac niŋu eŋeŋa waŋu méŋac niŋu mamaya wammac. Imuac ini baecac iwawai zéma Anutu momacnec mepési érécmimuac séc qahac.

<sup>14</sup>Farisaio ic, soukiwa niŋac hémbaoc wawaŋa, ieneŋ imi moczoŋ nindacma desimigic. <sup>15</sup>Desimigic Yesunén yomuhuc énézéyec; Ini eŋaoc ic embac kicginaiguc mepési amuanŋu. Waŋu Anutunén ewa qerigina niŋzac. Waŋu ic embac sugginaiguc mepési énécmiyu eŋeŋa wanŋu, néŋ Anutuac kiwaiguc imi ewa loloŋaguc wammac. <sup>16</sup>Héna ac zéma Anutuac tiliŋ tiliŋ ic ionac naléya imi éréma Yohane hicŋiyu tecgéyec. Imuac andiaiguc éréma deguc Anutuac héŋgaleŋ ama areŋa yandawac buŋa suruc hiabia énézégic icya embacya imuaru seliseli wamma kereŋanŋu. <sup>17</sup>Baec kurumeŋ imi hia aulanŋémac, néŋ héna ac imi kiwi kiticya méŋ ménda qahac wamma hélaguc wandacmac. <sup>18</sup>Mérénén iniŋa waima embac méŋ mezac imi kaisero wanŋac. Mérénén embac waimimia imi mezac imi imuhucyanec kaisero wanŋac.

<sup>19</sup>Baec méŋu soukiwa ic méŋ kerec. Inén maleku qouc qoucŋia zéma maleku qara lineŋ hiabia imi héima naléya naléya kecec qaqla kecaŋec. <sup>20</sup>Waŋu soukiwa ic iwac deminac nagu andiaiguc welec welec ic méŋ kerec. Qara imi Lazaro. Waŋu inén wizi selianén kima hoturumiŋu imuaru heaŋec. <sup>21</sup>hema soukiwa ic iwac zae igucnec nene boporona mayu nemaŋ zé wamma heaŋec. Imuacnec sac qahac, kazu eneŋ acguc hama wiziya bézéaŋgic. <sup>22</sup>Waŋu keŋkecma welec welec ic imi humuyu kua meme uŋa eneŋ wagicma emma Abarahamac qéhéréŋaiguc opocŋic taru soukiwa ic imuhucyanec humuyu téŋgégic. <sup>23</sup>Inén humumia ionac baec dumuŋaiguc qenzeŋ manzeŋ nimma kiwa hima héŋu ou lakecneŋ Abaraham taru iwac qéhéréŋaiguc Lazaro taru irirec. <sup>24</sup>Iricma yomuhuc zéyec; Maŋocna Abaraham wéséga niŋnémma Lazaro mélina méria susurianén dokuiguc tinduŋgéma hama ezelaŋnaiguc héiyu saŋŋeŋ qeyu. Ni you geric bélaŋ qeriaiguc qenzeŋ manzeŋ yanda qezua. <sup>25</sup>Imuhuc zéyu Abarahamnén ézéyec; Merac, gi imi baeciguc kecec imuaru iwawai hiabia géŋu késa kecna, Lazaronén qenzeŋ manzeŋ qeriaiguc kerec imi niŋyacgésémaŋ. Deguc ic yomi ewaya mehiaru miyu taru gi imuaru imuhucyanec qenzeŋ manzeŋ qema keczaŋ. <sup>26</sup>Imi sac qahac, nini zéma ini sucninaiguc sia yanda haiyu hezac. Imuac niŋac yomuacnec imuaru kembiŋ zé wanŋu eneŋ kemmuac séc qahac. Waŋu imuacnec you hawiŋ zé wanŋu ieneŋ acguc hamuac séc qahac. <sup>27</sup>Imuhuc zéyu melemma zéyec; Imuhuc waŋu maŋoc welecgémba niŋnémma, Lazaro mélimina nena maŋocnawac amaiguc kemmac. <sup>28</sup>Ni dacmuna hécna méra méŋ

keczu imi énézémac. Qahac waŋu kecma qenzen manzeŋac geric sia yomuaru ieneŋ acguc hawu niŋac. <sup>29</sup>Imuhuc zéyu Abarahamnén zéyec; Ionac muru Moseac héna ac zéma Anutuac tiliŋ tiliŋ ic ionac kiwi téréya he énécmizac, waina imuac olongic nimmu. <sup>30</sup>Zéyu ara melemma zéyec; Imi qahac, maŋgoc Abaraham, humuc ic ionarunec méŋnén liliŋgéma kemma énézémaciguc kileŋdac nimma ewagina melemmu. <sup>31</sup>Imuhuc zéyu melemma zéyec; Mose zéma kua meme ic ionac kuagina ménda tohozuiguc humuc ic ionac murunec méŋnén qelima kemma hinocgé énécmimaciguc ménda ninzéngému.

### Haka birianén ainina mebirianzac.

**17** <sup>1</sup>Imuhuc zémaguc Yesunén tohotoho ichéra yomuhuc énézéyec; Manambatuc imi qahac wammacac séc qahac. Waŋu méŋnén mén manam batuc mihiŋi énécmianzac imi saecyaguc. <sup>2</sup>Nambéac komoc komoc yomuhucya sugina igucnec mén manam batuc wammima mebirimacac hezaciguc imuac bakia ménda mema hoc yanda déméŋaiguc zikimima nanŋémigic konduŋiguc hiŋgacmac iminén séc mén efefia wammac. <sup>3</sup>Imuac eŋaoc galeŋ meamumu. Guac ninzén ninzén dac munahécga ionarunec méŋnén késpedes waŋu ac zémimu. Waŋu ewaya melemmaciguc késpedesica imi waiwésémaŋ. <sup>4</sup>Kaiwe momacgucac qeriaiguc hatac 7 haka biria wamma guaru hatac 7 muŋguc muŋguc hama ewa qerina melenzua zéyu kileŋdac késpedesica imi waidacbésémaŋ. <sup>5</sup>Waŋu Yesunén imuhuc zéyu, Yesuac Méliméli ic ieneŋ Miŋ Kewu yomuhuc ézégic; Ninzén ninzénina meyandi nénécmiwésémaŋ. <sup>6</sup>Imuhuc zégic melemma zéyec; Ninzén ninzénina imi delaŋ gocmiawac sécyca komodia he énécmiyu, saŋsaŋ ic yomuac héréma kemma konduŋiguc hiŋgacma naŋna zéna iminén guac ac imuhuc bec tohowacnec.

<sup>7</sup>Weleŋ qeqe icga mén kinoŋnén baec ai éséanzac me rama galeŋgéanzac imuhucya késa keczuiguc onarunec mérénen ic imi ai igucnec liliŋgéma hayu hama hosucnu tacma nene newésémaŋ zéma ézémac me? <sup>8</sup>Qahac, imuhuc ménda zéma néwécgeŋac yomuhuc ézémac; Rikuŋga zikima nenena ohaima weleŋ qenéna. Gi imi ni newa tecgéyuguc newésémaŋ. <sup>9</sup>Waŋu weleŋ qeqe icnéŋ zézac séc tohoma waŋu, miŋinanén ewa hia ac wammimac me? Qahac imuhuc ménda wammac. <sup>10</sup>Imuhucyanec ini acguc ai zéénécmimia imi moczoŋ wandacmuiguc yomuhuc zédacmu; Nini imi weleŋ qeqe eŋomia. Nonac ai buŋa mewiŋac zézéya hezac imi mia meziŋ.

<sup>11</sup>Yesunén Yerusalem kemmaŋ zé Galilaia zéma Samaria baec sugiraiguc kejec. <sup>12</sup>Keŋkecma ama areŋ komora ménjiguc kereŋu wizi selia warihaguc ic méra éréhécnén Yesu mihiŋima lakec naŋgic. <sup>13</sup>Namma ewagina megic eŋu yomuhuc qacma zégic; Kiwi ic Yesu, nonac niŋ wéséga waŋu! <sup>14</sup>Zégic inicma énézéyec; Ini kemma séwigina hofac



oo ic énézégic hémmu. Imuhuc zéyu nimma kemma hénaiyuc solaŋa wandacgic. <sup>15</sup> Waŋu ionarunec méŋnén hiaryuc imi hémma lilingéma ewaya kuney yandanec meyacma Anutu mepé qepési waŋ mimanec hayec. <sup>16</sup> Hama Yesuac hénayaiguc mama sigéma pakaya baeciguc héima ewa hia ac ézéyec. Waŋu ic imi Samaria ic. <sup>17</sup> Waŋu Yesunén qesimima zéyec; Ic 10 moczoŋ hiaruzu, néŋ ic 9 imi dimia? <sup>18</sup> Ic enia yomi qahac waŋu Anutu mepésimaŋ zé méŋnén mén ménda hayu hénzua. <sup>19</sup> Imuhuc zéma ic imi yomuhuc ézéyec; Yacma kenna, guac ninzén ninzénŋanéŋ aŋgénŋa tizac.

<sup>20</sup> Farisaio ic tosaraneŋ Anutuac héŋgaleŋ ama areŋa yanda imi némac naléiguc hamac niŋac Yesu qesimigic, inén yomuhuc melemma zéyec; Anutuac héŋgaleŋ ama areŋa yanda imi héhéŋac séc ménda hamac. <sup>21</sup> Imuac you taczac me eri taczac imuhuc zéwiŋac séc qahac. Anutuac héŋgaleŋ ama areŋa yanda imi suginaiguc<sup>s</sup> taczac. <sup>22</sup> Imuhuc zéma toroqema tohotoho ichéra yomuhuc énézéyec; Nalé mén hayu ini Icac Naŋa iwac naléya momacgucdac hémbiŋ zé ewa ewa wammu, waŋu ménda hémmu. <sup>23</sup> Nalé imuaru ic embac eneŋ, Héŋgic you taczac. Héŋgic, eri taczac zému, néŋ ini ménda keŋ inicmu me ménda méndac énécmimu. <sup>24</sup> Piliticnéŋ asariyu kurumeŋac bawaiguc néwécnec néwéc moczoŋ asarianzac ésécnec Icac Naŋaneŋ naléyaiguc<sup>t</sup> imuhucyanec hayu héndacmu. <sup>25</sup> Waŋu inén walac walac qenzeŋ manzeŋ sasala hicŋimiyu niŋu nalé yomuac hicŋisainén andé qemimu. <sup>26</sup> Icac Naŋa iwac naléya hayu haka Noawac naléyaiguc hicŋiyec imuhucyanén hicŋimac. <sup>27</sup> Ic embac ieneŋ nene zéma doku selia siŋa nimma nema icnéŋ embac meyu embacnéŋ ic mema kecgic Noanéŋ zéic yanda qeriaiguc eŋec. Eŋu doku luma unuma hoturu énécmidarec. <sup>28</sup> Waŋu nalé imi imuhucyanec Lotac naléya ésécnec wammac. Lot kerec imuaru ic embac eneŋ nene zéma doku seli nema nénnagémba wamma iwawai himicma amagina megic. <sup>29</sup> Imuhuc memanec naŋgic, Lot inén Sodom ama areŋa imi waima keŋec kaiwe imuaru, kurumeŋ igucnec geric zéma salfanén kia yanda ésécnec mama unuyu qahac wandacgic. <sup>30</sup> Icac Naŋa hicŋimac nalé imuaru haka imuhucya hicŋimac. <sup>31</sup> Nalé imuaru ic méŋnén ama qahaiguc nammaciguc iwawai ama qeriaiguc hezac imi memaŋ zé ménda mama emmac. Ic mén aiiguc nanzac imi acguc iwawai mén niŋac ménda lilingéma kemmac. <sup>32</sup> Ini haka Lot iniŋawac muru hicŋiyec imi niŋyacgému. <sup>33</sup> Méŋnén mén eŋeya kekecy aŋgé timaŋ zé waŋu kekecy imi sohomac, néŋ méŋnén kekecy waimac iminéŋ kekecy aŋgé timac. <sup>34</sup> Énézéwa niŋgic, siŋi imuaru ic éréhécekawu gau heyc mén késama mén waimac. <sup>35</sup> Embac éréhécnén hoc hilaŋaneŋ wit gocmia hézézama

<sup>s</sup> 17:21 Me; qeriginaiguc. <sup>t</sup> 17:24 Kiwi méranén ooya tosaraiyuc; naléyaiguc imi ménda hezac.

taric méné késama méné waimac. <sup>36</sup>Ic éréhécnéné baec aiiguc kerac méné késama méné waimac. <sup>37</sup>Imuhuc zéyu qesimigic; Miñ Kewunina, imi baec dimuaru hicñimac? Wañu Yesunéné melemma zéyec; Qamoc hemac imuhucgen mia kunta tocgému.

### Zéwelecac qepain ac.

**18** <sup>1</sup>Nalé séc zéwelecma kucmama ménda wammu niñac Yesunéné qepain ac yomuhuc zéma énézéyec; <sup>2</sup>Ama areña yanda méñguc zégésigési ic méné kerec. Inéné Anutu ehéihéi ménda wammiañec. Wañu ic embac ionac imuhucyanec eegina ménda héiañec. <sup>3</sup>Wañu ama areña yanda imuaru embac malé méné kerec. Inéné hatac sasala gésigési ic iwac muru kemma yomuhuc zéma welecmañec; Héna aciguc zésolañima nuac hazécna kitiwa wammiwésémañ. <sup>4</sup>Imuhuc weleru suraiguc inéné ara nimmiañ niñ ménda wañec, néñ imuac tetecgiaiguc i eñeyaoc yomuhuc zéma niñec; Hélacnec, ni Anutuac niñac zénéñna ménda hirianzañ. Wañu ic embac ionac ehéihéi ménda wañ énécmianza. <sup>5</sup>Néné embac malé yomi zézé meme wañ néñanzañ imuac hazécyawac kitiwa memiwa muñguc ménda hama pipinémac. <sup>6</sup>Séséc ac imuhuc zéma Miñ Kewunéné énézéyec; Gésigési ic birianéné ac zézac imuac gezac qema niñgic. <sup>7</sup>Wañu Anutunina hiabianéné eñeya gési énécmimia eneñ siñiya siñiya kaiweya kaiweya qacma welecmic ménda niñénécmimac me? Inéné seli seli wamma hia qegetali wañ énécmimac me? <sup>8</sup>Énézéwa niñgic, inéné acgina focdac niñénécmimac. Wañu Icac Naña hamac imuaru inéné baeciguc ninzéné ninzéné komodia méné he énécmiyu hia inicmac me?

<sup>9</sup>Wañu ic embac eñañ haka niñac nimma dindiña zéma ninzénégéma ic embac tosara memaénéc mianzañ ionac niñ Yesunéné séséc ac yomuhuc énézéyec; <sup>10</sup>Ic éréhécnéné zéwelecbic zé ocmuñ téréyaiguc eñoc. Iorarunec méñnéñ Farisaio ic, wañu méñnéñ takis meme ic. <sup>11</sup>Farisaio ic iminéné namma eñeyawac yomuhuc zéma zéwelerec; Anutu, ni imi ic tosara ikoc wañ énécmima iwawai onagicanzañ imuhucya, me biria meme ic, me kaisero ic, me takis meme ic yomuhucya ésécnec qahac imuac niñ guac ewa hia ac gézézua. <sup>12</sup>Ni imi Sonda séc ai meme éréhéc nene zikima zéwelecanza. Wañu imi sac qahac iwawai mema méndémba 10 wañu suginaiguc momacguc imi guac buña zéma haigéñanza. <sup>13</sup>Wañu takis meme ic iminéné lakecnec namma kiwa hima Anutu hémmañ zé osima eñeya tétécya qema yomuhuc zéyec; Anutu wéséniniñ wañ néna ni imi késpedes ic. <sup>14</sup>Zéwa niñgic, méné eñeyawac mema eñu Anutunéné memamimac. Wañu méné eñeyawac mema mayu Anutunéné meemmimac. Héna imuac niñ Farisaio ic qahac, néñ takis meme ic iwac mia Anutunéné wésia nimmima solaña zéyu nimma liliñgéma keñec.

<sup>15</sup>Ic embac eneñ Yesunéné mérianéné osiénécmimac niñac merac komoc komoc onagicma hagic tohotoho ichéra eneñ zéqetali wañ énécmigic.

<sup>16</sup> Waŋu Yesunéŋ merac komoc komoc imi unuruyu hosuru hagic yomuhuc énézéyec; Waigic nambérac nuac muru hamu, ménda qetali énécmimu. Anutuac héŋgaleŋ ama areŋa yanda imi imuhucya ionac buŋa wanzac. <sup>17</sup>Ni hélacnec énézéwa niŋgic, méŋnéŋ Anutuac héŋgaleŋ ama areŋa yanda imi merac komocac séciguc ménda tétécgémaciguc imuaru emmacac séc qahac.

<sup>18</sup> Imuhuc zéyu galeŋ méŋnéŋ yomuhuc qesimiyec; Kiwi ic hiabia, ni néma haka wamma kekec hémbénaŋa imi mératéc késamaŋ? <sup>19</sup> Zéyu zéyec; Gi dimuhuc nuac niŋ hiabia zénénzaŋ? Tosara qahac, néŋ Anutu momacgucnéŋ sac hiabia wanzac. <sup>20</sup> Gi héna ac imi ninzaŋ, kaisero ménda wambésémaŋ, ic kekecy ménda qehumuwésémaŋ, kowu ménda mewésémaŋ, héipuc ac zémaŋ zé ikoc ac ménda zéwésémaŋ, neŋgoc maŋgocga eegira héiwésémaŋ.<sup>u</sup> Imuhuc hezac. <sup>21</sup> Imuhuc zéyu ara melemma zéyec; Imi mia ni komocna igucnec tohoanzua. <sup>22</sup> Imuhuc zéyu nimma Yesunéŋ yomuhuc zéyec; Haka hiabia momacgucnéŋ guaru ménda hezac. Kemma iwawai hegénzac imi moczoŋ haina boŋa géŋgic mema ic maqeqeya méndéŋ énécmi. Imuhuc wanna kurumeŋ amaiguc guac muru iwawai héla hiabia hegémmac. Imuhuc wammaguc hama ni méndacnéna. <sup>23</sup> Waŋu ic imi soukiwa zéma iwawai yéwéria hemiyu ackuažéc imi nimma ewa biric eŋeŋa waŋec.

<sup>24</sup> Imuhuc waŋu Yesunéŋ hémma ewa biric yanda wamma yomuhuc zéyec; Ic soukiwa zéma hinac yanda ginaguc eneŋ Anutuac héŋgaleŋ ama areŋa yandaiguc kerembiŋ zé niŋyéwéri. <sup>25</sup> Yaŋ yanda kamelenéŋ qodu kifajaiguc ogicma kemmac imuac nimba bénzéŋa wanzac. Waŋu ic soukiwa yandayagucnéŋ Anutuac ama yandaiguc keremmac imuac nimba séc méŋ ogicma yéwéria wanzac. <sup>26</sup> Waŋu ac imi niŋgic eneŋ yomuhuc melemma zégic; Imuhuc waŋu mérac késayu aŋgéŋ titi hia mihicŋimac? <sup>27</sup> Zégic zéyec; Haihaka ic eneŋ wamma memuac séc qahac imi Anutunéŋ hia wamma memacac séc. <sup>28</sup> Imuhuc zéyu Peteronéŋ yomuhuc melemma zéyec; Ninicna, nini iwawainina imi moczoŋ waima Miŋ Kewu gi méndac géŋanzŋ. <sup>29</sup> Imuhuc zéyu melemma zéyec; Ni hélacnec énézéwa niŋgic; Anutuac héŋgaleŋ ama areŋa yanda niŋac ama geric, me iniŋa, me dac muna, me neŋgoc maŋgocya, me nambérac héra wai énécmiyec imi <sup>30</sup> Baec yomuac naléyaiguc sasala mesaima miyu memac. Waŋu kecma ama baec hémbénaŋa hahaya imuaru kekec hémbénaŋa imi késamac.

<sup>31</sup> Yesunéŋ tohotoho ic 12 onagicma yomuhuc énézéyec; Niŋzu, nini Yerusalem kembŋ. Kenni iwawai Anutuac tiliŋ tiliŋ ic eneŋ Icac Naŋa niŋac ogic hezac imi moczoŋ hélaguc wandacmac. <sup>32</sup> Icac Naŋa ic enia ionac méraginaiguc opocgic gamu qeqe wammima zébirimima

<sup>u</sup> 18:20 Mmh 20:12, Hén 5:16-20

sépécgémimu. <sup>33</sup>Imuhuc wamma hihilocnéŋ qemaguc qehumugic ai meme haréwéc waŋu humuc igucnec qelima yacmac. <sup>34</sup>Imuhuc zéyu niŋgic, néŋ tohotoho ichéra eneŋ ac imuac hénia imi komodia méŋ ménda niŋasarigic. Imi mia musaŋgé énécmimia waŋu ac zéyec imi ménda niŋasarigic.

<sup>35</sup>Yesunéŋ Yeriko ama hosuraiguc hayu kic hilic méŋnéŋ hénaiŋuc iwawai niŋac welecma tarec. <sup>36</sup>Inéŋ ic tuŋ méŋ ogicma keŋgic hétéŋ nimma hénia qesiéncmiyec. <sup>37</sup>Qesiyu Nazarete Yesunéŋ hama kenzac imuhuc zégic niŋec. <sup>38</sup>Imuhuc zégic kic hilicnéŋ qacma zéyec; Dawidiac qeli Yesu, gi nuac niŋ ewa biric wanna. <sup>39</sup>Imuhuc waŋu, ic tosara walac walac keŋgic eneŋ ic imi qetalimima ac waima tacmac niŋac ézégic. Waŋu inéŋ muŋguc yanda qacma, Dawidiac qeli, gi nuac niŋ ewa biric wanna! zéyec. <sup>40</sup>Qaru Yesunéŋ namma wagicma hamu niŋac énézéyec. Waŋu inéŋ hosuraiguc hayu qesimiyec. <sup>41</sup>Némac iwawai waŋgémmaŋ niŋac wanzaŋ? Zéyu zéyec; Miŋ Kewu ni kicna hima hémmaŋ zé wanza. <sup>42</sup>Zéyu Yesunéŋ ézéyec; Hémma, guac ninzéŋ ninzéŋganéŋ gi mehiaru génzac. <sup>43</sup>Imuhuc zéyu focnec kiwa hima héŋec. Hémma Anutu mepésima Yesu méndacmiyu ic embac moczoŋ haka imi hémma Anutu mepésimigic.

### Takis meme ic Zakaio.

**19** <sup>1</sup>Yesunéŋ Yeriko ama areŋa keremma ogicma keŋec. <sup>2</sup>Waŋu imuaru ic méŋ kerec, qara imi Zakaio. Ic imi takis meme ic kiwagina kerec. Waŋu ic imi hinac yandayaguc. <sup>3</sup>Inéŋ Yesu imi méré zéma kic tanera hémmaŋ zé waŋec. Waŋu ic imi ic hotoŋadac, imuac niŋac ic embac sasala naŋgic hémmacac séc qahac waŋec. <sup>4</sup>Waŋu inéŋ hémmaŋ zéma usuŋnec kemma hénia Yesu hama kemmac imuaru saŋsaŋ ic méŋ naŋu imuac qahaiguc eŋec. <sup>5</sup>Eŋu Yesunéŋ imuaru hama kiwa hiyu eŋu hémma ézéyec; Zakaio, focdac mama hana ni deguc guac amagaiguc giguc tacbic. <sup>6</sup>Imuhuc zéyu inéŋ focdac mama hama ségiségi wamma wagiru keŋoc. <sup>7</sup>Ic embac tosananéŋ iricma andéluku ac yomuhuc zégic; Inéŋ biria meme ic iwac amaiguc tachiarumaŋ zé enzac. <sup>8</sup>Waŋu Zakaionéŋ namma Miŋ Kewu yomuhuc ézéyec; Miŋ Kewu ninzaŋ, nuac iwawaina imi sura igucnec hésémma bakia imi ic maqeqeya énécmimaŋ. Ni méŋac muru iwawai méŋ ikoc waŋ énécmima wagiriiguc iwawai wagicma késayi imuac sécyu kemboŋ qahac mesaima meleŋ mimaŋ. <sup>9</sup>Zéyu nimma Yesunéŋ yomuhuc zéyec; Ic yomi acguc Abarahamac qeli wanzac imuac niŋ deguc aŋgéŋ tiéncmimia imi ama yomuaru hicŋizac. <sup>10</sup>Icac Naŋa imi ic soho sohoya hocma mihicŋima mehiarumaŋ zé hayi.

<sup>11</sup>Ic embac ieneŋ ac imi nimma yomuhuc zéma niŋgic; Yesu imi Yerusalem hazac imuac Anutuac héŋgaleŋ ama areŋa yanda deguc mihicŋi nénécmimac. Waŋu imuhuc niŋgic, séséc ac yomuhuc toroqema

énézéyec; <sup>12</sup>Ic eņeņa méņņeņ ic kewuac qac buņa mema hamaņ zéma buņa memeac baec lakec heyec imuaru keņec. <sup>13</sup>Nalé imuaru welen qeqe ichéra méra éréhéc unuruma siliwa soukiwa 10 énécmima yomhuc zéyec; Soukiwa yominéņ nénnagémba ai galeņgéma memanec kecgic ni liliņgéma hamaņ. <sup>14</sup>Waņu ic embachéra ieneņ hazéc wammima kua meme ic méņ mélimigic andiaiguc méndacmima kemma yomuhuc ézéyec; Nini imi ic yominéņ ic kewu waņ nénécmimac niņac ménda wanziņ. <sup>15</sup>Waņu tinduc ic eņeņa imi ic kewu kumumigic kuc buņa mema liliņgéma hama siliwa énécmiyu késagic imi eneņ mesaisai ai dimuhuc megic imi hémmaņ zéma unuruyec. <sup>16</sup>Héihéré énécmiyu ic méņ walac hayec iminéņ yomuhuc zéyec; Miņ Kewu guac siliwa momacguc iminéņ mesaiwa 10 wanzac. <sup>17</sup>Zéyu miņinanéņ zéyec; Hia wannec! Welen qeqe hiabia, geņ ai komodia imi ewaga hélanéņ menec imuac ai memeac qac buņaga gémba ama areņa yanda 10 galeņgéwésémaņ. <sup>18</sup>Zéyu tecgéyu andunéņ hama zéyec; Miņ Kewu guac siliwa momacgucnéņ mesaiwa 5 wanzac. <sup>19</sup>Imuhuc zéyu miņinanéņ iwac imuhucyanec, Ama areņa yanda 5 galeņgéna zéma ézéyec. <sup>20</sup>Waņu ic méņņeņ hama yomuhuc zéyec; Miņ Kewu, guac siliwa momacguc imi you, ni usunéņ osowa heyec. <sup>21</sup>Imi mia gi ic qeri gericgaguc imuac niņ ni zénénna hiriyu imuhuc waņi. Gi imi ménda hainecac meanzaņ. Waņu ménda himicnecac metocgo waņanzaņ. <sup>22</sup>Imuhuc zéyu miņinanéņ zéyec; Welen qeqe biria ni geņga acga iminéņnec ac waņgémmaņ. Gi imi nuac ninna neņ ménda haima mema ménda himicma metocgoanza me? <sup>23</sup>Imuhuc ninneciguc némac niņac nuac siliwa imi hofi amaiguc ménda hainec? Gi imuhuc wambaņnec ni hama siliwa imi imuac héla kosiaguc mewinec. <sup>24</sup>Imuhuc zéma ic tosara iwac qéhéréņaiguc naņgic ionac yomuhuc énézéyec; Siliwa momacguc imi wagicma ic siliwa 10 késa keczac iwac migic késamac. <sup>25</sup>Imuhuc zéyu melemma zégic; Miņ Kewu, iwac muru imi bec siliwa 10 hezac. <sup>26</sup>Ni énézéwa niņgic, iwawai késa keczac iwac imi muņguc yanda miyu késamac. Waņu iwawai ménda késa keczac iwac imi komocdia késa keczac imi acguc wagiru qahac wammac. <sup>27</sup>Imuhuc zéma énézéyec; Waņu hazéchécna ni ic kewuac buņa memaņ niņac ménda waņgic imi onagicma you hama kicnaiguc unuhumugic.

### Yesunéņ doņkiiguc Yerusalem ekeņec.

<sup>28</sup>Yesunéņ ac imuhuc zéyu tecgéyu Yerusalem kemmaņac zé walac mema ekeņec. <sup>29</sup>Yesunéņ baec boņa qara Oliwa imuaru Betfage zéma Betania ama hosucgiraiguc kemma tohotoho ichéra sugginaiguc éréhéc méli érécmima yomuhuc érézéyec; <sup>30</sup>Ama areņ wéségiraiguc taczac imuaru keņic. Kemma kereņic doņki merawa ic méņņeņ qahaiguc ménda emma tarec imi qatégic naņu hémmaoc. Hémma imi hulacma wagicma hamaoc. <sup>31</sup>Ic méņņeņ némac niņ hulaczaoc zéma qesi érécmimaciguc

yomuhuc melemmaoc; Miñ Kewunéj imuac wanʒac. <sup>32</sup> Wanju méli érécmimia ienej kemma zéyec séc mihicñiyoc. <sup>33</sup> Mihicñima doñki merawa imi hularic imuac miñhéra ienej zégic; Némac niñ doñki merawa imi hulacʒaoc? <sup>34</sup> Zégic melemma zéyoc; Miñ Kewunéj imuac niñ wanʒac. <sup>35</sup> Imuhuc zéma doñki imi héréma hama malekugira imuac qahaiguc haima Yesu ézéyic emma tarec. <sup>36</sup> Tacma keñu tohotoho ichéra enej walac andu kemma malekugina hetecgéma héna yandaiguc lémbécgic keñec.

<sup>37</sup> Oliwa boñaguc haréma héna hiñgac hiñgara imuac hosuraiguc keñu tohotoho ichéra ienej moczoñ kiwi baec icnéj ménda memeya sasala meyu héngic imuac niñac ségiségi wamma qacma Anutu mepésimigic. <sup>38</sup> Mepésima yomuhuc zégic; Miñ Kewuac qac buña mema hazac,<sup>v</sup> ic kewu imi ségiségiyaguc. Ou kurumeñiguc luae hezac, ou eñeñaguc edamuya hezac. <sup>39</sup> Imuhuc zégic tuñ ionarunec Farisaio ic tosaraneñ Yesu yomuhuc ézégic; Kiwi ic guac tohotoho ichécga qetali énécmima. <sup>40</sup> Zégic melemma zéyec; Ic embac imi enej acgina qaiyu kecgic, hoc sasala yominéj imuhuc qacmu.

<sup>41</sup> Wanju Yesunéj Yerusalem hosuru hama ama areña yanda imi hémma siarec. <sup>42</sup> Siacma yomuhuc zéyec; Gi nalé yomuac luaeac iwawai héñ tegicbañnec hia wambacnec, kicga hilicgéyu musangé géñgéñawac hezac. <sup>43</sup> Nalé ducñiyu guac hazéchécga ienej hama demij mema lelecgé géñgic imuac me imuac séc kembij zé osimu. <sup>44</sup> Deguc gi Anutu hahayawac nalé imi ménda niñtegicʒañ, imuac gi zéma guac nambérac hécga demijga qeriaiguc keczu imi gilicic mama unuyu hoc méñnéj hoc méñac qahaiguc ménda waigic tacmac.

#### Yesunéj ocmuñ téréyawac hénia zéau énécmiyec.

<sup>45</sup> Yesunéj ocmuñ téréyaguc emma nénnagémba ic imi moczoñ nesi énécmiyec. <sup>46</sup> Nesi énécmima yomuhuc énézéyec; Ac méñ yomuhuc ooyawac hezac; Nuac amana imi zéwelecac amaya wammac.<sup>w x</sup>

<sup>47</sup> Yesunéj kaiweya kaiweya ocmuñ téréyaguc actuazéc ku énécmiyu, hofac oo ic kiwagina ienej zéma héna acac kiwi ic ienej zéma ic embac ionac galeñ hécgina ienej Yesu imi qehumuwiñ zé héna niñac hohoc ai megic. <sup>48</sup> Wanju ic embac moczoñ lelecgémima gezacgina haima niñgic imuac niñ héna méñ ménda mihicñima osigic.

#### Yesuac qac buñaya imi dimuacnec zéma qesimigic.

**20** <sup>1</sup> Kaiwe méñgic Yesunéj ocmuñ téréyaguc ic embac buña suruc hiabia imi zéau énécmima ku énécmiyu hofac oo ic ionac

<sup>v</sup> 19:38 Leg 118:26   <sup>w</sup> 19:46 Yes 56:7   <sup>x</sup> 19:46 Yer 7:11 Wanju ini imuhuc wanʒic kowu nene ionac bañec ésécnec wanʒac.

kiwagina zéma héna acac kiwi ic ieneŋ qeriwac galeŋ iniguc hosuru hagic. <sup>2</sup>Hama yomuhuc zégic; Nénézéna ninni, gi haka imi némac qac buŋaiguc meanzaŋ? Méréneŋ qac buŋa imi géŋec? <sup>3</sup>Zégic melemma zéyec; Ni acguc qesiqesi ménŋ qesiwa ini walac melenŋ néŋgicguc. <sup>4</sup>Yohaneac doku naec haka imi dimuacnec hayec? Kurumeŋ igucnec me baec ic ionarunec? <sup>5</sup>Zéyu ieneŋ eŋaocnec eminimma zégic; Kurumeŋ igucnec zéwiŋiguc yomuhuc zémac; Imuhuc waŋu némac niŋ ic imi ménda ninzéŋgé migic? <sup>6</sup>Ic embac moczoŋ Yohaneac niŋ Anutuac kua meme ic zéma ninzéŋgézu imuac doku naec haka imi ic ionarunec zéwiŋiguc ieneŋ hocnéŋ nénérimu. <sup>7</sup>Imuhuc eminimma yomuhuc melemma zégic; Dimuarunec hayec imi nini ménda ninziŋ. <sup>8</sup>Imuhuc zégic Yesunéŋ yomuhuc zéyec; Ni acguc néma qac buŋaiguc ai imuhucya meanzua imi ménda énézémaŋ.

### Ai miŋina zéma soukiwa ai ic.

<sup>9</sup>Imuhuc zéma ic embac séséc ac yomuhuc énézéyec; Ic ménéŋéŋ waiŋ ai mema ai ic tosara soukiwa ai mema niŋac ac zikima ai buŋa qeénécmima baec ménŋiguc kemma nalé horua kerec. <sup>10</sup>Nalé ducŋiyu waiŋ ai imuac héla bakia migic memac niŋac welenŋ qeŋe icya ai ic ionac muru mélimiyec. Waŋu ai ic eneŋ welenŋ qeŋe ic imi yéwéria qema eŋ mélimigic liliŋgéyec. <sup>11</sup>Liliŋgéyu muŋguc welenŋ qeŋe ménŋ mélimiyu ic imi imuhucyanec yéwéria qema gamu qeŋe wammima eŋ mélimigic liliŋgéyec. <sup>12</sup>Liliŋgéyu muŋguc welenŋ qeŋe ménŋ mélimiyu hatac haréwéc waŋec. Waŋu ic imi imuhucyanec qema séwiya mebirima séŋganŋeŋ nesigic keŋec. <sup>13</sup>Imuhuc waŋgic waiŋ ai miŋinanéŋ yomuhuc zéma niŋec; Dimuhuc wammaŋ? Nuac naŋ sorocna yomi mélimaŋ. Ic yomi mia ehéihéi wammimu gezaŋ. <sup>14</sup>Waŋu ai ic ieneŋ ic imi hémma eŋacnec eminimma yomuhuc zégic; Ic yominéŋ mia kecma ai yomuac mératéc ic wammac imuac qehumuni iwac mératécya imi neŋaŋ mératécnina wammac. <sup>15</sup>Imuhuc zéma nesimigic waiŋ ai imuac séŋganŋeŋiguc keŋu imuaru qegic humuyec. Waŋu waiŋ ai imuac miŋinanéŋ dimuhuc waŋ énécmimac me? <sup>16</sup>Inéŋ hama ai ic imi moczoŋ unuhumuma waiŋ ai imi ai ic ménŋ énécmimac. Imuhuc zéyu ic embac ieneŋ nimma yomuhuc zégic; Haka imuhucya ménda hicŋiyu. <sup>17</sup>Yesunéŋ ic embac inicma yomuhuc zéyec; Imuhuc waŋu kiwi ooya yomuac hénia imi némac? Mericŋe ic ieneŋ hoc ménŋ héŋara mema giligic keŋkeŋa iminéŋ ama waŋgoŋaiguc ama imuac hoc oruha waŋec.<sup>y</sup> <sup>18</sup>Ménéŋéŋ ménŋ hoc imuac qahaiguc maŋeyu zéŋgédacmac. Waŋu hoc iminéŋ ic ménŋac qahaiguc mamac imi qototoriyu toma ésécnec wandacmac. <sup>19</sup>Imuhuc zéyu héna acac kiwi ic zéma hofac oo ic kiwa eneŋ ac imi eŋaŋ niŋac zéyec

imi niņasarima focdac késawin̄ zé waŋgic, néŋ ic embac ionac niņas zénéŋgina hiriyu waigic.

#### Takis haihaiyawac manam batuc.

<sup>20</sup>Imuac ieneŋ hosuraiguc galeŋ mema baec galeŋnéŋ galeŋgémac niņas iwac méra bawaiguc Yesu opocbiŋ zéma kic galeŋ meme ic méli énécmigic kemma ac késpedesiraguc méŋ zéyu mihicŋiwiŋ zéma ic héla ésécnec ikocgina hoturuma galeŋ megic. <sup>21</sup>Imuhuc wamma qesimima zégic; Kiwi ic, nini ninni, gi ic héla, ic séwi tanecginawac ménda héŋanzaŋ, waŋu Anutuac ac hélacnec ku énécmianzaŋ. <sup>22</sup>Nini Kaisawac takis mimia imi hia wawaŋawac séc me qahac? <sup>23</sup>Imuhuc zégic Yesunéŋ diwi qiwiliŋgina imi niŋtegicma yomuhuc zéyec; <sup>24</sup>Soukiwa momacguc nézégic hémba, mérac irec ogic hezac? Zéyu zégic; Kaisawac. <sup>25</sup>Zégic zéyec; Kaisawac buŋa imi Kaisawac mimu. Anutuac buŋa imi Anutuac haimimu. <sup>26</sup>Imuhuc zéyu ieneŋ ic embac kicginaiguc iwac késpedesira méŋ mihicŋimuac séc qahac waŋec. Waŋu iwac ac bakia niņas acgina qaiyu welicégic.

#### Humuc igucnec qelima yacbiŋ.

<sup>27</sup>Sadukaio ic ieneŋ humuc igucnec yayac imi ménda hezac zéma niŋzéŋ géaŋgic. Waŋu ionarunec tosranéŋ Yesuaru hagic. <sup>28</sup>Hama yomuhuc qesimigic; Kiwi ic Mosenéŋ kiwi yomuhuc oma nénécmiyec; Ic méŋac daranéŋ embac mema qeli qahac kecma humuyu ic iminéŋ<sup>z</sup> iwac qawéra<sup>a</sup> imi mema merac ic méŋ mihicŋiyu darawac buŋa wammac. <sup>29</sup>Waŋu ama areŋa méŋiguc dac muna 7 kecgcic. Kecma walacginanéŋ embac méŋ mema qeli qahac kecma humuyec. <sup>30</sup>Humuyu iwac andia zéma <sup>31</sup>andiawac andianéŋ embac imi meyec. Waŋu imuhucyanec wamma dac muna 7 imi moczoŋ qeligina qahac kecma humudacgic. <sup>32</sup>Waŋu imuac andiaiguc embac imi acguc humuyec. <sup>33</sup>Imuac 7 imi moczoŋ embac imi megic imuac yacyacwac naléiguc embac imi sugcina igucnec mérac iniŋa wammac? <sup>34</sup>Imuhuc zégic Yesunéŋ zéyec; Baecac hicŋisai eneŋ ic embac meamuanzu. <sup>35</sup>Waŋu ic embac ama baec hémbénaŋa hahayawac buŋahéra zéma humumia sugcina igucnec yacyawac buŋa qeénécmimia ieneŋ imi ic embac ménda meamumu. <sup>36</sup>Ieneŋ imi yacyarawac buŋa wamma Anutuac nambérac wamma kua meme uŋa ésécnec kecmu imuac muŋguc humumuac séc qahac. <sup>37</sup>Mose acguc ic hésa waiyaguc imuac suruc oma Miŋ Kewuninawac zéma Abarahamac Anutu, Isakawac Anutu, Yakopac Anutu imuhuc zéma humuc igucnec yacyac hezac imi nénézéyec.<sup>b</sup> <sup>38</sup>Hénia imi yomuhuc; Ic embac Anutuac muru keczu imi moczoŋ kekecginaguc. Imuac niŋ Anutu

<sup>z</sup> 20:28 Munianéŋ. <sup>a</sup> 20:28 Embac malé. <sup>b</sup> 20:37 Mmh 3:6



imi ic humumia ionac Anutu qahac, néŋ ic embac kekecginaguc ionac Anutu kecanzac. <sup>39</sup>Héna acac kiwi ic ionarunec tosaraneŋ yomuhuc zégic; Kiwi ic, ac zézanŋ imi hélacnec! <sup>40</sup>Waŋu ieneŋ iwawai méŋac ménŋ muŋguc qesimiwiŋ zé niŋyéwérigic.

<sup>41</sup>Waŋu Yesunéŋ ionac yomuhuc énézéyec; Dimuhuc ic embac eneŋ Kristoac niŋac Dawidiac qeli zéanzu? <sup>42</sup>Legiciguc Dawidi eŋeyaoc yomuhuc zéyec; Miŋ Kewunéŋ nuac Miŋ Kewuna yomuhuc ézéyec; <sup>43</sup>Gi nuac héinaiguc tacnanec hažéchécgá hénaŋawac duandiaiguc qutuláŋgé énécmiwa guac héna titiya wammu.<sup>c</sup> <sup>44</sup>Dawidinéŋ Kristoac niŋ Miŋ Kewuna zéyec imuac dimuhuc iwac qelihéra wammac?

<sup>45</sup>Imuhuc zémaguc ic embac moczoŋ nimma kecgic kicginaiguc Yesunéŋ tohotoho ichéra yomuhuc énézéyec; <sup>46</sup>Héna acac kiwi ic ionac niŋ técgina nimma kecmu. Ieneŋ imi maleku horua héima keŋha wammu niŋac waŋanzu. Waŋu nénnagémba sombeŋiguc yaizézé ac waŋ énécmigic nimmu niŋac waŋanzu. Waŋu tocgotocgo amaiguc zéma ségiségi ariaciguc tatac eŋeŋaiguc tacmu niŋac waŋanzu. <sup>47</sup>Ieneŋ embac malé ionac iwawai imi onagicma qécgéma ikocgina hoturu amuma zéwelecma ac horuanec zéanzu imuac niŋ bakiagina yéwéria énécmimac.

#### Embac malé méŋac seseyawac ara zéyec.

**21** <sup>1</sup>Yesunéŋ kic hima héŋu soukiwa sasala he énécmimia ieneŋ hama sese sokociguc sesegina haigic hiŋgarec. <sup>2</sup>Waŋu imuhucyanec embac malé maqeqeya méŋnéŋ hama soukiwa pésiha éréhéc haiyu hiŋgaru héŋec. <sup>3</sup>Hémma yomuhuc énézéyec; Hélacnec énézéwa niŋgic, Embac malé maqeqeya yominéŋ ic tosara onogicma kuney yanda haizac. <sup>4</sup>Tosia ieneŋ imi iwawai yanda he énécmiyu imuarunec mema haizu, néŋ embac malé yominéŋ mia kekecyawac komodia hemizac imi moczoŋ mema hama haidaczac.

#### Ocmuŋ téréyawac ara.

<sup>5</sup>Ic tosaraneŋ ocmuŋ téréya imi hémma baŋa howi howia kuney yanda hiabia imi zéma iwawai mezeric zerira Anutuac buŋawac haigic imuac welicgéma zégic. <sup>6</sup>Waŋu Yesunéŋ nimma yomuhuc zéyec; Nalé ménŋ ducŋiyu ocmuŋ téréya héŋzu imi moczoŋ netec qetecgéigic hoc méŋnéŋ hoc méŋac qahaiguc ménda hemac.

#### Yéwéri hahaya imuac ara.

<sup>7</sup>Imuhuc zéyu qesimigic; Kiwi ic, imuhuc zézanŋ duŋa némac naléiguc haka imuhucya hicŋimac? Waŋu haka imuhucya hicŋimaŋ zé néma séséc walac hicŋiyu hémma niŋtegičbiŋ? <sup>8</sup>Zégic zéyec; Ini manam batuciguc

<sup>c</sup> 20:43 Leg 110:1

ménda keremmu niñac técgina nimma kecmu. Ic sasalanéñ nuac qaciguc hama, Ni imi mia, nalé imi bec hosuru hazac, imuhuc zému, néñ ménda tohomu. <sup>9</sup>Yaré me qewelon yanda hicñizac zéma suruc zégic nimma zénéñgina ménda hirimac. Haka imuhucya walac hicñimacac hezac, néñ nalé tetecgia imi focdac ménda hamac. <sup>10</sup>Imuhuc zéma toroqema zéyec; Baec yanda méñac ic embacnéñ baec yanda méñac ic embac ionac, héñgaleñ ama areña yanda méñac ic embacnéñ héñgaleñ ama areña yanda méñac ic embac ionac unuwíñ zéma yacmu. <sup>11</sup>Baera baera nañ yanda zéma nene béti yanda zéma hafi zepa warihaguc hicñimac. Wañu haka tosara zénéñ hirihiriya zéma séséc yanda kuruméniguc hicñimac. <sup>12</sup>Iwawai imi moczoñ ménda hicñiyunec nuac qacna niñac méraginanéñ énépésima yéwéri énécmima tocgotocgo amaiguc zéma hésa amaiguc onopocgic onagicma kemma ic kewu zéma baec galeñ ionac muru onopocgic nammu. <sup>13</sup>Wañu haka imi mia ninzézéñ ninzézéñgina zéau énécmimu niñac hicñi énécmimac. <sup>14</sup>Imuac ini némac acnéñ nezicgé amuwíñ zéma ewa qeriginanéñ walac ménda niñareñgému. <sup>15</sup>Hénia imi mia neñ kuaginaiguc ac hai énécmima niñtegic qinñtegic mihicñi énécmiwa onac hazécgina moczoñ ac meleñ énécmima iniguc tualefic wammucac séc qahac wammac. <sup>16</sup>Wañu neñgoc mañgocgina zéma dac munahécgina zéma sac kitichécgina zéma alahécgina ieneñ ini hazéc ionac méraginaiguc onopocgic onarunec tosara unuhumumu. <sup>17</sup>Wañu ic embac moczoñ ieneñ nuac qacna niñac hazéc wañ énécmimu. <sup>18</sup>Wañu onac oruc zucgina méñ ménda birimac.<sup>d</sup> <sup>19</sup>Wañu nañselimanec kecma kekec uñagina memu.

#### Yerusalem kisi wawañawac ara.

<sup>20</sup>Wañu yaré ic ieneñ Yerusalem lelecgémigic hémmu imuaru ama areña yanda kisikiyoñ qemu imuac nalé imi hosuru hazac imi niñtegicmu. <sup>21</sup>Nalé imuaru ic embac Yuda baeciguc kecanzu imi eneñ baec boñaiguc néñgacdacmu. Ic embac ama areña yandaiguc kecanzu imi eneñ waima kemmu. Ama areñ komoraiguc kecanzu imi eneñ ama imuaru ménda keremmu. <sup>22</sup>Imi mia tasé kukuac naléya, imuac niñ ogic hezac imi moczoñ nalé imuaru hélaguc wandacmac. <sup>23</sup>Nalé imuaru baeciguc qenzeñ manzeñ yanda hicñimac. Wañu ic embac yomi ionac muru Anutuac hazéc yanda hicñi énécmimac, imuac embac héri haihaiya zéma namu gumu énécmimu ionac muru yéwéri kuney yanda hicñi énécmimac. <sup>24</sup>Imi sou zéranéñ unugic humumu. Wañu énépésima kemma baera baera séc onopocgic welen qeénécmimu. Wañu Yerusalem imi ic enia ieneñ tizizama kecgic ic enia ionac nalé zézéya imi wañuguc tecgédacmac.

<sup>d</sup> 21:18 Hénia imi; Ewa goro ménda wammu.

### Icac Naŋa hamac.

<sup>25</sup>Waŋu kecma kaiwe, maso zéma ménisikilu imuaru séséc hicŋimac. Waŋu baeciguc imi ic enia ieneŋ konduŋac eŋeŋ mamaya zéma imuac temboŋanéŋ qaru aurima sicsaoc wammu. <sup>26</sup>Kurumeŋac kuhanéŋ hirimac,<sup>e</sup> imuac niŋ ic ieneŋ iwawai baeciguc hicŋimac imi walac niŋtegicgic qiritic unumac. <sup>27</sup>Nalé imuaru mia Icac Naŋanéŋ kuha zéma edamuya yandaguc hosusuiguc mama hayu hémmu. <sup>28</sup>Haka imuhucyanéŋ hénima hicŋiyu onac aŋgéŋ tiénécmimiawac nalé imi bec hosuru ducŋizac imuac niŋ yacma orucgina hima yacma nammu.

### Fik icac séséc ac.

<sup>29</sup>Imuhuc zéma Yesunéŋ séséc ac yomuhuc zéyec; Fik ic zéma ic hésa tosara hémmu. <sup>30</sup>Imuac hawa bébélacgia bec éréma séra qeyu hémma kaiwe naléya bec ducŋizac imi niŋtegicanzu. <sup>31</sup>Imuhucyanec haka imuhucya imuhucya hicŋima keŋu hémmuiguc Anutuac héŋgaleŋ ama areŋa yanda imi hosuru hazac imi niŋtegicmu. <sup>32</sup>Ni hélacnec énézéwa niŋgic; Nalé yomuac hicŋisai imi ménda qahac waŋgicnec iwawai imi moczoŋ hélaguc wandacmac. <sup>33</sup>Baec kurumeŋ imi aulangéma qahac wammac. Waŋu nuac ackuazéčna imi ménda qahac wammac.

<sup>34</sup>Ini eŋaoc técgina nimma kecmu. Qahac waŋu iwawaigina sicsaoc gilima doku seli nema kecgic kekecac ewa goronéŋ hélanzi énécmiyu ménda nimmanec kecgic nalé imi élanzaŋnec haénécmimac. <sup>35</sup>Nalé imi mia baec séc ic embac moczoŋ yanda ionac muru bétac ésécnec ménda niŋgicnec ha énépésimac. <sup>36</sup>Imuac ini imi haka focdac hicŋi énécmimac moczoŋ yanda imuarunec efianec qizizigéma kemma Icac Naŋa iwac kiwaiguc nammuc séc nalé séc zéwelecma zenzeŋ qeli qeli kecmu.

<sup>37</sup>Waŋu Yesunéŋ kaiwe séc ocmuŋ téréyaiguc emma ackuazéc ku énécmima siŋiya séc Oliwa baec boŋaiguc emma kecaŋec. <sup>38</sup>Imuhuc waŋu ic embac moczoŋ yanda ackuazécyā nimbiŋ zé siŋunec focdac ocmuŋ téréyaiguc emma iwac muru haréaŋgic.

### Yudanéŋ Yesu qehumuwiŋ zé ac saŋa zéyec.

**22** <sup>1</sup>Saméŋ yisya qahac imuac kendoŋ, qara ménŋ nagu sacyaguc ogicogira imuac kendoŋ zéanzu imi hosuru hayec. <sup>2</sup>Hofac oo ic kiwa éréhécgina<sup>f</sup> zéma héna acac kiwi ic ieneŋ ic embac ionac zénéŋgina hiriyec imuac héna dimuhuciguc Yesu qewiŋ zéma eminiŋgic. <sup>3</sup>Waŋu Biria miŋinanéŋ tohotoho ic 12 ionarunec ménŋ qara Yuda Karioto iwac

<sup>e</sup> 21:26 Becnec ic embac eneŋ ménisikilu imi uŋaginaguc zéma ninzéŋgéic. <sup>f</sup> 22:2 Ménŋ imi Roma ic kewunéŋ zéyu naŋu, ménŋ imi hofac oo ic eneŋ hakagina méndacma sumbic néma kumugic naŋec.

qeriaiguc hiŋgarec. <sup>4</sup>Hiŋgaru Yudanéŋ hofac oo ic kiwa éréhécgina zéma ocmuŋ téréyawac awiawi ic ionac kiwa hécgina ionac muru kemma dimuhuciguc méraginaiguc Yesu opocmaŋ zéma eminiŋgic. <sup>5</sup>Waŋu ieneŋ ségiségi wamma soukiwa mimu niŋac acgina zikigic. <sup>6</sup>Zikigic Yudanéŋ ewa momac wamma ic embac Yesuguc ménda kecmu imuaru Yesu méraginaiguc opocmaŋ zé nalé hiawac mambéc kerec.

#### Yesunéŋ tohotoho ichéra iniguc tacma nene negic.

<sup>7</sup>Waŋu saméŋ yisya qahac imuac kendoŋ hayec. Hayu kendoŋ imuaru nagu sacyaguc ogicogira imuac kendoŋ niŋac rama qemuac heyec. <sup>8</sup>Yesunéŋ Petero zéma Yohane méli érécmima yomuhuc érézéyec; Kemma neŋaŋ niŋ nagu sacyaguc ogicogira kendoŋ imuac nene ohaihai waŋic newiŋ. <sup>9</sup>Zéyu qesimiyoc; Ama dimuaru ohaihai wambicac ninzaŋ? <sup>10</sup>Qesiyic zéyec; Ninzaoc, iri ama areŋa yanda kereŋic ic méŋnéŋ kewuciguc doku hima huama hamac. Hayu iguc ewagic amuma méndacmima kemma ama i emmac imuaru emmaoc. <sup>11</sup>Emma ama miŋina yomuhuc ézémaoc; Kiwi icnéŋ guac yomuhuc zézac; Ni tohotoho ic hécna iniguc ama qeria dimuaru nagu sacyaguc ogicogira imuac nene newiŋ? <sup>12</sup>Imuhuc zéyic inéŋ ama qeria kuneŋ yanda méŋ qacyaiguc tatara imi lémbécma areŋgéic hezac imi érézéyu hémma imuaru ohaihai wammaoc. <sup>13</sup>Imuhuc zéyu iereŋ waima kemma zéyec séc mihicŋjima nagu sacyaguc ogicogira kendoŋ imuac nene ohaihai waŋoc.

#### Miŋ Kewuac saméŋ téréya.

<sup>14</sup>Nalé waŋu Yesu imi imuaru emma nene newiŋ zé taru Yesuac Méliméli ic 12 ieneŋ i guc momacnec tacgic. <sup>15</sup>Tacgic Yesunéŋ yomuhuc énézéyec; Ni qenzeŋ manzeŋ imi ménda mihicŋjimanec nagu sacyaguc ogicogirawac kendoŋ yomuac nene iniguc momacnec nemaŋ zé imuac ewa ewa wamma keru. <sup>16</sup>Zéwa niŋgic; Ni nene yomi muŋguc ménda nemanec nagu sacyaguc ogicogira imuac kendoŋ imi ou Anutuac héŋgaleŋ ama areŋa yandaiguc hélaguc wammac. <sup>17</sup>Imuhuc zéma sokoc mema ewa hia ac zéma énézéyec; Sokoc yomi mema momacnec amuma negic. <sup>18</sup>Ni énézéwa niŋgic; Degucmuacnec ni iwawai waiŋ ic imuarunec hicŋihicŋiya imi muŋguc ménda nemanec kecba Anutuac héŋgaleŋ ama areŋa yanda imi hamac. <sup>19</sup>Imuhuc zéma muŋguc saméŋ mema ewa hia ac zéma méndemma énécmima yomuhuc énézéyec; Yomi nuac séwi busuna, onac wai énécmimia, ini ni niŋqeli némma haka yomi wammu. <sup>20</sup>Saméŋ imi nemaguc imuac andiaiguc inéŋ sokoc imi imuhucyanec mema yomuhuc zéyec; Sokoc yomi sisipac ac qelia nuac sacnéŋ memeya, onac qocgé énécmimia. <sup>21</sup>Waŋu héŋgic, ni andé numac iwac méria imi niguc momacnec zae yomuac qahaiguc haiyu hezac. <sup>22</sup>Icac Naŋa imi héna zétecgéyec séc kemmac, néŋ ni andé numac ic imi saecyaguc.

23 Imuhuc zéyu ienej enjaocnec qesiamugic; Mérénéj haka imuhucya wammac?

**Séwi enɛɛac tualefic ac.**

24 Ac imuhuc zéma sugina igucnec mérénéj kunɛɛgina keczac zéma tualefic emigic. 25 Imuhuc waɛɛgic Yesunéj zéyec; Ic enia ionac ic kewu ienej ic embac hécgina énépésima kewu waɛ énécmianzu. Waɛu ic tosara ai memec qac buɛa ginagucnéj siɛɛginawac galeɛgɛ énécmima enaɛ méra énécmimiawac ic zéamuazu. 26 Waɛu ini imi imuhuc qahac. Kunej ginanéj ai merac ésécnec kecmu. Galeɛginanéj weleɛ qeɛe ic ésécnec wamma kecmu. 27 Mérénéj kunej wanzac? Tacma nene nezac imi me namma weleɛ qeénécmizac imi? Tacma nezac iminéj kunej wanzac. Néj ni you suginaiguc nammanec weleɛ qeénécmizua. 28 Ini imi ala batuc naléna imuaru nalé séc ménda wainémma niguc kecanzu. 29 Nuac Maɛgocnanéj héɛgaleɛ ama areɛa yanda imi nuac muru wainéɛec ésécnec ni imuhucyanec onac muru imi wai énécmizua. 30 Nuac héɛgaleɛ ama areɛa yandaiguc kecmu nuac zaeiguc lelecgéma tacma nene nema tatic adamuyaguc imuaru tacma Israelac kicic areɛhéra 12 imi héɛgaleɛ waɛ énécmimu niɛac imi onac wai énécmizua.

**Yesuac tohotoho ichéra ienej manam batuciguc emmuac heyec.**

31 Simon, Simon, Biri miɛinanéj padi gorosoɛa ésécnec ini hitacɛg énécmimaɛ zé qesinéncac. 32 Waɛu ni guac niɛ wamma guac ninzéɛ ninzéɛga imi ménda sélécgémac niɛac Anutu zéwelec mizua. Imuac ewaga melemma hawésémaɛ nalé imuaru guac ninzéɛ ninzéɛ dac munahécgac imi meseli énécmiwésémaɛ. 33 Imuhuc zéyu inéj yomuhuc melemma zéyec; Miɛ Kewuna, hésa ama zéma humuciguc kenna giguc momacnec kemmaɛ zé efizua. 34 Zéyu zéyec; Petero gézéwa ninna, deguc kuruc ménda qarunec gi niɛnéncanɛ imi hatic haréwéc qaeɛgévésémaɛ.

**Soukiwa gésé zéma gésé yanda zéma sou.**

35 Imuhuc zéma yomuhuc énézéyec; Ni becneɛ ini soukiwa gésé zéma gésé yanda zéma héna usu qahac méli énécmiwa keɛaɛgic. Waɛu nalé imuaru iwawai méɛ niɛac hocma météqététaɛ waɛɛgic me qahac? Imuhuc qesiyu, Qahac! zéɛgic. 36 Waɛu degucmuacnec soukiwa gésé imi mema kemmu, gésé yanda imi momacnec, waɛu sougina qahac imi eneɛ malekugina haima soukiwaya mema sou boɛ memu. 37 Ni énézéwa niɛgic, ac tosara nuac niɛ ogic hezac imi naléya bec hama héizac

---

§ 22:36 Soukiwa gésé, zéma gésé yanda zéma sou; Imuhucya imi yéwéri mihicɛiwu niɛac késama keɛha waɛaɛgic. Yesunéj yéwéri hahayawac técgina nimma keɛha wammu niɛac imuhuc ac waɛ énécmiyec.

imuac niḡac méḡ yomuhuc ogic hezac imi nuac kekecnaiguc deguc héla héimacac hezac; Biria meme ic qétégina oloḡgic imuaru i momacnec olommigic. <sup>38</sup>Imuhuc zéyu ieneḡ yomuhuc zégic; Miḡ Kewunina, you sou éréhécc hezac. Imuhuc zégic, Yesunéḡ, Imi hia, séccégzac, zéyec.

#### Yesu zéwelec ai meyec.

<sup>39</sup>Yesunéḡ hiḡgacma waḡaḡec éscnec oliwa ic boḡaiguc keḡu tohotoho ichéra eneḡ acguc méndacmigic. <sup>40</sup>Imuaru kereḡdacma inéḡ yomuhuc énézéyec; Ini manam batucigic ménda keremmu niḡac zéwelecmu. <sup>41</sup>Imuhuc zéma wai énécmima hoc giligic kembac imuac séc lakec zézé kemma simiḡ héima zéwelerec. <sup>42</sup>Zéwelecma yomuhuc zéyec; Maḡgoc, guac ewa siḡ hezaciguc, sokoc yomi nuagicna kemmac.<sup>h</sup> Waḡu nuac siḡna qahac, néḡ guac siḡna selimac. <sup>43</sup>Imuhuc zéweleru kua meme uḡanéḡ kurumeḡ igucnec iwac muru wininima meselimiyec. <sup>44</sup>Yesunéḡ qeri yéwéc kuneḡ yanda mihiḡjima ewaya moczoḡnec zéweleru néḡgécyā imi sacnéḡ baeciguc téḡgac téḡgac mazac tanec waḡec.<sup>i</sup> <sup>45</sup>Waḡu inéḡ zéwelec igucnec yacma tohotoho ichéra ionac muru kemma iniru ieneḡ imi ewa biricgina niḡac gaugina hecic. <sup>46</sup>Waḡu Yesunéḡ énézéyec; Dimuhuc niḡac gaugina hezu? Manambatuciguc ménda keremmu niḡac yacma zéwelecmu.

#### Yesu késa dérécgéma wagicma keḡgic.

<sup>47</sup>Imuhuc zémanec naḡu ic tuḡ méḡ hagic. Waḡu 12 ionac sugina igucnec méḡ qara Yuda inéḡ wéséginaiguc walac walac hayu tosara méndacma hagic. Waḡu Yudanéḡ Yesu kiric nemimaḡ zé hosuru hayec. <sup>48</sup>Hayu Yesunéḡ yomuhuc ézéyec; Yuda, gi kiric nenémma andé nuzāḡ? <sup>49</sup>Waḡu tosara Yesuac maréḡaiguc néwéc néwéc naḡgic imi eneḡ néma haka hiḡjamac imi héḡteḡicma Yesu qesimigic; Miḡ Kewunina nini sounéḡ unuwiḡ? <sup>50</sup>Imuhuc zéma sugina igucnec méḡnéḡ hofac oo ic kiwa méḡac weleḡ qeḡe ic méḡ sounéḡ qema gezawa héiyaiguc imi qeriru mayec. <sup>51</sup>Mayu Yesunéḡ énézéyec; Waigic, haka imi muḡguc ménda wammu. Imuhuc zéma gezawa mérianéḡ osima mehiarumiyec. <sup>52</sup>Imuhuc wamma Yesunéḡ hofac oo ic kiwa éréhéccgina zéma ocmuḡ téréyawac awiawi ic ionac galenḡina zéma galenḡ tosara eḡeya késawiḡ zé hagic ionac yomuhuc énézéyec; Ini kaiziliweḡ ic méḡac késaanzu éscnec sou qarucḡinaguc hazu? <sup>53</sup>Ni naléya naléya iniguc ocmuḡ téréyaiguc keru nalé imuaru ini méragina ménda suluma nosigic. Waḡu deguc imi siḡi tunumaḡac miḡjina zéma onac nalé wanḡac.

#### Peteronéḡ ménda niḡzua zéma Yesu qaecgé miyec.

<sup>54</sup>Waḡu ieneḡ Yesu késama wagicma hofac oo ic eḡeḡawac amaiguc kereḡgic. Waḡu Peteronéḡ lakec nec méndac énécmima keḡec. <sup>55</sup>Waḡu

<sup>h</sup> 22:42 Sokoc yomi qeḡzeḡ maḡzeḡac sokoc. <sup>i</sup> 22:44 Kembraḡa 43,44 imi kiwi méranéḡ ooya tosaraiguc ménda hezac.

ic embac enej somberj deminaguc imuac namuŋaiguc geric higic zeyu lelecgéma tacgic Petero imuhucyanec suginaiguc tarec. <sup>56</sup>Taru welen qeqe embac serañá mējnēj Peteronēj geric bélaña hémma taru hējsosolima ézēyec; Ic yomi acguc i guc momacnec kecajec. <sup>57</sup>Imuhuc zéyu Peteronēj qaecgéma zéyec; Embac, ni ic imi ménda nimmizua. <sup>58</sup>Nalé ménda horuyu ic mējnēj ic imi hémma zéyec; Gi imi imuhucyanec tuŋ imuarunec. Imuhuc zéyu Peteronēj melemma zéyec; Ic ala, ni qahac! <sup>59</sup>Waŋu kaiwe kiwa momacguc éséc keŋu, ic mējnēj ewa éréhéc ménda wamma zéseliyec; Ic yomi Galilaia ic, imuac niŋ yominēj hélacnec i guc kecajec. <sup>60</sup>Imuhuc zéyu Peteronēj yomuhuc zéyec; Ic ala, néma ac zézan? Ni imi acga ménda niŋacgézua. Imuhuc zémanec naŋu nalé imuaru kuruc qarec. <sup>61</sup>Qaru Yesunēj lilingéma héŋu Petero imi Miŋ Kewunēj, Kuruc ménda qarunec gi ni hatac haréwéc qaecgé némbésémaŋ, zéma zéyec Miŋ Kewuac ara imi niŋqeliyec. <sup>62</sup>Waŋu inēj séŋgaŋŋeŋiguc hiŋgacma siac howuc howuc siarec.

<sup>63</sup>Waŋu galeŋ mema kecgic ienej Yesu zédesimima qegic. <sup>64</sup>Qema iwac kiwa osoma yomuhuc qesimigic; Gi Anutuac tiliŋ tiliŋ ic keczaŋiguc méréneŋ guzac imi zéhicŋina. <sup>65</sup>Waŋu imi sac qahac, ac tosara sasala zéma zébirimigic.

#### Qeriwac galeŋ ienej Yesuac ara zégésima qesimigic.

<sup>66</sup>Ama gianjyu ic embac ionac qeriwac galeŋ, hofac oo ic kiwa éréhéc zéma héna acac kiwi ic ienej azoroma énézégic Yesu wagicma kaunsol ionac muru emma opocgic naŋec. <sup>67</sup>Naŋu qesimima zégic; Gi Kristo wanzaŋiguc nénézéna ninni. Imuhuc zégic melemma zéyec; Zéwa ménda niŋzēŋgému. <sup>68</sup>Waŋu neŋ qesiéncmiwa ini kileŋ ménda melemma zému. <sup>69</sup>Waŋu degucmuacnec Icac Naŋa iminēj Kuc miŋina Anutuac héiyaiguc tacmac. <sup>70</sup>Imuhuc zéyu moczoŋ qesimima zégic; Imuhuc waŋu gi imi Anutuac Naŋa? Zégic zéyec; Enej mia ni imi mia zézu. <sup>71</sup>Imuhuc zéyu ienej yomuhuc zégic; Némac niŋ nini héipuc ac mén niŋac hochoc ai mewiŋ? Nini neŋaoc kuaya igucnec nindacziŋ.

#### Ic kewu Pilatonēj Yesuac hénia nimmaŋ zé zéqesi wammiyec.

**23** <sup>1</sup>Imuhuc zéma ic embac moczoŋ yacma Pilatoac muru Yesu wagicma keŋgic. <sup>2</sup>Kemma késpedesira zéhicŋimima yomuhuc zégic; Nini ic yomi hénni, nonac ic embac ikoc waŋ énécmima Kaisawac takis ménda miwiŋ niŋac qetali nénécmima eŋeya niŋac ic kewu Kristo zéanzac. <sup>3</sup>Imuhuc zégic Pilatonēj Yesu yomuhuc qesimiyec; Gi Yuda ic ionac ic kewu wanzaŋ? Imuhuc qesiyu yomuhuc melemma zéyec; Geŋgaoc zézan. <sup>4</sup>Pilatonēj Hofac oo ic kiwa éréhécgina zéma tuŋ imi énézēyec; Ni hémba ic yomi késpedesira qahac wanzac. <sup>5</sup>Imuhuc zéyu tuŋ ienej muŋguc yanda seliseli wamma zégic; Inēj Yuda baec séc ac imi

ku énécmima ic embac qerigina netuanzac. Imuhuc wamma Galilaia baeciguc hénima hama hama you hazac.

**Yesu wagicma ic kewu Herodeac muru kenjic.**

<sup>6</sup>Imuhuc zégic nimma Pilatonéj Ic imi Galilaia ic me qahac imuac qesinijec. <sup>7</sup>Qesinimma Yesu imi Herodeac héngalen baec igucnec imi niņasarima Herodeac' muru méliyec. Waņu nalé imuaru Herodenéj Yerusalem hama tarec. <sup>8</sup>Herodenéj iwac buņa nimma nalé horua ic imi hémma haka baec icnéj ménda memeya ménj meyu hémmanj zé ic imi mihicņimanj zé waņajec. Imuac niņ Yesu hémma ségiségi yanda waņec. <sup>9</sup>Waņu qesiqesi sasala wammiyec. Néj Yesunéj ac ménj ménda melejmiyec. <sup>10</sup>Waņu hofac oo ic kiwa éréhécgina zéma hena acac kiwi ic ienej namma ac geriwiguc zéma acnéj qatémigic. <sup>11</sup>Herodenéj eņeya yaré ic iniguc Yesu memamima zédesi wammima maleku hiabia asac asaria héimima Pilatoac muru melemma mélimiyu kenjec. <sup>12</sup>Herode zéma Pilato ierej bec nec hazéc waņamuma ekac ekac kecaņoc. Waņu nalé imuaru ai imuhuc naņgé amuma mema ala waņoc.

**Yesu zétecgégic humucac buņa waņec.**

<sup>13</sup>Waņu Pilatonéj ic embac ionac hofac oo ic kiwa éréhécgina zéma galen hécgina zéma ic embac tocgé énécmiyec. <sup>14</sup>Tocgo énécmima yomuhuc zéyec; Ini ic yomuac niņac ic embac qerigina netuanzac zéma wagicma hagic. Ni kicginaiguc qesinimma niņgésima késpedes ménj ara imuac sécyā ménda mihicņizua. <sup>15</sup>Qahac téņgēj, Herode imuhucyanec ara nimma muņguc mélimiyu wagicma hagic. Niņzu haka inéj waņec imi humucac sécyā qahac. <sup>16</sup>Imuac qemindiņi wammima hulacmiwa mama kemmac. <sup>17</sup>(Kendoņ séc hēsa ic ménj hulac énécmimacac heyec imuac mia imuhuc zéyec.) <sup>18</sup>Imuhuc zéyu tuņ enej momacnec qacma yomuhuc zégic; Ic imi qahac wammac. Waņu iwac tasia Baraba hulacmina nonac muru mayu. <sup>19</sup>Baraba imi bec nec ama areņa yanda imuaru gawamaņ hazéc wammima yaré yanda mihicņigic imuac suraiguc ic ménj humuyec imuac niņac kēsama hēsa amaiguc haigic tarec. <sup>20</sup>Waņu Pilatonéj Yesu hulacmimaņ zé ac muņguc énézēyec. <sup>21</sup>Waņu ienej qacmanec namma yomuhuc zégic; Ic héņgeņa wéndaraiguc qena humuyu! Ic héņgeņa wéndaraiguc qena humuyu! <sup>22</sup>Waņu Pilatonéj muņguc yomuhuc zéyu hatac haréwéc waņec; Ic yomi néma késpedes waņec? Ni imi késpedes humucac sécyā ménj ménda mihicņizua. Imuac qemindiņi wammima hulacmiwa mama kemmac. <sup>23</sup>Imuhuc zéyu ienej muņguc yanda kucnec qacma ic héņgeņa wéndaraiguc qemu niņac hinocgéma selianec welecma zéseligic. <sup>24</sup>Imuhuc waņgic Pilatonéj

---

j 23:7 Herode Antipasi, Ic Kewu Yanda Herodeac naņa.



zéqaqacfeŋ acgina imi niŋénécmimu niŋac zétecgéyec. <sup>25</sup> Waŋu ic embac ieneŋ ic ménŋ becneŋ ic embac hinocgé énécmima ac qegetali wamma ic ménŋ qehumuyu hésa amaiguc opocgic tarec imuac welecgcic imuac niŋ Pilatonéŋ ewa siŋgina tohoma ic imi hulacmiyec.

**Yesu ic héŋgeŋa wéndaraiguc biriŋnéŋ qegic.**

<sup>26</sup> Waŋu Roma ic ieneŋ Yesu wagicma keŋgic. Kemma hénaiguc ic ménŋ qara Simon Kirene<sup>k</sup> imi ama areŋ méŋunec haréyu mihicŋjima késama ic héŋgeŋa wéndara huayaiguc haigic huama Yesu méndacma keŋec. <sup>27</sup> Waŋu ic embac tuŋ yanda méndacma keŋgic. Waŋu suginaiguc embac sasala ieneŋ Yesuac niŋac zéŋiac wamma méndacma keŋgic. <sup>28</sup> Waŋu Yesunéŋ ionac muru liliŋgéma énézéyec; Yerusalemac bérachéra ini nuac niŋ qahac, néŋ eŋaŋ niŋac zéma eŋaŋ nambérac hécgina ionac niŋac wamma siacmu. <sup>29</sup> Héŋgic, nalé biria hayu ic embac ieneŋ yomuhuc zému; Embac héfiŋa zéma embac merac ménda memeya, merac namu ménda gumugumuya ieneŋ efima ségiségi wammu. <sup>30</sup> Waŋu nalé imuaru ic embac ieneŋ baec boŋa hémma nonac qacninaiguc bacgéma mana zému. Waŋu baec héŋgeŋ héŋgeŋa hémma mama nini hoturu nénécmima zému. <sup>31</sup> Ic hésa téŋgiŋ téŋgiŋa nuac haka imuhucya waŋ nénzuiŋic ic hésa humumia onac imi haka dimuhucya hicŋjamac?

<sup>32</sup> Waŋu nalé imuaru biria meme ic éréhéŋc humucac buŋa zétecgé érécmigic Yesuguc momacneŋ onagicma keŋgic. <sup>33</sup> Waŋu baec qara ménŋ Orucsic imuaru keremma imuaru Yesu ic héŋgeŋa wéndaraiguc biriŋnéŋ qema biria meme ic éréhéŋc imuhucyanec biriŋnéŋ urugic ménŋ Yesuac héiyaiguc ménŋ kanayaiguc naŋoc. <sup>34</sup> Waŋu Yesunéŋ yomuhuc zéma zéwelereŋ; Maŋgoc, ieneŋ imi eŋaoc néma haka wanzu imi ménda niŋteŋgiczu imuac képésicgina waina. Waŋu téŋgiŋ ic ieneŋ sumbic néma Yesuac malekuya imi méndémma késagic. <sup>35</sup> Waŋu ic embac ieneŋ hémma naŋgic. Waŋu Yuda ic galéŋgina ieneŋ acguc imi Yesu zédesi wammima yomuhuc zégic; Ic imi ic tosara aŋgéŋ tiénécmiyec, waŋu ic imi Anutuac buŋa qemimia Kristo wanzaciguc eŋeyaoc aŋgéŋ tiamuma mawacneŋ. <sup>36</sup> Waŋu yaré ic ieneŋ imuhucyanec kemma yomuhuc zédesimima waŋ howuraguc migic; <sup>37</sup> Gi Yuda ic ionac ic kewu keczaŋgic gi kekecga aŋgéŋ tima mana. <sup>38</sup> Waŋu iwac orucya hanecgeŋa iguc ou kiwi ménŋ yomuhuc oma qegic naŋec; Yuda ic ionac ic kewu.

<sup>39</sup> Waŋu biria meme ic urugic naŋoc iorarunec méŋnéŋ yomuhuc zéma Yesu ac geriwaguc zémiyec; Gi Kristo qahac me? Geŋga zéma norac kekecnina imi aŋgéŋ tinénécmima. <sup>40</sup> Waŋu biria meme méŋnéŋ qetalimima yomuhuc ac zémiyec; Gi imi humucac buŋa bakia séc momacguc imuhucya zétecgé géŋgic. Waŋu Anutuac zénéŋga ménda

<sup>k</sup> 23:26 Kirene ic Simon.

hirizac? <sup>41</sup> Waņu niri imi haka waņic imuac bakia sécnira mezic, imuac sécgézac néj ic yominéj haka biria ménj ménda waņec. <sup>42</sup> Inéj imuhuc zéma Yesu yomuhuc ézéyec; Yesu, gi guac héngalenj ama areņa yandaiguc kemma nidac imuhucya niņnébésémaņ. <sup>43</sup> Imuhuc zéyu Yesunéj yomuhuc melemma zéyec; Ni hélacnec gézéwa ninna, deguc gi niguc baec hafi zepaya qahac imuaru kemma kecbic.

<sup>44</sup> Waņu kaiwe kiwa imi gau komoc waņec, néj kaiwe imi siņi déjgýyec. Waņu baec séc siņinéj hoturumanec keru maria 3 kilok waņu tecgýyec. <sup>45</sup> Waņu ocmuņ téréya qeriaiguc maleku horua naņec imi namuņa igucnec zuracgýyec. <sup>46</sup> Yesunéj kucnec qacma yomuhuc zéyec; Maņgoc nuac uņana guac méragaiğuc haizua. Waņu imuhuc zéyu uņaya waimiyec. <sup>47</sup> Waņu yaré ic 100 ionac galengina iminéj haka imi hémma Anutu mepésimima yomuhuc zéyec; Ic yomi hélacnec ic solaņa kerec. <sup>48</sup> Ic embac héipuc wamma hémbiņ zé hagic ienej imuhucyanec haka imuhuc hicņiyu hémma ewa biric wamma tétécgina qema liliņgéma keņjic. <sup>49</sup> Ic tosara Yesuac niņénécimimia zéma embac tosara Galilaiianec Yesu méndacma hagic imi momacnec lakecnecc namma haka imi héndacgic.

#### Yesu kicsuaņiguc haigic.

<sup>50</sup> Waņu luae ic solaņa ménj qara Yosefe<sup>l</sup> kerec. Inéj Yuda ic ionac ac gésigési ic kaunsol ionarunec. <sup>51</sup> (Waņu ic iminéj Yesuac ara zégic nalé imuaru oaec ménda zéénécimiyec.) Inéj mia Yuda baec Arimataia ama areņ yanda imuac miņina. Waņu Anutuac héngalenj ama areņa yandawac mambéc kecaņec. <sup>52</sup> Waņu inéj Pilatoac muru kemma Yesuac qamoc memaņ zé welerec. <sup>53</sup> Waņu kemma qamora metecgéma maleku qara linej iminéj osoma mema kemma baņa kifaņa ésé oraragic qamoc ménj ménda haigic qelianec heyec imuaru haiyec. <sup>54</sup> Waņu nalé imi Neņgoc, Sabatawac zéréņqéréņ naléya, Waņu Sabata imi bec hénimaņ zé waņec.<sup>m</sup> <sup>55</sup> Waņu embac tosara Galilaia baec igucnec Yesuguc momacnec hagic ienej méndacma kemma kifaņa imi zéma qamocya dimuhuc haiyec imi héngic. <sup>56</sup> Hémma liliņgéma kemma haléc hémeņa hiabia zéma iwawai hémeņa hiabia imi mehahai wandacmaguc hena ac tohoma Sabatawac tac niņjic.

#### Yesu humuc igucnec qelima yarec.

**24** <sup>1</sup> Sabata nalé tecgýyu ama siņima gianjiyu Sonda waņec. Waņu embac eneņ gianģiaņa igucgeņ séwi haléc hémeņaguc hiabia bec mutulaņgégic heyec imi mema kic suaņiguc keņjic. <sup>2</sup> Kemma héngic

<sup>l</sup> 23:50 Yosefe, Arimataia ama igucnec. <sup>m</sup> 23:54 Sabata imi Neņgociguc kaiwe hiņgacmaņ zé waņu hénima Sondagie maria waņu tecgéanzac.

hoc yanda imi kifaŋa igucnec qiliqililiŋ gáyawac heyec. <sup>3</sup>Heyu emma héŋgic Miŋ Kewu Yesuac qamoc imi ménda heyu hocgic. <sup>4</sup>Hocma ewa goro wammanec naŋgic. Waŋu ninzu, ic éréhécnéŋ maleku lalacalac edamuyaguc héima qéhéréŋginaiguc élanzaŋnec naŋic iricgic. <sup>5</sup>Iricma embac eneŋ zénéŋgina hiriyu sicgé érécmima musugina baeciguc mema magic. Waŋu ic éréhéci iereŋ yomuhuc zéyoc; Némac niŋ ic kekecyaguc imi ic humumia ionac sugcinaiguc mihicŋiwŋi zé wanzu? <sup>6</sup>Inéŋ you qahac, néŋ humuc igucnec meqelimiyyu yaczac. Inéŋ Galilaia baeciguc kerec nalé imuaru dimuhuc énézéyec imi niŋyacgému. <sup>7</sup>Inéŋ mia yomuhuc énézéyec; Icac Naŋa imi biria meme ic ionac méraginaiguc opocgic ic héŋgeŋa wéndaraiguc qegic ai meme haréwéc waŋu kilen muŋguc yacmacac hezac. <sup>8</sup>Imuhuc zéyu ieneŋ Yesuac ackuažéc imi niŋqeligic. <sup>9</sup>Niŋqelima kicsuaŋ imi waima liliŋgéma kemma iwawai imi moczoŋ Yesuac Méliméli ic 11 zéma ic embac tosara énéžédacgic. <sup>10</sup>Waŋu Yesuac Méliméli ic ac imi énéžégic embac ionac qacgina imi yomuhuc; Makdala Maria, Yoana, Yakoboac neŋgocya Maria zéma embac tosara. <sup>11</sup>Imuhuc zégic Yesuac Méliméli ic ieneŋ niŋgic ac ewa sohoaya ésécnec waŋu ménda ninžéŋgégic. <sup>12</sup>Waŋu Peteronéŋ yacma kicsuaŋiguc usuŋnec kemma lolocgéma kifaŋaiguc kiwa hima héŋu lineŋ maleku sac heyec. Waŋu iwawai hicŋiyec imuac qerianeŋ niŋgumbi niŋguŋ wamma liliŋgéma keŋec.

<sup>13</sup>Waŋu ninzu, tohotoho ic ionarunec éréhécnéŋ Emmausi ama areŋ komoraiguc kembicac zé keŋoc. Waŋu ama imi Yerusalemnec 11 kilomitawac séc. <sup>14</sup>Waŋu iereŋ imi haka hicŋiyec imuac ac suruc imi moczoŋ wammanec wamma keŋoc. <sup>15</sup>Imuhuc ac suruc eminiŋ wammanec keŋic Yesunéŋ hosucgiraiguc keŋu momacnec keŋgic. <sup>16</sup>Waŋu kicgira imi ménda béréŋgéyu ménda héŋtegiroc. <sup>17</sup>Waŋu Yesunéŋ yomuhuc qesiérécmiyec; Iri héna kemma ekawu suruc zékeŋ zéha wanzaoc imi némac surucyawac wanzaoc? Imuhuc zéyu iereŋ ewa biric kicic wamma naŋoc. <sup>18</sup>Namma iorarunec méŋ qara Keleopa inéŋ melemma yomuhuc zéyec; Yerusalem kecma suraiguc haka hicŋiyec imi ic enia gi momacguc sac ménda ninzaŋ? <sup>19</sup>Zéyu zéyec; Imi némac haka? Zéyu melemma zéyec; Nazarete ic Yesuac suruc mia, inéŋ Anutuac kiwaiguc zéma ic embac ionac kicginaiguc kua meme ic kerec. Waŋu zézéya zéma wawaŋa imi kuha yandaguc waŋec. <sup>20</sup>Neŋaŋ hofac oo ic kiwa éréhécnina zéma galeŋ hécnina ieneŋ humucac buŋa opocgic ic héŋgeŋa wéndaraiguc qegic humuyec. <sup>21</sup>Nini imi ic iminéŋ Israel doenina menénécmmiac niŋac mambéc kerij. Imi sac qahac, haka imi hicŋiyecac deguc ai meme haréwéc wanzac. <sup>22</sup>Waŋu sucninaiguc embac tosara ieneŋ meauri nénécmigic. Ieneŋ siŋunec yanda kicsuaŋiguc keŋgic. <sup>23</sup>Kemma iwac qamora imi ménda mihicŋima hocma hama zégicnéŋ; Kua meme uŋanéŋ hicŋi énécmiyic iricgic. <sup>24</sup>Imi sac qahac alahécnina

tosaranéj kicsuanjiguc kemma embac enej zégic ésécnec heyu héngic, néj Yesu ménda mihicnjigic. <sup>25</sup>Imuhuc zéyic nimma Yesunéj yomuhuc zéyec; Ewagira qahac, qerigira makikia waŋu iri Anutuac tilij tilij ic ionac zézéya imi ninzénjégwic zé ewa qerigiranéj éséj éséj wanzac. <sup>26</sup>Kristonéj eŋeya edamuyaiguc keremmac niŋ qenzéj manzénj imuhucya mihicnjimacac hezac imi iri ménda ninzaoc? <sup>27</sup>Imuhuc zéma Moseac kiwi igucnec hénima Anutuac tilij tilij ic ionac kiwi moczoŋ mema eŋeya niŋac kiwi téréyaiguc ogic heyec imi moczoŋ zéasari érécmiyec.

<sup>28</sup>Waŋu ama areŋa imuac wamma keŋoc imuaru kendaric Yesunéj ama areŋa imi ogicma kemmanj zé waŋec. <sup>29</sup>Waŋu ierenj seliseli wamma yomuhuc qesimiyoc; Kaiwe sima hiŋgaru ama bec siŋimanj zé wanzac imuac niriguc momacnec tacbiŋ. Imuhuc zéyic momacnec tacbiŋ zé iriguc eŋec. <sup>30</sup>Waŋu ic iriguc momacnec nene nemanj zé tacma saménj ménj mema ewa hia ac zéma mésémma érécmiyec. <sup>31</sup>Érécmiyu kicgira béréngéyu Yesu imi héntegiroc. Héntegicma hényic aulanjéyec. <sup>32</sup>Aulanjéyu ierenj yomuhuc zéyoc; Hénaiguc ackuažéc nérézéma kiwi téréya zéasari nérécmiyu ewa qerinira zeyec. <sup>33</sup>Imuhuc zéma nalé sosola qahac yacma muŋguc Yerusalem lilingéma keŋoc. Kemma iniric Yesuac Méliméli ic 11 zéma ic embac tosara iniguc tocgéma tackecgic. <sup>34</sup>Tacma yomuhuc zégic; Imi hélacnec! Miŋ Kewuninanéj qelima yacma Simon mihicni miyec. <sup>35</sup>Imuhuc zégic ic éréhéc ierenj hénaiguc iwawai hicni érécmiyec imuac suruc zéma Yesu saménj qésémma érécmiyu dimuhuc héntegiroc imuac suruc énézéyoc.

<sup>36</sup>Ienenj ac imi zémanec tacgic Yesu eŋeyaoc sugginaiguc hicnjima namma zéyec; Onac muru luae hemac. <sup>37</sup>Imuhuc zéyu ienenj aurigic zénéngina hiriyu uŋa ménj hénziŋ zéma niŋgic. <sup>38</sup>Waŋu Yesunéj énézéyec; Némac niŋ zénéngina hiriyu, ewa qeriginanéj ewa éréhéc wanzu? <sup>39</sup>Nuac mérana zéma hénana hémma néntegicgic. Méraginanéj ni nosinimma néngic, uŋa imi séwi busu zéma sira qahac, néj ni iminaguc. <sup>40</sup>Ac imuhuc zéma méria zéma hénaya énézéyu héndacgic. <sup>41</sup>Hémma ségiségi kileŋ yanda waŋgic. Waŋu ségiséginéj sécgé énécmiyu méngucnec ewa éréhéc waŋgic. Imuhuc waŋgic Yesunéj nene tosara taczac me qahac zéma qesiéncmiyec. <sup>42</sup>Imuhuc zéyu lambéc kemaŋa ménj zezeya momacguc migic. <sup>43</sup>Waŋu mima hémma nanjicnec kicginaiguc mema neyec.

<sup>44</sup>Nema toroqema yomuhuc zéyec; Ac yominéj mia ni iniguc keri nalé imuaru énézéyi ac imi mia; Moseac kiwi zéma kua meme ic ionac kiwi zéma Legiciguc nuac niŋ ogic hezac imi moczoŋ héla wammacac hezac. <sup>45</sup>Imuhuc zéma ewa qerigina naguya auénécmima kiwi téréya ku énécmiyu niŋsarigic. <sup>46</sup>Waŋu inéj toroqema zéyec; Ménj imi yomuhuc ooyawac hezac; Imuhucyanec Kristonéj qenzénj manzénj nimma ai meme haréwéc waŋu humuc igucnec yacmacac hezac. <sup>47</sup>Waŋu Yesuac qaraiguc

ewa qerigina meļņģic k p s c gina ʒuac  n c mimac imuac buņa suruc hiabia imi Yerusalem igucnec h nima baera baera ʒ sai  n c migić nimmu imi mocʒoņ ogic hezac. <sup>48</sup>Waņu ini imi haka mocʒoņ yanda imuac h iŗuc ic wanʒu. <sup>49</sup>H ņģic, ni Maņgocnan ņ ac ʒiki  n c miyec imi<sup>n</sup> onac m limaņ. Imuac ini kuc yanda ounec mama hoturu  n c mimac nal  sura imuac s c ama areņa yanda yomuaru kecģic.

<sup>50</sup>Yesun ņ  n p sima Betania baeciguc kemma m ria meyu eņu mozoc ac  n z yec. <sup>51</sup>Mozoc ac ʒ manec naņu sugina igucnec wagicma kurumeņiguc eņec. <sup>52</sup>Waņu ieneņ i mep sima s gis gi yanda wamma Yerusalem liling ma keņģic. <sup>53</sup>Kemma nal  s c ocmuņ t r yaiguc kecma Anutu mep simigić.

---

<sup>n</sup> 24:49 Uņa t r yawac imuhuc ʒ yec.